

Lukri Né Kena



Wagi: Lukri Né Kena Portions

Lukri Né Kena
Wagi: Lukri Né Kena Portions
Luk long tokples Wagi long Niugini

copyright © 2016 Wycliffe Bible Translators, Inc.

Language: Wagi

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 3 Feb 2023 from source files dated 29 Jan 2022
6967869f-9588-59ed-91d2-0158edb59705

Contents

LUK	1
---------------	---

LUK

Né Ura Koptak

Lukri Né ge danah wénih Luk qe yan. Nug ge dokta am Grikrer. Nug danah nusgur am danah lawardi Tiwur pi dosi qe ole olag meře mérigri né ene yan. Tiwurdi Né os ge wénih Aposel qe ole Luk nug yan. Lukri Né e owa ge Luk Yesus kerdi wan ewa uríyan qeri yan: Nug oun os gattu owa de qe mariko peko buliko ow Tiwurdi uhribak érudigri uríyan (19:10). Yesus danahas kunum asilag kug owari buliko diardigri uríyan (2:10; 2:30-32; 3:6; 24:47). Né Kena enewa, ig Yesusri o mousak hipunin danahas dilag nie qe ewqétu (6:20; 7:22; 14:11-13; 21:1-4). Ig nug o mousak as dilag qe ewqétu (né ene sillah 7:11-17; 8:2-3; 10:38-42; 13:10-13; 21:1-4; 23:27-31). Am nug o mousak nir nounu dilag qe ole ewqétu (né ene sillah 8:41-42; 54-55; 9:38-42; 9:46-48; 18:15-17).

Lukri Né Watiak

1. Né digumak (1:1-4)
2. Le Luarak danah Yon memnak am Yesus ole (1:5—3:20)
3. Yesus kekuak diguman (3:21—4:13)
4. Yesus Galili kekuan (4:14—9:50)
5. Yesus kekolle Yerusalem atan (9:51—19:27)
6. Kuha usih qe owa Yerusalem keř ban (19:28—23:56)
7. Yesus buliko fou meko asko am bégur gumarko wanan (sapta 24)

Né Digumak

¹ O danah naři Tiofilus, danah kuřum la os ag tatam keř keř ig gamnigwa beko atan qeri né ene yeg. ² Ag né qe danahas ig mariweg duet qe sillah ole yeg. Danahas qe digumakwa Yesus keř keř sew amlagwa peg qe, dimba ag Tiwurdi Néri kuak danah beg. ³ Da Luk da né qe digumakwa arereg ban qe peko kepařko kouturin. Qeri da ole né ene keř keř kunum ban qe dimlamurko yarildi kena

elle qe yin. ⁴ Danah naři Tiofilus, na né ismireg qe, né meře qe doka ot mourdig.

Le Luarak Danah Yon Memnakri Né

⁵ Sén qewa Herod* nug king delle Yudia gumewew, pris† os wénih Sakaraia daré. Nug pris ameg Abiya qewari, am nug waw Elisabet ole a olele pris Aron furuh. ⁶ A olele Nařinahri Ro am Né ole kunum dimlamurdap, qeri ge Tiwur a danahas mangunah qere piatan. ⁷ Gam a keinmanah am a nir kawa, keřdi Elisabet nug owa nir kawa. ⁸ Sén os pris ameg Sakaraia nug daré ole qe asilag sén kekuakri dewew ge, deř os pris Sakaraia nug Tiwur nohwa kekuan. ⁹ Pris ag koulagwa wenlag ker masawa yeksi tourweg ge, Sakaraia wénih ban. Wénih bew ge, nug keprurweg Tiwur Lougwa noko ker ahu os kew kas murdig kena ole Tiwurdi mandigri nuan. ¹⁰ Ker ahu os kew kas murdig kena be ole qe nug manewew ge, danahas kunum dimdim qagleksi unuqoreg. ¹¹ Sén qewa Tiwurdi doup Sakaraia gumurko doko, qařew ker ahu os murdig kena ole ařelle dian qe séku kenariwa sirko dian. ¹² Dewew ge, Sakaraia aminko doup qe peko ge, nug wawtuřko ole fařan. ¹³ Gam Tiwurdi doup amegwa anan. “Sakaraia, na aw fařwen. Tiwur unuqorak nasip duan. Na wat Elisabet nug nir danah memanko mirdig, am na nir qe wénih Yon katař. ¹⁴ Geisah nug dow, na ot gamag naři asdig. Am nug durig qeri danahas la kuřum ole olag gamag asdig. ¹⁵ Keřdi nug Tiwur nohwa danah wénih ole darig. Nug wain am le gagrag la qe ole ospi lew, am nug anig owa niewew, sén qewa ole Koulli Gun nug ole wittew dessa omaldig. ¹⁶ Nug anuřko Israel danahas kuřum omlarew ag olag buliew asilag Nařinah Tiwur gumdexi dolag. ¹⁷ Profet‡ Elaia gagragsak morew kekuan qe sillah Yon Nařinah noh oko anuřko attig. Atewew ge, nug sew nir memelgar ole ag olag usih nirig. Am nug danahas Tiwur nohwa tapewnak sési qe omlarew olag buliew Tiwur o nie

* **1:5** 1:5 Herod ene Herod king dewew Yesus katleg ole qe memeg. † **1:5** 1:5 Tiwur am danahas ole gamlagwa Tiwurdi ofa mak danah ‡ **1:17** 1:17 Tiwurdi né oko mariak danah

sillah diakri dahmelag. Qewa ge, nug sew Nařinah uririgri qeri danahas olag bawressi dalag," eko anan. ¹⁸ Sakaraia Tiwurdi doup kořmoran, "Da qe areg ol meře mérig? Keřdi da wal ole i keinmanah am i nir ole makri sėn ertan." ¹⁹ Tiwurdi doup nug kořewa oko anan, "Da doup Gebrel. Da Tiwur nohwa deina ole. Nug da meřilew nasip né kena ene oko na amenwa andildi uriyém. ²⁰ Na doka koutor. Gei ole na né kařdew né ospi mariwen, keřdi na dasil né ot meře pi mé. Na dawwe atew nir nasip dow am bulika né maririp. Da keř aném qe sėn nusig morakwa bėrig." ²¹ Sėn qewa danahas Sakaraia dimdim bėrigri ameg méksi dessi dahmak kuřum og. "Aregri Tiwur Lougwa gun awen owa wagannah de?" ²² Sėn nug dimdim ban ge, nug né mariakri olele kawa. Ag nug Tiwur Lougwa kowol os pian ge, nug ewegwa ih sew peksi olag mouran, keřdi nug né kařdan. ²³ Nug pris kuakri sėn nusig qe malako ge, buliko lougwa atan. ²⁴ Qe dimba ge, waw Elisabet o ole meko, nug kalam tanig ole qe louw ih daré. ²⁵ Elisabet anan, "Nařinah dasil o niew, nug sew da nir ole mein. Géri danahas nolagwa ura nak dorém ge, nug sew kawa man."

Yesus Memnakri Né

²⁶ Kalam 6 qere Elisabet nirdi weiewew, Tiwur doup nusig wėnih Gebrel qe meřorew taun nagur wėnih Nasaret qewa atan. Taun qe Galili atu owa de. ²⁷ Tiwurdi doup nug Tiwurdi né oko as magun os danah ole ospi weiyes ole qe dowa atan. Nug danah os wėnih Yosep king Dewit fuřuhwari qeri fėg orweg. As magun qe wėnih Maria. ²⁸ Tiwurdi doup nug gumurko atko amegwa anan, "Maria, na kena te dana? Tiwur nasip o naři nie. Tiwur na ole dasa." ²⁹ Maria doupri né qe doko wawtuřko katat qew ge dahman, "Keř digurinah né ene ané." ³⁰ Gam Tiwurdi doup anan, "Maria, na aw fařwen. Tiwur nasip o nie. ³¹ Geisah na ot ole meka nir danah os memanka am nug wėnih Yesus katař. ³² Tiwur sew nug binag naři ole bėrig am nug wėnih Tiwur

Karannah Bega ėksi anlag. Nařinah Tiwur sew nug king beko alag dugiah Dewit king daré sillah darig. ³³ Nug Yakop fuřuh gumarelle king sansan darig. Kingdom nusig ge ospi kawa mew," eko anan. ³⁴ Maria Tiwurdi doup amegwa anan, "Da danah ole ospi weiyėř gam, aregnah kowol qere dagnėwa bėrig?" ³⁵ Tiwurdi doup kořewa oko anan, "Koulli Gun neko na tonirew gagragsak Tiwur Karannahri na qanřirdig. Qeri nir gunnah na memandip qe wėnih Tiwur Bega ėksi anlag. ³⁶ Na doka koutor. Na liap Elisabet ole nug keinmanah, nug owa nir kawa ėksi andėw, gam gei nug kalam 6 qere nirdi weiyė, géri nug nir ole darig. ³⁷ Keřdi Tiwur nug keř os sakri ane ge, qe mou bėrig." ³⁸ Maria Tiwurdi doup kořewa oko anan, "Da Nařinahri kuak as, na né anam qe sillah bar." Qere anew ge, Tiwurdi doup nug munurko atan.

Maria Elisabet Perig Atan

³⁹ Qe dimba wagam ole kawa, Maria bawarko usihri teko Yudia atu owa taun os goukuwa, Sakaraia Elisabet ole des qewa atan. ⁴⁰ Atko Sakaraia lougwa wanew Elisabet peko sumdew ge, Maria ole Elisabet sumdan. ⁴¹ Sumdewew ge, nir Elisabet owa nian qe ole kawqan. Koulli Gun Elisabet wittew dessa dahmak moran. ⁴² Elisabet qalko Mariari anan, "Tiwur na as la kunum eřarak wittak kena miran, am Tiwur nir na otwa nie qe wittak kena moran. ⁴³ Da ol gamagnah ase, keřdi Nařinah dasil anig peřirdigri uriyé. ⁴⁴ Na sumřam qe dueppi ole nir da olwa ene gamag asew kawqé. ⁴⁵ Tiwur na wittak miran, keřdi na nug anan qe beko mou murdigri ot meře man," eko Elisabet Maria anoran.

Mariari Kasi

⁴⁶ Maria anan, "Da ol dahmak ole kunum Nařinah morko binag meina. ⁴⁷ Da Tiwurdi ol gamag naři ase, keřdi nug da hipunin dasil noh uwindi seko buliko wiřan. ⁴⁸ Da Tiwurdi kekuak as sam, gam nug da dahmiřko koutoran. Qeri gei digumak am dimba dimba ole danahas anlag, "Tiwur as qe wittak kena moran," ėksi anlag. ⁴⁹ Keřdi Tiwur Gagragsak

Digu, nug dagrowa kowol danah sakri kawa qe sew ban. Nug wénih gunnah. ⁵⁰ Nug sew danahas nug farursi ole qe ag alalgar dugialgar ole ag nusig o duak owa dalag. ⁵¹ Nusig gagragsakwa kowol danah sakri kawa qe san. Nug sew danah ag agégé binlag meg qe kum qétieg. ⁵² Nug king binlagri seréw qe dilag gagragsak sew kawa meweg, am danah binlag kawa sam daréw qe sew ag nug nohwa naři beg. ⁵³ Nug danahas ke kawa qe ke kena nusigwa begaran am sew danahas kehlag ole qe ewlag sam qere ateg. ⁵⁴⁻⁵⁵ Nug kuak nir nusgur Israel danahas kehnaran. Kerdi nug Abraham am algur dugiahur ole o duak nusig owa sansan diakri né fagqan qe dahmorko, ig alangar dugiangular agop ole qere sérig,” eko Maria Tiwur binag man. ⁵⁶ Maria nug Elisabet ole kalam kiam sillah dessa, am buliko kawagwa Nasaret atan. ⁵⁷ Elisabetri nir memnak sén dow ge, nug nir danah memnan. ⁵⁸ Nug gému ole asilaswari am leilti ag Elisabet nug Nařinahri o duak naři owa dian qe dueksi, úriweg nug ole arié olag gamag asan. ⁵⁹ Deř 8wa ge nir féru gone kotrakri sén dew, ag úriyeg. Ag memeg Sakaraia wélqorlagri seg. ⁶⁰ Gam nir anig anaran, “Kawa, nir wénih Yon katařnig,” eko anan. ⁶¹ Anew ge, ag Elisabet anoreg, “Asilag atérwari ounté os wénih qere ole kawa.” ⁶² Am ag Sakaraia nir wénih oun katařdig qe dolagri ewlagwa nug perigri kowol seg. ⁶³ Seweg ge, nug keke os morweg yarigri ewegwa ih sew ukxi morweg ge, “Nug wénih Yon,” yew peksi dorlag nan. ⁶⁴ Sén qewa ih Sakaraia nug koře koptew digumeko né mariyelle Tiwur binag suman. ⁶⁵ Danahas arié daréw ole qe né qe kunum duessi wawtuřeg. Yudia atu kunum qoukuwari danahas ag ole kowol qe neihwah marieg. ⁶⁶ Danahas kowol qeri né duessi olag meweg te meweg new ge aneg, “Nir ene keř danahnah bérig?” éksi aneg. Kerdi Nařinah ewegš Yon dowa dian.

Sakaraiairi Kasi

⁶⁷ Koulli Gun Yon memeg Sakaraia witew des, géri nug Tiwurdi né qe oko marian. ⁶⁸ “Nařinah Israel isanig Tiwur binag ménig. Nug danahas nusgur kehnardigri úriko keger asilgar ewlagwari buliko diaran. ⁶⁹ Tiwur kéhnigak danah os gagragsak naři ole ignéwa mew úriyan. Nug Nařinahri kuak danah king Dewit fuřuh. ⁷⁰ Algu Tiwur sew profet gun ag nusig né qe ukxi marieg. ⁷¹ Nug danah qe gagragsak naři ole ig kéhnigrigri mew úririg. Nug isanig keger am danahas are ag ig nouni dahmigi ole qe ewlagwari buliko wigri. ⁷² Tiwurdi o duak ig alangar dugiangular ole deg am nug titwanak gun qe doug ospi katian. ⁷³ Tiwur nug alnig dugianig Abraham dowá né qe fagqan. ⁷⁴⁻⁷⁵ Nug ig keger isangar ewlagwari wigri né fagqan. Qeri ig pi fařhut, nug nohwa onig kunum morettu sansan mangu weiyettu gun dettu nug binag ménig. ⁷⁶ Am nir dasil Yon, na geisah Tiwur sew na Tiwur Karannahri profet éksi anirflag. Kerdi na Nařinah noh oka anuřka atenna ih nusig orđip. ⁷⁷ Na danahas nusgur anardip: Nařinah hipunin asilag kusuřko buliko diardig. ⁷⁸ Kerdi Tiwur isanig o duak naři nie, qewa ge kem be sillah Nařinah kéhnigrigri saw kappari úririg. ⁷⁹ Danahas gattuwa dasi am mousakri fařakwa dasi qe agop sonřelle nug ih ismigew Tiwurdi maror ihwa atnig,” eko anan. ⁸⁰ Nir qe dahmak am o mourak kena ole kena man. Nug atu meirak danah kawawa daré, gam dimba Israel danahas gumarko wanan.

2

Maria Yesus Memnan

¹ Sén qewa Ogastus nug Rom atu qe kunum dilag king delle, nug ró os man: Danahas kunum atu qewa daréw ag wenlag yalagri ró qe man. ² Kurinius nug Siriari kuri danah naři delle ge, wenlag yakri ró qe diguman. ³ Am danahas kunum ag kawlag awen awen wenlag yalagri aseksi ateg. ⁴ Géri Yosep nug

§ 1:66 1:66 “Nařinah eweg Yon dowá dian” digu ge Nařinahri gagragsak Yon dowá dian.

ole Galili owa taun Nasaret qewari am Dewitri taun Betlehem Yudia atu qewa atan. Keŕdi nug Dewit fuŕuh. ⁵ Nug Maria ole aŕié wenlas yalasri ates. Maria nug Yosep uŕigri fég oŕwak dewew am Maria nir uŕigri sén unaka dewew ole ates. ⁶ A Betlehem qewa dessa ge, Mariari nir memnak sén duan. ⁷ Sén qewa nug nir danah memnan. Nug ge nir anqakri. Maria nir qe lamen naŕiwa saputko ge, doŕ dilag kelak awen qewa awen bawarko mew nian. Keŕdi ró danah niakri lo qe ambew ag awen ole kawa.

Sipsip Gumarak Danah Tiwurdi Doup Ole

⁸ Sipsip gumarak danah ag Betlehem kaw qe mourak awen gisgaŕ olewa sipsip asilgar gumareksi tuŕan qewa deg. ⁹ Tiwurdi doup nug ag gumarko gamlagwa now ge, Naŕinahri kamsahlak sonaŕko talilaran. Talilarew, olag naŕinah faŕan. ¹⁰ Am Tiwurdi doup nug ag anaran, "Ag aw faŕweg. Da asilag né kenanah os oko uŕiyém. Né qe sew danahas kunum olag gamag naŕi asdig. ¹¹ Gei deŕ ewa Dewitri taunwa as os nir danah memanko maré. Nir qe hipunin noh asilag owegri seko buliko diarak danah am nug Naŕinah Kristus.* ¹² Ag nir qe peksi olag mourdigri ge kowol os ere pelag: Nir anig nug lamenwa saputko doŕ dilag kelak awenwa mew niewew pelag," eko anaran. ¹³ Tiwurdi doup nug né qe mariko malwew ge, usihri saw karan Tiwurdi doup ameg naŕi doweg qagleksi Tiwur binag sumessi kasi íreg. ¹⁴ "Tiwur karannah nug kamsahlak gun olewa de. Am danahas wanwa Tiwur asilag o nie ole qe ag maror nusig owa dasi."

Sipsip Gumarak Danah Yesus Pelagri Ateg

¹⁵ Sén Tiwurdi doup ag minareksi saw karan atweg ge, sipsip gumarak danah qe ag agégé né marieg. "Ig Betlehem atektu Naŕinah anigé ole am keŕ bé qe penig." ¹⁶ Géri usihri atessi ge, Maria Yosep ole am nir yu qe doŕ dilag kelak awenwa niewew mariareksi piareg. ¹⁷ Ag

nir qe peksi ge, nir qeri né dueg ole qe danah la os taun qewari ole amlagwa aneg. ¹⁸ Danahas ag né qe dueksi dahmak lanah qere og. ¹⁹ Gam Maria keke kunum béksi ateg qe owa ih dewew dahmak naŕi oré. ²⁰ Am sipsip gumarak danah olag gamag asewew Tiwur binag karan sumessi am binag messi bulieksi ateg. Keŕdi ag keke kunum Tiwurdi doup anan qe sillah amlagwa peg am doulagwa dueg.

Yesus Memeg Anig Ole Oksa Tiwur Lougwa Ates

²¹ Deŕ 8wa Yosep Maria ole nir yu féru gone kotŕak sén dow ge, wénih Yesus katŕes. Nug anig o ole pi mak Tiwurdi doup wénih qe moran. ²² Sén a Mosesri Ŕo yakwa gun kowol qe dimlamdeksa malweksa ge, a nir oksa Yerusalem Tiwur Lougwa Tiwur ewegwa melasri ates. ²³ Naŕinahri Ŕo yakwa de ge, "Nir memeg anig ole nir danah anqakri memanas qe Tiwur ewegwa melas." ²⁴ Am Maria ofa oko Tiwur murdigri qe ole ses. Keŕdi Tiwurdi Ŕo yakwa ane, "Kuhŕil naŕi aŕit kawa ge, kuhŕil nounu masiksik fou kena mak aŕit os pris mores."

Simion Tiwur Binag Man

²⁵ Sén qewa, danah os wénih Simion Yerusalem qewa daré. Nug Tiwur nohwa mangu weiré am Tiwurwa ih daré. Nug Tiwur Israel kug asilagwari buliko diardigri qe ameg meré. Koulli Gun nug ole darap. ²⁶ Koulli Gun sew nug duan ge, nug Naŕinah dowari Kristus uŕiyew peko tatam am mousdig. ²⁷ Koulli Gun sew nug Tiwur Lougwa teko qewa dewew, Yosep waw ole Ŕo yakwa ane qe dimlamdeksa nir asilas Yesus oksa qewa tes. ²⁸ Simion nir qe oko momowa oŕako Tiwur binag sumko anan. ²⁹ "O Naŕinah, na atu kunum gumna ole, na né fagqen ge, na sewe nasip kuak danah da ol marorwa mousko attil. ³⁰ Keŕdi da amelwa danahas buliko diardigri danah uŕiyan qe piém. ³¹ Na nug keprurka bawwurka mewew uŕiyan. Qeri danahas kuŕum atu kunumba nug pelag. ³² Nug

* 2:11 2:11 Kristus ge Mesaia. Tiwur danahas nusgur buliko diardigri danah toqoran.

Yuda danahas kawa la qe am danahas naspar Israel dilag ole Tiwurdi kamsahlak gun ole oko uřirig,” eko anan. ³³ Nir memeg anig ole Simion nirdi anan qeri dorlas nan. ³⁴ Simion wittak marko am nir anig Mariari anan. “Nir ene Israel danahas kuřum sew tolalag am gagrag dalagri ole am nug Tiwurdi ih ismardi-gri toqoran. Gam danahas kuřum nug dimorlag. ³⁵ Qeri danahas kunum dilag dahmak olagwa nie qe ambo mérig am na otwa qoum yako qetko attig,” eko anan. ³⁶ Am as profet os wénih Anna. Nug Fanuel ařeg am Aser ater qewari. Nug keinmanah am nug gému ole nug oksa makař 7 qer dessa, gému mousan. ³⁷ Géri nug qehřas dew uřiyew makař 84 qer ban. Nug sansan tuřan kémun ole Tiwur Lougwa noko Tiwur binag mérigri kurdelle am unuqordé. ³⁸ Sén qewa ih nug Yosep Maria ole am nir asilas ole gumarko doko nir qeri Tiwur kena sam eko anan. Anelle ge, nir qe Yerusalem danahas kug owari buliko diardigri ameg meg qe anaran. ³⁹ Yosep waw Maria ole Tiwurdi Řo yak de qe dimlamdeksa kuak kunum malweksa ge, a kawlas diguwa Nasaret, Galili atu qewa bulieksa ates. ⁴⁰ Nir asilas qe gagragsak ole kena man. Nug dahmak kena ole ban am Tiwur wittak kena mordé.

Nir Nag Yesus Tiwur Lougwa Dian

⁴¹ Makař dorog Yesus anig memeg ole a Yerusalem Nanřurak Deřdiř mallenwa attap. ⁴² Sén nug makař 12 qer dewew ge, ag koulag qe dimlamdeksi Yerusalem mal-lenwa ateg. ⁴³ Sén mallen qe kawa mew, nug anig memeg ole bulieksa kawlagwa atepes ge, nalas Yesus nug Yerusalem qewa dian, gam a qe pi dues. ⁴⁴ A danahas ole arié atsi essa deř usih ge ates. Deř oswa ge a digumeksa Yesus mariessa asilaswari am leilti kořmares. ⁴⁵ Sén nug ospi peksa, a nug marilasri bulieksa Yerusalem ates. ⁴⁶ Deř kiam qewa, a nug Tiwur Lougri kař owa Tiwurdi Néři duak marak danah qe olagwa dewew pes.

Nug ag né marieg qe doko ge kořmaran. ⁴⁷ Ag kunum ole nusig duak marian qe am kořmak buliko noh man qe ole dueksi dorlag nan. ⁴⁸ Sén anig memeg ole nug peksa ge, a ole katat aqatan. Anig anoran, “Nir dasil, na keřdi i qere sitam? Na memen am da ole i dahmak naři nasip ollu mariyirah,” eko anan. ⁴⁹ Nug a kořmatan, “A keřdi da mariyiřsa? A pi te dosa da Mem Lougwa deina?” eko anan. ⁵⁰ Gam nug né anatan ge, a olas ospi mouran. ⁵¹ Yesus nug a dimlamatew bulieksi Nasaret ateg. Nug anig memeg ole kořlas dimlamurdé. Gam Maria nug keř keř beko atan qe owa ih dahmelle daré. ⁵² Yesus nug dahmak kena ole kena man. Tiwur am danahas ole nusig olag gamag asdé.

3

Le Luarak Danah Yon Né Kusuan

¹ Makař 15 owa Taiberias nug Rom atu qe kunum dilag king daré. Pontius Pailot nug Yudia wan atu qe gumdé, Herod Antipas nug Galili atu qe gumdé, am kamag Filip nug wan atu ařit Ituria am Trakonitis ole gumatdé. Am Lisantias nug Abilene wan atu qe gumdé. ² Anas am Kaiafas ole a pris* dilag kuri darap. Sén qewa Sakaraia nag Yon atu meirak danahas kawawa dewew, Tiwurdi Né nugrowa uřiyen. ³ Yon nug atu le naři Yordan mourak qe kunumba weiyelle né kuswelle danahas dilag anan. “Tiwur hipunin asilag kusuqřigri ge, ag olag buliew le luak os.” ⁴ Qe sillah profetř Aisaiari Né yakwa algu anan, “Danah os atu meirakwa qalko uřurig. ‘Nařinah uřirigri ih bawres. Ih mangu mores. ⁵ Ollu kunum meglares am qouku nounu am qouku wagé wagé qe ole kunum mangu marweg uřemqes. Ih mériak qe kunum mangu mares, am ih goto goto qe bawres. ⁶ Danahas kunum Tiwur asilag kugwari buliko diardig qe pelag,’ ” eko anan. ⁷ Danahas ameg naři Yon le luardigri gumdeksi ateg. Atweg ge, Yon

† 2:41 2:41 Nanřurak Deř ge Yuda dilag mallen os. Sén Yuda danahas Isip darew qe, mousak nir danah anqakri nanřaran qe dahmorakri sén. * 3:2 3:2 Tiwur am danahas ole gamlagwa Tiwurdi ofa mak danah † 3:4 3:4 Tiwurdi né oko mariak danah

anaran, “Ag mat nou bégur. Oun anew ag Tiwurdi uhribak uririgri unaka de qe erdeksi kum atsi? ⁸ Ag meřenah olag buliew pe, mou kena qe seweg bar. Am ag agégé ‘Ig Abraham fu ruh,’ éksi aw anweg. Da ag anarina, Tiwur qar nisi ene oko sew Abraham fu ruh belag olele. ⁹ Palangis qe ker kuardigri iril diglagwa bawrak de. Ker are os mou kena ospi niweg pe, kuarko kewba tourardig,” eko anan. ¹⁰ Yon qere anew ge, danahas ku rum ag ko rmoreg. “Am ig aregnah sénig?” éksi aneg. ¹¹ Yon ko rlagwa oko anan. “Danah siot arit ole ge os ge danah siot kawa ole qe morar. Am danah oun nug ke ole ge nug ole qere ih sar.” ¹² Takis wak danah os ole le luarakri Yon gumdeksi uriyeksi ko rmege. “Duak marak danah, am ig ge aregnah sénig?” ¹³ Yon ko rlagwa oko anaran, “Ag qarég takis wakri anak qe ih mangu os am aw qe éru rweg,” eko anan. ¹⁴ Fan danah os ole ko rmoreg. “Am ig ge areg sénig?” Yon ko rlagwa oko anaran, “Ag danah aw keigarweg fa rareksi qarég marweg. Am ag danah aw yago r mareksi qarég oweg, ag kuak asilag noh mangu olag gamag asakwa os,” eko anan. ¹⁵ Danahas ag Kristus † ameg méksi daréw, géri ag dahmak ku rum og. Qewa ge ag kunum olagwa ih ere dahmeg. “Yon nug Kristus qenan te?” éksi dahmeg. ¹⁶ Géri Yon danahas kunum ko rlagwa oko anan. “Da lewa ih le luarina, gam geisah danah os da érlak nug gagragsak ole uririg. Da danah kena kawa am nug fé g ga ra darér kusqakri olele kawa. Nug Koulli Gunwa am kew arikwa luardig. ¹⁷ Danah qe nug iril kekuakri bawré de. Nug darweh owa reis mou ge, kepa rko qagulko nug lougwa mérig. Gam reis ga ra ge kew pi qouse ole qewa mandig,” eko anan. ¹⁸ Yon nug né la ku rumba danahas doulag patelle am Né Kena ole kusuan. ¹⁹ Gam sén Herod atu qe gumewew, Yon Herodri hipunin ufa kopatko ga ra moran. Kerdi nug kamag waw Herodias ka rurko am nug hipunin la ku rum os ole san. ²⁰ Am Herod nug hipunin nusig la os qe tu rurko sew kuak

danah nusig Yon uksi kalabuswa yaneg.

Yon Yesus Le Louran

²¹ Sén Yon kalabuswa pi atak delle danahas ku rum le luarelle, Yesus ole le louran. Le lourak qe oko malako unu qorewew saw matlan. ²² Saw matlew ge, Koulli Gun kuh ril sillah Yesus dow a new am Tiwur fag saw karandi anan. “Na nir dasilnah. Da nasip ol mouse am ol gamag ase,” eko anan.

Yesus Algur Wenlag

²³ Sén Yesus maka r nusig 30 keke qere dewew, kekuak nusig diguman. Danahas dahmeg ge nug Yosep nag éksi aneg. Yosep nug Heli nag. ²⁴ Am Heli nug Matat nag, am Matat nug Liwai nag, Liwai nug Melki nag, Melki nug Yanai nag, Yanai nug Yosep nag. ²⁵ Am Yosep nug Matatias nag, am Matatias nug Amos nag, am Amos nug Nahum nag, am Nahum nug Esli nag, Esli nug Nagai nag. ²⁶ Nagai nug Mat nag, Mat nug Matatias nag, Matatias nug Semen nag, Semen nug Yosek nag, am Yosek nug Yoda nag. ²⁷ Am Yoda nug Yoanan nag, Yoanan nug Resa nag, Resa nug Serubabel nag, Serubabel nug Sialtiel nag, Sialtiel nug Neri nag. ²⁸ Am Neri nug Melki nag, Melki nug Adi nag, Adi nug Kosam nag, Kosam nug Elmadam nag, am Elmadam nug Er nag. ²⁹ Am Er nug Yosua nag, Yosua nug Elieser nag, Elieser nug Yorim nag, Yorim nug Matat nag, Matat nug Liwai nag. ³⁰ Am Liwai nug Simion nag, Simion nug Yuda nag, am Yuda nug Yosep nag, am Yosep nug Yonam nag, Yonam nug Eliakim nag. ³¹ Am Eliakim nug Melea nag, Melea nug Mena nag, Mena nug Matata nag, am Matata nug Natan nag, am Natan nug Dewit nag. ³² Am Dewit nug Yesi nag, Yesi nug Obet nag, Obet nug Boas nag, Boas nug Salmon nag, Salmon nug Nason nag. ³³ Am Nason nug Aminadap nag, Aminadap nug Atmin nag, Atmin nug Arni nag, Arni nug Hesron nag, Hesron nug Peres nag, Peres nug Yuda nag. ³⁴ Am Yuda nug Yakop nag, Yakop nug Isak nag, Isak nug Abraham nag, am Abraham nug Tera nag, Tera nug

† 3:15 3:15 Kristus ge Mesaia. Tiwur danahas nusgur buliko diardigri danah toqoran.

Nahor nag. ³⁵ Am Nahor nug Seruk nag, Seruk nug Reu nag, am Reu nug Pelek nag, Pelek nug Eber nag, Eber nug Sela nag. ³⁶ Am Sela nug Kainan nag, Kainan nug Arpaksat nag, Arpaksat nug Sem nag, am Sem nug Noa nag, Noa nug Lamek nag. ³⁷ Am Lamek nug Metusela nag, Metusela nug Inok nag, Inok nug Yaret nag, Yaret nug Mahalalel nag, Mahalalel nug Kenan nag. ³⁸ Am Kenan nug Inos nag, Inos nug Set nag, Set nug Adam nag, Adam nug Tiwur nag.

4

Nou Memeg Yesus Qepian

¹ Yesus Yordan le minko atew, sén qewa Koulli Gun nug owa olele morew dessa Yesus omalko atu meirak danah kawawa atan. ² Omalko atew ge, Yesus der 40 qere dewew, nou memeg* qepian. Am sén qewa Yesus nug kite ospi lan, géri der qe malwew ge nug laké qan. ³ Qew ge, nou memeg Yesusri anan, “Na Tiwur Bega daka pe, qar ene anwe ke buliar,” eko anan. ⁴ Anew ge, Yesus anan, “Tiwurdi Né yakwa ane, ‘Danahas kewa ih fou pi dasi,’ ” eko anan. ⁵ Anew ge, nou memeg Yesus omalko atu qoukuwa teko usihri Yesus wan atu kunum ismuran. ⁶ Ismurko anan, “Da na gagragsak mirwi wan atu e kunum gundip am da séwi binam nañi ole darip. Keñdi keke ene kunum ge da mirak. Qeri da danah os murdildi ge da murdil. ⁷ Qeri na da nolwa duk noka binal mérip ge keke kunum nasip darig,” eko anan. ⁸ Yesus koñewa oko anan. “Tiwurdi Né yakwa ane, ‘Na Nañinah nasip Tiwur ih binag me am kallowa da,’ ” eko anan. ⁹ Anew ge, nou memeg Yesus omalko Yerusalem atko sew Tiwurdi Lo koñgo karannah qewa tew anoran. Na Tiwur Bega daka pe, olka wanap no. ¹⁰ Keñdi Tiwurdi Né yakwa ere ane, “Tiwur doup nusgur anew na dahmireksi koutorlag.” ¹¹ Ag ewlagwa na urwirlag géri na fén qar ospi yew, eko anan. ¹² Anew ge, Yesus koñewa oko anan, “Tiwurdi Né ane, ‘Na Nañinah Tiwur nasip aw mena pewen,’ ” eko anan. ¹³ Nou memeg nug ih kuñumba

Yesus qepian malako ge, Yesus munurko am sén os qeperigri ameg man.

Yesus Kuak Nusig Galili Diguman

¹⁴ Sén qewa Koulli Gundi gagragsakwa Yesus buliko Galili atu qewa atko dian, am nug neihwah atu qe kunumba tualan. ¹⁵ Nug Yuda dilag binag mak lo kuñumba danahas Tiwurdi Néri duak mardé. Danahas kuñum nug binag sumdew.

Yesus Kawag Diguwa Né Kusuan

¹⁶ Yesus nug nir nagurwa delle kena man ole kaw Nasaret qewa atan. Am nug Sabatwa sansan seré sillah Yuda dilag binag mak lo owa noko, Tiwurdi Né ewqerigri asan. ¹⁷ Asew ge, binag mak lori kuak danah profet Aisaiari Né yak qe nug moreg. Morweg kolako ge, né os ere anko yak qe mariko peko ewqan. ¹⁸ “Nañinahri Koulli ge dagnéwa de. Keñdi nug da danahas o duak agop Né Kena kusurildi kurulwa goñen gogoñko toqirán. Tiwur nug da Né Kena qe kuswelle danah kalabuswa qagrakwa dasi qe da séwi kusqak olagri am danah amlag garu qe séwi bulieksi aminlagri meirew uriyin. Tiwur nug da danah kug owa dasi qe séwi kusqak olagri meirew uriyin. ¹⁹ Am sén uriyew, da Nañinah danahas nusgur buliko diardigri né qe kusurildi meirew uriyin.” ²⁰ Ewqeko malako ge, Yesus Né yak qeko buliko kuak danah qe morko, am nug Né digu kusurigri dian. Dewew ge, danahas kunum Yuda dilag binag mak lowa deg qe amlag atew nug keñ eko anew dolagri kittureksi deg. ²¹ Am nug digumeko Né ewqan qe kusuan. “Gei Tiwurdi Né ewqewi iril duéw ene meñenah bé,” eko anan. ²² Danahas kunum dueksi nug binag sumeg. Ag nug koñewa né kenanah ban qeri dahmak kuñum ossi am aneg. “Danah uni Yosep nag, gam areg?” éksi aneg. ²³ Qere anweg ge, Yesus anan. “Meñenah, ag geisah nun né dasil ene anlag. ‘Dokta, na nagégé férun sewe pasaorar. Kowol are na Kapernaum sewe ig duet ole qe ih na kawan diguwa ewa ole qere se,’ éksi anirlag.” ²⁴ Qere anañelle anan, “Da meñenah amlagwa

* 4:2 4:2 Satan

anina. Profet nug kawag diguwari danahas ag nug pi sumursi. ²⁵ Am da ag amlagwa anina. Elaisari sénwa saw megalko gu kawa maka' kiam am kalam 6 qere laké na'ri Israel atu kunumba nian. Sén qe as qeh'ras ku'rum Israel daréw. ²⁶ Gam Tiwur nug Elaisa mew Israel as qeh'ras usih os kéhnurdigri pi atan. Nug Elaisa mew Sarefat Saidon† atu qewa as qeh'ras os kéhnurdigri atan. ²⁷ Qe sillah sén profet Elisari sénwa Israel danah ku'rum lepra wa're ole daréw. Gam olagwa Elisa danah usih os wa're nusig qe pi sew kawa man. Gam Naman Siriarer‡ qe ih sew pasaoran," eko anan. ²⁸ Qere anew ge, danah Yuda dilag binag mak lowa deg ole ge né qe dueksi olag uh'ri nounah ban. ²⁹ Uh'rilag bew aseksi, Yesus berweksi kawlag qoukuwa de qe dougwa waneg. Waneksi qouku sékuwa béwa tou'weg nurigri qere seg. ³⁰ Gam qer sepeg, nug buliko gamlagwa wanko ole ih nusig oko atan.

Yesus Koulli Nou Ger'dan

³¹ Dimba ge, Yesus Nasaret minko noko Galili atu qe owa Kapernaum qewa atan. Qewa atko ge, Sabat de' oswa ge Yuda dilag binag mak lo owa danahas Tiwurdi Né ismaran. ³² Ismarew ge, ag nusig né qe dueksi dahmak ku'rum og, kérdi né nusig ge gagragsak am kuakri wittak ole. ³³ Am danah os féruwa koulli nou ole Yuda dilag binag mak lowa qewa dian. Nug qalko urwan. ³⁴ "Ei! Yesus Nasaret, na ig ké' sigripri uriyam? Na sewe ig paral ménigri te uriyam? Da na duirina. Na Tiwurdi Gun Danah," eko uruko anan. ³⁵ Uruko anew ge, Yesus koulli nou qe gagrag anoran. "Na torka danah qe pa'oka beka eit." Qere anew ge, koulli nou danah qe pa'wurko beko atelle, tou'ew danahas nolagwa atko qewew beko atan. Gam nug gurak ospi moran. ³⁶ Danahas kunum do'rag new, ag agégé né marieksi aneg. "Uni ge ké' né nah? Nug kuakri wittak ole am gagragsak olewa koulli nou né mare. Qeri ag dueksi ole pa'wureksi atsi," éksi aneg.

† 4:26 4:26 Sarafet kaw am Saidon atu ge Yudia atu kawa. ‡ 4:27 4:27 Siria ole Yudia atu kawa. § 4:43 4:43 Qe ge Tiwurdi Kingdom.

³⁷ Qewa ge, Yesus neihwah Galili atu kunumba tualan.

Yesus Pita Numia Sew Wa're Pasaoran

³⁸ Yesus Yuda dilag binag mak lo qe minko danah os wénih Saimon lougwa atan. Qewa ge Saimon numia féru gagrak na'rinah doko niewew, Yesus wa're qe sew pasaurdigri anoreg. ³⁹ Géri nug wanko duk noko delle wa're ga'ra morew ge, as qe wa're pasaoran. Pasaorew ge, as qe usihri asko ke asilag bawardigri dian. ⁴⁰ Kem nowew ge, danahas leilgar wa're digu kowol kowol ole qe diaressi Yesus dow a uriyeg. Uriweg ge, nug danahas kunum wa're asilag usih usih qere férlag orwelle kunum ole sew pasaoreg. ⁴¹ Am qe ih kawa, koulli nou danahas ku'rum pa'waresi atessi ole Yesusri urweg, "Na Tiwur Bega!" éksi aneg. Gam nug ga'ra marew ko'rag qamtekski né ospi marieg. Kérdi ag dueg ge nug Kristus. ⁴² Kuag'rewew ge, Yesus awen os danah kawawa unuqurdigri atan. Atew ge, danahas nug marieksi atessi peg. Peksi ge, nug minarko atewri dagoreg. ⁴³ Gam nug anan, "Da Né Kena Tiwur danahas nusgur dilag king delle gumare né qe§ kusuwi kaw lalawa ole dolag. Kérdi da kuak qe sérildi anew uriyin," eko anan. ⁴⁴ Qewa ge, nug Né Kena kuswelle, Yuda dilag binag mak lo ku'rumba Yudia atu owa weiré.

5

Yesus Nug Bé'gur Digumeko Diaran

¹ De' os Yesus Genesaret le ko're kawa ranwa asko dewew, danahas ku'rum nah nug Tiwurdi Né mariew dolagri omoreksi deg. ² Deppeg nug ranwa kuh arit os deppes piatan. Sén qewa, kaké wak danah ag kuh minatweg deppes usu isaresi deppeg piaran. ³ Yesus nug olko kuh oswa tan, kuh qe Saimonri. Teko Saimon kuh nakok bitlew ran minko lewa nurigri amegwa anan. Now ge, Yesus kuhwa delle danahas doulag patan. ⁴ Nug doulag patko malako ge, Saimonri anan. "Kuh palniwe nagur le gamagwa

wanew, usu kaké wakri pařwarweg nos,” eko anan. ⁵ Anew Saimon kořewa oko anan, “Danah naři, ig tuřan usu touřehut kuagré, gam kaké ospi wam. Gam na anam qeri usu buliko pařwarwi nolag,” eko anan. ⁶ Qere séksi ge, kaké kuřumnah diarweg usu tatařlag seg. ⁷ Qere sew ge, leilgar kuak usih kuh oswa deg qe dolagri ewta qarweg, duksi kehñarweg beřweg. Beřwarweg beweg ge, kuh ařit olele kaké yanweg ambew, torieksa lewa nolasri ses. ⁸ Sén Saimon wénih os ge Pita qere peko ge, unaka Yesus fégwá gatewa yako duk noko ge anan. “Nařinah, da hipunin danah. Qeri na da pařwilka eit,” eko anan. ⁹ Keřdi nug leigur kunum ole kaké huhak diareg qe peksi dorlag nan. ¹⁰ Saimon leikuř Yems, Yon ole Sebedi békuř qe a ole dorlas nan. Géři Yesus Saimonri anan, “Na aw fařwen. Na gei digumak danah diardip,” eko anan. ¹¹ Qere anew ge, kuh beřwatweg řanwa tewes, ken kunum mineksi ge, Yesus dimlamdeg.

Yesus Danah Os Lepra Waře Ole Sew Pasaoran

¹² Sén os Yesus nug taun oswa dewew, danah os féru kunum lepra waře ole qe gumurko duan. Nug doko Yesus peko ge, gatewa yako duk noko Yesus nuqurko anan. “Nařinah, na ot sew pe, na da féřulwa waře ene sewe kena mar,” eko anan. ¹³ Anew ge, Yesus eweg tiorko danah qe féřuwa meko anan. “Da ol de. Waře nasip pasaorar,” eko anew ge, usihri lepra waře qe mundan. ¹⁴ Qe dimba, Yesus danah qe gagrag anoran, “Na danah os amegwa awnah anwen. Mosesri Řo yakwa ane qe sillah atka féřun pris* os ismureнна am doř os oka mor. Qeri danahas kunum dolag na waře nasip sew pasaoran,” eko anan. ¹⁵ Gam Yesus neihwah qe atu kuřumba tualan. Tualew dueksi ge, danahas nusig né dola-gri am waře asilgar kusuřko mardigri kuřumnah uřiyeksi qagleg. ¹⁶ Gam Yesus sén kuřum minarko atko awen danah kawawa delle unuřordé.

Yesus Danah Eweg Féř Mousak Ole Sew Pasaoran

¹⁷ Deř os Yesus danahas doulag patelle dewew, Farisi os am Mosesri Řo duak danah ole qewa deg. Ag kaw kuřumbari Galiliri Yudiari am Yerusalemri ole uřiyeg. Am Tiwurdi gagragsak waře danah sew pasaorakri qe Yesus dowá dian. ¹⁸ Sén qewa danah os ag danah eweg féř mousak ole os qařqařwa méksi maweg. Ag maweksi lo owa nuksi Yesus nohwa melagri seg. ¹⁹ Gam danahas kuřumnah, géři awen amban. Ambew ge, waře danah qe uksi owa nolagri seg, gam ih ospi peg. Géři qařqař ole maweksi lo kořgowa teg. Téksi ge, lo kořgo siřeksi oře qewa qařqař ole pařoweg now danahas gamlagwa Yesus nohwa meg. ²⁰ Meweg ge, Yesus olag meře mak qe peko anan. “Lal, hipunin nasip kusqém,” eko anoran. ²¹ Anew ge, Řo duak danah am Farisi agégé né kuřum marieksi aneg. “Danah uni nug kér danah qeri Tiwur pihlure? Danah ounté la os hipunin kusuřigri olele kawa. Qe Tiwur nugé nusig kuak,” éksi aneg. ²² Yesus asilag dahmak qe duan, géři amlagwa anan, “Ag keřdi olagwa dahmak qere usi? ²³ Keř né andil qe kug kawa? ‘Hipunin nasip kusqém,’ te kawa ‘Na aska wei,’ eko andil qe te kug kawa? ²⁴ Gam ag ere dolag. Tiwur nug Danah Bega wan enewa hipunin kusuřigri kepařko kuakri wittak moran,” eko anan. Yesus buliko ge danah eweg féř kunum mousak ole qe amegwa anan. “Na aska qařqař nasip oka mouka ole louw eit,” eko anoran. ²⁵ Anew ge, usihri danah qe nolagwa asan. Asko qařqař nug nian ole qe oko mouko, Tiwur binag sumelle lougwa atan. ²⁶ Qeri danahas kunum dorlag new Tiwur binag sumessi am ag Tiwurdi gagragsak fařdeksi aneg. “Ig gei kowol founah os piam,” éksi aneg.

Yesus Liwai (Matiu) Keřřan

²⁷ Qe dimba ge, Yesus atko takis wak danah os wénih Liwai† takis wak lowa dewew pian. Peko ge, amegwa anan,

* 5:14 5:14 Tiwur am danahas ole gamlagwa Tiwurdi ofa mak danah † 5:27 5:27 Wénih os ge Matiu.

“Na doka da dimlami.”²⁸ Qere anew ge, Liwai keke kunum minelle asko Yesus dimlamdan.²⁹ Dimba ge, Liwai nug lougwa Yesusri ke nañi san. Sew ge, takis wak danah kuñum am danah la os ole a ole ninaqireksi dessi ke qe leg.³⁰ Gam Farisi am Ro duak danah Farisi dilag ag dougwa piareksi deg qe aseksi Yesus begur agop ne ne kuñum marieg. “Ag takis wak danah am hipunin danah la ole ke am le ole ospi lelew sillah,” eksi aneg.³¹ Anweg ge, Yesus amlagwa anan, “Danahas wañe kawa ge dokta dowa pi atsi. Gam danahas wañe ole qe ih dokta dowa atsi.³² Da danahas mangu diardildi pi uñiyin. Gam da hipunin danahas anwi olag bulirigri uñiyin,” eko anaran.

Kurniak Kowoldi Yesus Kořmoreg

³³ Sen qewa, danah qe Yesus ere amegwa aneg. “Le Luarak danah Yon begur ge sen kuñum kurdessi unuqursi. Am Farisi begalgar ag ole qere sesi. Gam na begpar ge qere ospi sesi ag ke le ole lesi,” eksi aneg.³⁴ Geri nug ne tonak ene anaran, “Danah os as owew, ag nug leigur ke gun marlag olele te? Sen nug qe ole deppeg, kawa.³⁵ Gam dimba geisah danah qe uksi atlag, geri nug foula leigur ole pi daweg. Sen qewa ge, leigur qe ke gun melag,” eko anaran.³⁶ Yesus nug ne tonak os anaran. “Danah ounte nug lamen fou ge parilko sarh nagur os oko am lamen alag ore pi titie. Am danah os qere serig ge, nug lamen fou qe sew nou merig. Am lamen sarh fou qe lamen alag qe ole amnak usih kawa.³⁷ Am danah ounte os nug wain fou bawrak le witakri dor gaña alagwa pi yane. Am danah os qere serig ge, wain fou dor gaña parilko wain wanwa gogordig. Am wain fou dor gaña le witakri qe ole sew nou merig.³⁸ Danah nug wain fou ge dor gaña fouwa ih yanar.³⁹ Am danah nug wain alag tatam le ole ge, nug wain fou bawrak qeri ospi sew. Nug ane, ‘Wain alag ge kena,’ ” eko anan.

6

Sabat Derdi Kořmak

¹ Sabat der oswa Yesus begur ole reis dar owa nuksi ateg. Atessi ge, nug begur reis qieksi ewlagwa mou oroleksi damqeksi leg.² Qere seweg ge, Farisi os piareksi kořmareg, “Sabat derwa qere sakri ge gun, gam ag keñdi qere sew,” eksi kořmareg.³ Yesus Farisi kořlagwa oko anan, “Ag Dewit danah nusgur ole lake aqarew seg qeri, Ne yak nie ge ospi te ewqeksi dosi?⁴ Dewit Tiwur Loug owa noko, Tiwur nohwari ke beret qe wan. Beret qe gun, danah balbal kunum dilag kawa, pris* dilag mangu. Gam Dewit nug beret qe leko am danah nusgur qe ole marew leg. Ag Ne yak qe ospi te ewqeg?”⁵ Yesus buliko anaran, “Danah Bega nug Sabat der gume,” eko anaran.

Yesus Sabat Derwa Kekuan

⁶ Sabat der oswa Yesus nug Yuda dilag binag mak lowa noko danahas Tiwurdi Neri duak maran. Am danah os eweg kenari mousak ole qewa dian.⁷ Ro duak danah am Farisi os ole ag keñ ihwa os Yesus yagor morlagri ih marieg. Geri ag Yesus Sabat derwa wañe danah kusqarew pelagri kañeordew.⁸ Gam Yesus asilag dahmak qe iril duan. Doko ge, danah eweg mousak ole qe amegwa anan. “Aska danahas gamlagwa sirka da,” eko anaran. Geri danah qe asko sirko dian.⁹ Dewew ge, Yesus kořmaran, “Ag dosi ge, kowol are ge Ro dimlamdak? Ig Sabat derwa danah kowol kena te sarnig, kawa ig gurak te marnig? Ig danah kena dalagri te kehnarnig, kawa ig danah sarhut paral te melag?” eko kořmaran.¹⁰ Nug amnew weiyew danah kunum piarko ge, danah qe anoran. “Ewen tior,” eko anoran. Anew danah qe qere sew ge, eweg sew buliko pasaorko koutoran.¹¹ Gam ag uhrilag bew ge, ag Yesus aregnah sorlagri qe ag ageage marieg.

Yesus Aposel 12 Qere Kepraran

¹² Qe dimba sen os ge, Yesus Tiwurdi unuqurdigri qoukuwa tan. Teko

* 6:4 6:4 Tiwur am danahas ole gamlagwa Tiwurdi ofa mak danah

ge, tuqan usih qe unuqorelle dewew kuagran. ¹³ Kuagrew furuwa ge, nug begur anew qagleg. Qagulweg ge, nug 12 qere keprarko ag wenlag aposel† maran. ¹⁴ Os ge wénih Saimon, Yesus wénih Pita katran. Am Endru, nug Saimon kamag. Yems am Yon ole. Am Filip, Batolomiu ole. ¹⁵ Matiu am Tomas ole. Am Yems nug Alfius nag. Am Saimon, nug Silot danah ameg qewari. ¹⁶ Am Yudas, nug Yems nag. Am Yudas Iskariotrer, nug dimba geisah Yesus keger ewlagwa mérig.

Yesus Danahas Doulag Patelle Am Kusqaran

¹⁷ Yesus Béгур 12 ole nuksi ge, nug wanko wan ufemba asko dian. Nug begur kurumnah ole deg. Am danahas kurumnah Yudia atu kunumbari am Yerusalem taun qewari am Tair, Saidon ole ranwari qe kunum ole deg. ¹⁸ Ag nusig né dolagri am nug ferlagwa wafe kusuqrigri ole ufiyeg. Danahas koulli nou sarew nou marak ole ge, Yesus kusqaran. ¹⁹ Yesusri gagragsak wanko danah kunum kusqaran, qeri danahas kurumnah nug féru oralagri seg.

O Duak Danah Olag Gamag Asdig

²⁰ Yesus nug begur piarko delle anaran, “Danah ag gei o duak dasi, ag olag gamag asar. Kerdi Tiwurdi kingdom ge asilag. ²¹ Danah ag gei laké dasi, ag olag gamag asar. Kerdi dimba Tiwur sew ag kutuk ospi meweg. Danah ag gei kunnessi dassi, ag olag gamag asar. Kerdi dimba ag imlag. ²² Ag Danah Bega dimlamdeppag, qeri séksi danah ag keger maressi uksi uksi aqsi am ge’raressi am wenlag seweg nou mew ge, ag olag gamag asar. ²³ Ag asilag qere seweg pe, ag sén qewa gamlag asakwa olessi des. Kerdi qe noh asilag saw kappa ge narinah. Algu alalgar profet‡ dilag ole qere seréw. ²⁴ Gam danah kehlag ole ag kug os pelag. Ag keke sew olag kena diakri iril oweg olele moran. ²⁵ Danah gei ke léksi koutursi, ag kug os pelag. Ag dimba laké aqardig. Danah ag gei imsi, ag ole geisah Tiwurdi uhribak

pelag. Dimba ag olag nou mew kuanak nari selag. ²⁶ Ag danah kunum binlag sumbeg ge, ag kug os pelag. Algu alalgar profet darmak dilag ole qere seréw,” eko anaran.

Keger Asilgar Dilag Olag Mousar

²⁷ Yesus doulag patelle anaran. “Gam ag né dasil dosi ole ag anarina. Ag keger asilgar dilag olag mousar. Danah os kowol nouni sarweg ge, ag kowol kena sares. ²⁸ Ag danah os wittak nou marweg ge, ag Tiwur ko’morweg wittak kena marar. Am danah nouni sarweg ge, ag asilag unuqores. ²⁹ Danah os na siwen leis ge korew pe, leis ole buliwe korar. Am danah os lamén nasip ow ge, minwe kasuk nasip qe ole war, aw gagansi owen. ³⁰ Am danah os na kekeri ko’miréw ge, na mor. Am danah os nasip keke ow ge, na buliko mirdigri wagé meka aw sewen. ³¹ Danah la ag kowol kena sarlagri olag nie qe sillah, ag ole qere sares. ³² Ag danah asilag olag mouse ole qe dilag ih olag mousew pe, oun ge ag danah kena eko anardig? Hipunin danah ag ole danah are asilag olag mouse ole qe dilag ih olag mouse. ³³ Am ag kowol kena danah os asilag sési ole qe dilag ih seweg pe, oun ge ag danah kena eko anardig? Hipunin danah ole ag kowol qere ih sési. ³⁴ Am ag danah keke marsi qe noh marlagri olele duessi marweg pe, oun ge ag danah kena eko anardig? Hipunin danah ole ag hipunin danah leilgar keke marsi qe ag keke noh olele bulieksi marlagri duessi marsi. ³⁵ Gam ag keger asilag dilag olag mousar am ag nouni aw sarweg. Ag keke mareksi am noh olagri aw dahmeweg. Ag qere seppag ge, ag noh nari mardig am ag Tiwur Karannah begur dalag, kerdi nug danah nou am danah keke marew kena sam éksi pi ansi qe ole nouni pi sare. ³⁶ Ag danah dilag olag duar, Memlag Tiwur o duak nie ole qe sillah.”

Ag Leilgar Aw Keprarweg

³⁷ “Ag danahas dilag kowol nou aw kepreksi am nou arweg. Qere seweg

† **6:13** 6:13 Danah os Yesus nugégé toqarko mef arew kekuak nusig séksi ateg ole qe. Aposel ge Yesusri mef danah. ‡ **6:23** 6:23 Tiwurdi né oko mariak danah

ge, Tiwur ole asilag qere sérig. Ag danahas kowol nou asilag noh olagri aw anweg. Qere seweg ge, Tiwur ole asilag qere sérig. Ag danah os nouni sarweg ge, hipunin asilag kusuqqeg, Tiwur ole asilag hipunin kusuqrig. ³⁸ Ag danah la qe keke mares am Tiwur geisah ag keke mardig. Geisah Tiwur keke yanew ambeko letewew mardig. Ag keke gane danah marsi qe sillah Tiwur ag ole mardig,” eko anaran. ³⁹ Anko ge, Yesus né tonak os ole amlagwa anan. “Danah os ameg ga’ru nug ameg ga’ru lia omaldigri olele te? Kawa, geisah a olele tolweksa mo’wa nolas. ⁴⁰ Sulnir nug duak nusig duak morak danah nusig pi érde. Sulnir are nug duak morak danah nusig dowari duak kunum oko malako ge, duak morak danah nusig qe sillah bérig. ⁴¹ Areg na liap amegwa kinkak nagurnah de qeri aminna? Gam na amenwa ker masa na’ri de ge, pite dahmorna? ⁴² Na nagégé amenwa ker masa na’ri de ge pite penna am areg liap anorna, ‘Lal, da na amenwa kinkak nagurnah de ge u’ril seina.’ Na darmak ga’ranwa ih Tiwur dimlamdak danah! Na tatam na nagégé amenwa ker masa na’ri ge oka, amen kena mew aminka koutorka ge, na kinkak nagurnah liap amegwa de qe u’ripri olele.”

Ker Am Mou Ole

⁴³ “Ker kena nug mou kena nie. Qe sillah ker nou nug mou nou nie. ⁴⁴ Danah ag ker mou tatam peksi ge, ker qe kena te, ker qe nou te ge ag dosi. Danah ag gu’raw mou darér qoum olewari pi usi. Am ag peipé mou ker nagurnah qoum olewari pi tuqsi. ⁴⁵ Danah kena nug dahmak kena ku’rum owa nie. Qeri nug kowol kena se. Qe sillah danah nou nug dahmak nou ku’rum owa nie. Qeri nug kowol nou se. Ke’rdi nug dahmak nou owa ambak nie qe, ko’rewa bew ane.”

Lo Fuakri Kowol A’rit

⁴⁶ “Ke’rdi ag dasil ‘Na’rinah, Na’rinah,’ éksi ansi, gam ag da ko’rel ospi dimlamursi? ⁴⁷ Danah os da gumirko doko, am da fal doko dimlamurdig ge, da kowol nusig qe mariwi ag dolag. ⁴⁸ Nug danah os lo fuan qe sillah. Tatam ge, nug mo’

pesorko oko, wandor lagko kétum qeko koutorko ge lo fuan. Dimba le kue neko lo qe yepian, gam qiakri olele kawa. Ke’rdi nug fuko koutoran. ⁴⁹ Am danah nug da fal doko pi dimlamde ge, nug danah os mo’ oko, wandor diguwa kétum pi qak lo fuan qe sillah. Géri dimba lo qe le kue neko yepew ge, qiko neko ole kadu’rko nou meko koutoran,” eko anaran.

7

Yesus Fan Kuriri Kekuak Nir Sew Pasaoran

¹ Sén Yesus nug danahas né qene marko malako ge, nug Kapernaum taunwa atan. ² Qewa ge, Romdi fan kuri danah nug kekuak nir os ole daré. Kuak nir qeri o na’ri niré ole qe wa’ré meko mousdigri malwak nian. ³ Fan kuri danah nug Yesus qewa dian né qe doko ge, nug Yuda dilag kuri danah me’arew ateg. Ateksi ge, Yesus amegwa anweg u’riko kuak nir nusig qe sew wa’ré pasaurdigri anoreg. ⁴ Yesus dow a teksi gagragnah ere aneg, “Danah qe kenanah. Na kéhnurdipri olelenah. ⁵ Nug ig Yuda isanig o niew binag mak lo isanig fuan.” ⁶ Géri Yesus ag ole ateksi, fan kuri danah qe loug mourak waneppege ge, nug leigur os me’arew Yesusri né uksi ateksi ere aneg. “O na’rinah, na aw kekuak na’ri sewen. Na da loul owa neripri olele kawa, ke’rdi da danah kenanah kawa. ⁷ Qeri da duina ge, da na gumirko wanakri olele kawa. Na qere denna am né ih anwe, dasil kekuak nir wa’ré pasaorar. ⁸ Ke’rdi da ole danah wénih ole kekuak mi’ré qe kallowa deina. Am da ole fan danah os da kallolwa dasi. Am da usih os amegwa anina, ‘Na eit,’ eko anwi ge, nug ate. Am da la amegwa anina, ‘Na doka,’ eko anwi ge, nug do. Am da dasil kekuak nir qe amegwa anina, ‘Na kekuak ene se,’ eko anwi ge, nug qe se.” ⁹ Sén Yesus né qe doko ge, danah qeri o me’ré mak peko wawtu’rko ole o gamag asan. Asew ge, nug buliko danahas ameg na’ri dimlamdeg qe anaran, “Da ag anarina. Israel olagwa danah usih os o me’ré mak ere ole ospi pégin.” ¹⁰ Qe dimba, fan kuri danah leigur me’arew

ateg ge, bulieksi louw uriyeksi, kekuak nir qe iril sew pasaoran peg.

Yesus As Qehras Nag Os Mousew Buliko Qaqran

¹¹ Nagur dimba Yesus taun os wénih Nain qewa atan. Nug bégur am danahas ameg naři qe ole nug dimlamdeg. ¹² Nug atko taun ihram naři qe mourak wanewew ge, danah mousak os mawessi dog. Danah mousak qe anig nug nag usih qe ih ole am nug as qehras. Danahas ameg naři taun qewari asessi as qe ole arié dog. ¹³ Nařinah nug as qe peko ge, o naři dow, nug as qe amegwa anan. “Na aw kuanwen.” ¹⁴ Qere anelle ge, unaka wanko danah mousak nian ole qarqar qewa eweg man. Eweg mew ge, danah qarqar maweg qe asessi deppeg, Yesus anan. “Nir geir, da anirina, na as,” eko anan. ¹⁵ Anew ge, danah mousak qe buliko asko delle ge, digumeko né marian. Yesus nir qe parwew anig dow wanan. ¹⁶ Géri danahas kunum fařeksi nou méksi Tiwur binag meg. Ag aneg, “Profet naři os onigwa bé. Tiwur danah nusgur kehnardigri urié,” éksi aneg. ¹⁷ Danahas Yesusri né qe Yudia wanwa am atu lala talilorak nie qe kunumba mariweg tu-alan.

Yesus Am Le Luarak Danah Yon Ole

¹⁸ Yon nug bégur ag keke kunum dueg am peg qe nug amegwa anweg, nug békur arit urwatan. ¹⁹ Nug Nařinah ere kořmorlasri anew ates. “Na enan te Tiwur uriripri anan, kawa ig danah la te ameg ménig?” ²⁰ Sén danah arit qe Yesus dow ateksa ge, amegwa anes. “Le Luarak danah Yon anew i na kořmirnitti gumdekrú uriah. Nug ere ané, ‘Na enan te Tiwur uriripri anan, kawa ig danah la te ameg ménig?’ ” eksa kořmores. ²¹ Sén qewa ih Yesus danahas kuřum waře digu digu ole sew pasaoreg am koulli nou danah feřlagwari kuřum geřaran. Am danah amlag gařu ole kuřum sew amlag kena mew bulieksi amneg. ²² Am danah arit qe amlaswa anan, “Bulieksa ateksa Yon keke piap am duap ole qe amegwa anes. Amlag gařu ge bulieksi aminsi, feřlag mousak ge bulieksi weisi, lepra

danah ge feřlag buliko pasaore, doulag itwak ge bulieksi né dosi, danah mousak ge bulieksi assi, am o duak danah ag Né Kena dossi. ²³ Am danah os o meře mak gagrag dewew da pi dimirdig ge, Tiwur nug wittak murdig.” ²⁴ Danah arit Yonri né oksa uries ole qe mundeksa atwes ge, Yesus digumeko danahas amlagwa Yonri anaran. “Ag awen danah kawawa keřnah pelagri Yon gumdeksi ateg? Ag ulas qaweř os orwew ulle qe te pelagri ateg? ²⁵ Kawa ge, ag keř qewa pelagri ateg? Ag danah bala kena ole te pelagri ateg? Kawa, danah bala kena kena mési am danah keřlag ole qe king lougwa dasi. ²⁶ Gam ag keř pelagri ateg? Ag profet te pelagri ateg? Yo, da amlagwa anina. Nug profet la kunum eřarak. ²⁷ Danah Yon eneri ih Tiwurdi Né yakwa ane. ‘Da dimba geisah meř danah dasil méwi atko na nom oko anuřko nasip ih bawardig.’ ²⁸ Da ag amlagwa anina. Yon nug danah wanwa dasi qe kunum eřarak. Gam danah nug Tiwurdi Kingdomwa nagurnah de qe nug Yon eřdak,” eko anaran. ²⁹ (Danahas kunum takis wak danah ole Yesusri né dueksi olag usihwa “Tiwur ge mangunah,” éksi dahmeg. Keřdi ag atweg Yon le luaran. ³⁰ Gam Farisi am Mosesri Ro duak danah ole Tiwur ag ih ismaran qe dimoreg, keřdi ag Yon le luarak mineg.) ³¹ Yesus buliko anaran. “Da keř né tonakwanah os danahas geiri ismardil? Kowol asilag ge aregnah? ³² Ag nir nounu sillah. Kaw gamagwa dessi nir nounu la urwaressi dasi sillah. ‘Ig asilag dum dum yaltu ge, ag kasi sak minéw. Am ig ginanig kuktu irtu, gam ag kuanak minéw,’ éksi ansi. ³³ Le Luarak danah Yon nug uriyen am nug ke wain ole ospi leré. Qeri ag aneg, ‘Koulli nou nug feruwa de.’ ³⁴ Danah Bega uriyen, nug ke wain ole lewew, ag ansi, ‘Danah ene pes. Nug ke wain ole nařinah lelle de. Nug takis wak danah am hipunin danah ole liam patak dasi,’ éksi ansi. ³⁵ Gam danahas Tiwurdi duak usi ole kowol asilagwa ismigi ge, duak qe keke meřenah,” eko anan.

Hipunin As Yesus Féğ Gořenwa Wařwuran

³⁶ Farisi os nug Yesus ole ke lelasri anew ge, Yesus Farisi qe lougwa atko ninaqirko dian. ³⁷ Hipunin as os taun qewa daré. Nug Yesus Farisi qe lougwa ke lelle dian né qe doko ge, nug gořen murdig ke-nanah ole siné ambak oko uríyan. ³⁸ Sén nug wanko Yesus dimugwa féq mourak kunnelle dewew ge, amri gogořko noko Yesus féq lourew ge, kuri urugwa urtian. Urtielle ge féq kis morko gořenwa féq warwuran. ³⁹ Farisi Yesus nug lougwa uríyan ole qe, kowol qe peko ge, owa ih anan. “Danah uni nug profetnah wen, nug as uni keř as nugnéwa eweg me qe dolo am nug as qe hipunin as qe ole dolo.” ⁴⁰ Géri Yesus nug danah qeri dahmak doko ge, amegwa anan, “Saimon, da né os ole na amenwa andildi.” Anew ge, Saimon anan, “Aria, duak marak danah, né nasip ge an.” ⁴¹ Yesus anan, “Danah arit os ateksa danah qarég ole qe dowaneksa qarég os anwes matan. Danah os ge anew 10,000 kina moran am danah os ge anew 100 kina ih moran. ⁴² Danah arit qe qarég qe buliko morakri olele kawa, géri danah nugnéwa qarég os ole qe nugégé kug asilas qe duew doug katian. Qeri danah arit qe olaswa oun nug danah qe o kunum ole murdig?” ⁴³ Saimon anan, “Arté, danah qarég naři wan ole qe.” Yesus amegwa anan, “Né noh nasip qe mangu.” ⁴⁴ Am Yesus buliko as qe peko delle ge, Saimon amegwa anan. “Na as ene pena te? Da na lout owa ném, am na da fél isdilri le ospi miřam. Gam as ene ge nug amřiwa fél uhru oko am kuri urugwa urtié. ⁴⁵ Na da kis ospi miřam. Gam sén da owa ném am uriyew geisah e patak as ene da fél bulibuli kis moré. ⁴⁶ Na ig kounigwa da kurulwa oliw gořen nagur ospi warwuran, gam as ene gořen murdig olewa da fél warwuré. ⁴⁷ Qeri da na amenwa anina. Nug o nařinah miře, qeri da hipunin nusig kurumnah kuském. Gam danah os nug hipunin nagur se eko ane qe kusuqwi ge, nug o nagur ih miře.” ⁴⁸ Qe dimba Yesus as qe amegwa anan, “Hipunin nasip kuském.” ⁴⁹ Danah nug ole ke lessi deg qe agégé nug kořmorew wane morew duak séssi aneg, “Danah

ene ounnah qeri nug hipunin kusqe?” ⁵⁰ Yesus as qe amegwa anan, “Na dasil ot meře mé qewa buliko wirém! Na aska ot kenawa ih eit,” eko anan.

8

As Os Yesus Dimlamdessi Weiyeg

¹ Qe dimba nagur os dessi ge, Yesus taunwa am kappa ole weiyelle Tiwurdi Né Kena kusuko anan. “Tiwur danahas nusgur dilag king delle gumardigri sén uriyé.” Nug Béqur 12 qe am as os ole ařié ateg. ² As qe tatam Yesus koulli nou feřlagwari geřaran am waře ole deppeg sew pasaoreg. Os ge wénih Maria taun Makdalari. Tatam Yesus koulli nou 7 qere féruwari geřaran. ³ Am Yoana, nug gému Kusa ge Herod loug qeri kuakri kuri danah. Susana am as la kurum os ole ateg. As qe ag asilag kekewa Yesus béqur ole kehnareg.

Danah Ke Sařeg Tourakri Né Tonak

⁴ Danahas kurumnah taun lalawari uriyessi Yesus dowan qagleg. Qagulweg ge, Yesus né tonak os amlagwa anan. ⁵ “Danah os atko dara ke sařeg touran. Nug touřelle atewew ge, ke sařeg os ihwa tolweg. Tolwessi neweg ge danah tapareg am kunum é diareksi lareg. ⁶ Am ke sařeg os ge wan qarqar olewa tolweg. Tolweksi qara beg, gam wan qe le ole kawa, géri ke qara wagam kawa ole meřeg. ⁷ Am ke sařeg os ge meř qoum ole gamlagwa tolweg, géri ařié béksi meř qoum ole ke qara tonarweg meřeg. ⁸ Gam ke sařeg os ge wan kenawa tolweg. Ag béksi mou kurumnah nieg. Mou ge 100 erđak qere.” Yesus qere anko ge uruko anan, “Danah oun os doug né duakri ole dew pe, né ene doko koutorar.” ⁹ Yesus nug béqur né tonak qe diguri kořmoreg. ¹⁰ Géri nug anan, “Tiwurdi Kingdomri duak qe algu lariak daré, gam gei nug sew ag duak lugmak qe dosi. Gam, danahas lala qe duak lugmak qe da né tonakwa anarina. Qeri Né yak qe mou bérig. ‘Ag aminsi gam ospi peweg. Am né qe dosi gam digu ge olag ospi mourew,’ ” eko anan.

Ke Sařegri Né Tonak Digu

11 Yesus anaran, “Né tonak ene digu ge ere, ke sařeg ge Tiwurdi Né. 12 Ke sařeg os ge ihwa tolasi, qe ge danah né dosi gam dimba nou memeg doko né qe olagwari o. Keřdi nug qere sew ag olag meře pi mew ge, hipunin asilag noh ospi éřurweg. 13 Am ke sařeg os wan qarqar olewa tolweg ge, danah né qe dueksi uksi olag gamag ase. Gam ag ke qařa řiri wan kunuk pi no sillah. Qeri ag olag meře mak sén kutuk ih de, gam qepiak uřiyewew ge, ag tolasi. 14 Am ke sařeg os meř qoum ole gamlagwa tolasi qe sillah ge, danah né dossi gam ag sén kuřum asilag kug kowol kowolri dahmesi, ag wan ewa kehlag ole am o gamag asakwa dalagri, dahmak qe Tiwurdi Né tone. Qeri ag olag meře mak mou ole kawa. 15 Am ke sařeg wan kirag olewa tolwe qe sillah ge, danah olag kena am dahmak mangu ole Tiwurdi Né dueksi gagrag ořwessi, am ag olag meře mak gagrag dewew mou kuřum nisi.”

Lam Wa Kallowa Pi Tonsi

16 Yesus buliko né marian. “Danah os lam kamutko wawa pi tone am qarqar kallowa pi me. Kawa, nug karan eisew nie. Qeri danah lo owa nuksi ge, sarmer qe pelag. 17 Keř keř lugmak dasi ge, dimba Tiwur ambo mérig. Am keř keř tonak ge, dimba qe ole ambo mew dolag. 18 Qeri dosi koutores. Danah are nug né doko ořwe ge, Tiwur sew nug o mourew geisah naři qere murdig. Gam danah are nug né pi duelle ‘da duina,’ eko ane ge, nug nagur os due qe Tiwur buliko kařurdig,” eko anan.

Yesus Anig Am Kamgur Ole

19 Sén qewa Yesus anig am kamgur ole pelagri uřiyeg. Gam danah kuřumnah qagleg, qeri ag nug gumdeksi unaka wanakri olele kawa. 20 Danah os Yesus anoran, “Na anin am kampar ole peirlagri dimdim ewa aséw dasi.” 21 Yesus buliko anaran, “Da anil am kamlar ge danahas Tiwurdi Né dueksi am dimlamursi ole qe,” eko anan.

Yesus Ulas Naři Anew Toran

22 Deř os Yesus bégur dilag anan. “Doweg, ig le koře kawa séku leis uwa atat.” Qere anew ge, kuh oswa olessi téksi

ateg. 23 Kuhwa atessi ge, Yesus usameg new nian. Niewew ge, ulas gagrag le koře kawawa bew, le koř koř naři qeko kuhwa noko ambew kug naři owa deg. 24 Yesus bégur gumdessi wanessi qağressi aneg. “Danah naři, Danah naři, ig torinigri sétu.” Géři Yesus asko ulas kořkoř uhři naři ole gařa matew tores. Torwes ge, le ameg mousko nian. 25 Yesus bégur dilag anan, “O meře mak asilag arewa de?” Gam ag fařessi dahmak kuřum uksi agéagé aneg. “Danah ene oun? Nug ulas le ole gagrag anatew, né nusig dimlamdap,” éksi aneg.

Yesus Koulli Nou Danah Os Féřuwari Gerđan

26 Yesus bégur ole kuhwa ateksi Gerasa waneg. Atu qe Galili le koře kawa nie qe séku leis de. 27 Yesus kuh minko pitiyewew, danah os féřuwa koulli nou ole taun os owari nug Yesus gumurko duan. Sén welah nug lamen ospi tagré am louw ospi daré, nug matmatwa ih nire. 28-29 Sén kuřum koulli nou danah qe pi pařwurdé. Danah kuřum nusig sansan amneksi koutordéw, am nug sen darér olewa qagdéw. Gam nug sen darér ole qe tatřardé. Koulli nou souorew awen danah kawawa atté. Danah qe Yesus peko ge, qalko uřwelle unaka fégwa wanwa qere tolwan. Tolwew peko ge, Yesus koulli nou danah qe pařwurdigri gagrag anoran. Qeri nug fag gogwa uřuko anan, “Yesus, na Tiwur Karannah Bega. Na keřdi dagrowa uřiyam? Da gurak aw miřwen.” 30 Yesus kořmoran, “Na wénim oun?” Eko anew am nug anan, “Ameg naři.” Keřdi koulli nou kuřum nug féřuwa nog. 31 Koulli nou qe qağleksi uřweksi Yesus bulibuli kořmoreg. “Na ig aw geřigwe moř aminweg atko kutuk mewa nuhut.” 32 Fo kuřum qouku nagur os qewa ke lessi deg. Qeri koulli nou qe ag Yesus dowag qagleksi uřwessi aneg. “Na ig minigwe fo uni feřlagwa wanet.” 33 Am Yesus anew koulli nou ag danah qe mundeksi fo feřlagwa waneg. Fo qe gueksi waneksi béwa tolweksi le koře kawa qewa nuksi le léksi mouseg. 34 Fo gumarak danah ag kowol qe peksi

kum atessi taunwa am kaw lalawa ole mariweg tualan. ³⁵ Géri danahas ag ker ban qe pelagri taun parweksi ateg. Ateksi Yesus dowa waneksi ge, danah koulli nou parwureksi ateg qe, dahmak qaorew am lamen tako Yesus nohwa ninapiirko dewew pessi fa'eg. ³⁶ Danah os keke qe amlagwa peg ole ge, ag danahas la danah koulli nou ole dewew Yesus areg sew kena man qeri mariweg dueg. ³⁷ Géri danahas kunum Gerasa atu qewari Yesus minarko attigri sinanah anoreg. Kerdi ag olag nouninah fa'ran. Géri Yesus buliko attigri kuhwa olko tan. ³⁸ Danah koulli nou parwureg ole qe Yesus nuqurko anan, "Da na ole atnit," eko anan. Gam Yesus anew buliko atewew ge anoran. ³⁹ "Na bulika kawanwa atka, Tiwur keke kunum nasip san qe mariwe dues." Géri danah qe taun kunumba atko danahas amlagwa Yesus keke kunum san qe kusuko marian.

Yesus Nir Asin Mousak Qaqran Am Wa're As Sew Pasaoran

⁴⁰ Yesus buliko le ko're kawa séku leis atew ge, danahas kunum nug felqoreg. Kerdi ag kunum nug ameg méksi deg. ⁴¹ Sén qewa danah os wénih Yairus nug Yesus gumurko wanan. Nug Yuda dilag binag mak lo osri kuri danah. Nug Yesus nohwa gatewa yako gagrag nuquran. "Na da ole loulwa atnit olele te?" eko ko'moran. ⁴² Kerdi nug nir as usihnah ole am nug maka' nusig 12 keke qere qe mousdig malwak nian. Géri Yesus wanko atewew ge, danahas ameg na'ri duksi nug omorweg ateg. ⁴³ Am as usih os nug maka' 12 qere as dilag wa're qe ole daré. Am nug kéhu kunum dokta agop malwan. Gam danah ounté os sew wa're nusig ospi pasaoran. ⁴⁴ As qe Yesus dimugwa doko, Yesusri lamén noh orwew ole wa're nusig usihri kawa man. ⁴⁵ Yesus ko'man, "Oun da urwilé?" Eko anew, kunum aneg. "Ig kawa, ig kawa." Éksi anweg Pita anan, "Danah na'ri, danahas ameg na'ri na omiressi qataoréw dasi." ⁴⁶ Gam Yesus anan, "Ounte da urwilé. Kerdi da gagragsak dasil os parwilko atew dahmorém." ⁴⁷ As qe duan ge, nug lugumdigri olele kawa. Géri nug sahréle Yesus nohwa doko wanwa duk noko,

danahas kunum nolagwa nug kerdi Yesus dowa eweg man qe kopatko amegwa anan. "Wa're dasil ge usihri sew pasaoré." ⁴⁸ Yesus as qe anoran, "Nir dasil, na dasil ot mére mé qewa na férun sew kena mé. Na aska ot kena ih dewew eit." ⁴⁹ Yesus né marielle dewew, Yuda dilag binag mak lori kuri danah Yairus qe lougwari me' danah os uriyen. Uriko ge, Yairus anoran, "Na a'ren ge iril mousé. Na duak marak danah aw kug morwen." ⁵⁰ Gam sén Yesus qe doko ge, Yairus amegwa anan, "Na aw farwen. Na dasil ot mére mew, geisah a'ren séwi kena mérig." ⁵¹ Yesus nug Yairus lougwa atko ge, nug danah la os minarew nug ole lo owa pi nog. Gam Yesus nug, Pita, Yon, Yems, am nir as qe memeg anig ole ag ih owa nog. ⁵² Danahas kunum nir as qeri masieppég ge, Yesus amlagwa anan. "Ag aw masiwég. Nir qe pi mousé, nug usnie," eko anan. ⁵³ Anew ge, ag dueg nir qe iril mousan, qeri ag nug imdeg. ⁵⁴ Gam Yesus lo owa noko nir qe ewegwa orako qalko anan, "Nir dasil, na as." ⁵⁵ Anko malwew, nir qeri koulli buliko féruwa uriyew founak oko usihri asan. Yesus amlagwa anan, "Ag ke os morweg lar." ⁵⁶ Nir qe memeg anig ole dorlas new ole fa'és. Gam Yesus gagrag anatan. "A ounté os aw keke eneri amegwa anwes," eko anan.

9

Yesus Béгур 12 Qe Kekuak Maran

¹ Yesus Béгур 12 qe urwarew dog. Doweg ge, nug koulli nou kunum ge'arlagri am wa're kowol kowol ole kusqarlagri gagragsak am kuakri wittak ole maran. ² Am nug Né Kena "Tiwur king delle danahas nusgur gumardigri" qe kusulagri am wa're danah seweg pasaorlagri ole anew ateg. ³ Yesus amlagwa anan, "Ag weiyakri sénwa kité os aw oweg. Ag durqak sokét, baram, ke, qarég am siot a'rit os aw oweg. ⁴ Ag lo arewa diarweg nuksi pe, ag qewa ih dessi ole taun qe mineksi ates. ⁵ Gam danahas ag fel pi qaressi diareksi loulagwa pi atweg pe, ag taun qe mineksi atessi ge félagwari usu' qeqlessi ates. Ag kowol

qe peksi ge, kowol nou asilag qe olag mourdig.”⁶ Géri Yesus Bégur ateksi kaw kunumba weiyessi, Né Kena kuswessi am waře danah atu kunumbari seweg pasaořeg.

Herod Yesusri Katat Qan

⁷ Herod Antipas nug Galili dilag king. Nug Yesus Bégur ole kuak seg qeri né doko katat qan. Kerđi danah os ge aneg, “Le Luarak danah Yon buliko siran.”⁸ Am os ge aneg, “Elaisa gumarko duan.” Am la os aneg, “Profet* os algunah mousan qe buliko siran.”⁹ Géri Herod anan, “Da anwi Yon fag írıl kotřeg. Gam danah qe ounnah nusig kuak am kowol ole mariweg duina?” eko anan. Géri nug Yesus perigri dahman.

Yesus 5,000 Danah Ke Maran

¹⁰ Yesusri aposel† bulieksi uřiyeksi keke kunum seg qeri nug amegwa marieg. Qe dimba ge, nug omlarew, danah la minareksi ag agé kaw os wénih Betsaida qewa ateg.¹¹ Gam danahas dueksi ge, nug dimlamdeksi ateg. Ag nugnéwa atweg ge, nug felqarelle Tiwur king delle danahas nusgur gumardigri né qe kuswew dueg. Am danah os waře ole qe sew pasaořeg.¹² Kem noko tueh manew ge, Bégur 12 qe duksi Yesus amegwa aneg. “Na danahas anwe atares. Ag kaw naři am kaw nounu unaka dassi qewa ateksi niak awen am ke lakri os ole maries. Awen ig datu ole ene ge danah kawa,” éksi aneg.¹³ Anweg ge, Yesus buliko anaran, “Ag agégé ke mares.” Gam Bégur 12 qe aneg, “Ig ke kuřum ole kawa, beret tanig ole am kaké ařıt ole ih de. Ig atektu danahas ene kunum dilag ke daren te méktu marnig?”¹⁴ (5,000 danah keke qere qewa deg.) Yesus nug bégur amlagwa anan, “Ag danahas amlagwa anweg, qaglak ameg 50, 50 qere qagleksi des.”¹⁵ Yesus nug anan sillah, bégur né nusig dimlamdeksi anweg danahas kunum ninapiřessi deg.¹⁶ Yesus beret tanig ole am kaké ařıt qe

ole oko saw karan amnelle kena sam elle keri unuqoran. Malako ge, temelle bégur danahas agop panilagri maran.¹⁷ Géri danahas kunum ke léksi olag orwew ge, ke big big minareg qe Yesus Bégur diareksi kaleg 12 qere yanareg.

Pita Né Kopatko Yesus Ge Kristus Eko Anan

¹⁸ Deř os Yesus bégur ole dessi am nug nugé kepařko unuqorewew, am bégur gumdeksi doweg kořmaran. “Danahas dasil ge oun éksi ansi?”¹⁹ Nug bégur aneg, “Os ge Le Luarak danah Yon éksi ansi. Am os ge Elaisa éksi anirsi. Am la os ge profet os algunah mousan qe buliko siran éksi ansi.”²⁰ Anweg ge, Yesus bégur kořmaran, “Gam ag ge dasil oun éksi ansi?” Pita anan, “Na Tiwurdi Kristus‡, Tiwur danahas nusgur bulika diardipri toqiran.”²¹ Géri né qe danah os amegwa anwegri Yesus bégur gun qaran.

Yesus Mousko Am Buliko Asdigri Anan

²² Am Yesus amlagwa anan, “Meřenah, danah Bega geisah gurak kuřum morlag. Kuri danah am pris dilag anqak danah ole am Mosesri Ro duak danah ole geisah nug dimoreksi, am qeweg mousdig. Gam deř kiamba ge buliko sirdig.”²³ Anko ge, buliko danahas kunum anaran, “Danah os da dimlamiřdigri dew ge, nug nugégé nusig sak am o mourak ole qe dimorko, am ker mawanak nusig deř dorog mouko ge da dimlamřar.Š²⁴ Danah os nug nugégé nusig sak am o mourak ole dimlamurko ge, nug foumak ospi ow. Gam danah os nug da dimlamřelle mousko ge, foumak oko sansan darig.²⁵ Am danah nug wan kénih ole delle mousew ge, keke qe ospinah kéhnurweg.²⁶ Am danah os dasil am né dasildi uřa new pe, sén Danah Bega nug nusig kamsahlak gun olewa am Memegriwa am Tiwurdi doup gun dilagwa uřirig ge, danah qeri uřa néřig.²⁷ Da ag amlagwa meřenah anina. Danah os ewa aséw dasi ge, geisah ag pi

* **9:8** 9:8 Tiwurdi né oko mariak danah † **9:10** 9:10 Danah os Yesus nugégé toqarko anew kekuak nusig séksi ateg ole qe. Aposel ge Yesusri meř danah. ‡ **9:20** 9:20 Kristus ge Mesaia. Tiwur danahas nusgur buliko diardigri danah toqoran. Š **9:23** 9:23 Ker mawanak mouko dimlamdak digu ge, nugégé nusig sak am o mourak dimorko am kug mawelle Tiwur dimlamdakri kowol.

mousak, Tiwur king delle danahas nusgur gumarewew pelag,” eko anan.

Yesusri Kamsahlak Gun Ole Béгур Peg

²⁸ Yesus né qe anko malwew, deí 8 keke qere atew ge, nug unuqurdigri Pita, Yon am Yems ole diarew qoukuwa teg. ²⁹ Nug unuqorelle dewew ge, nug kitru ge buliko sonrewew am nug féru bala qe ole ampir sillah sonran. ³⁰ Usihri danah arit Moses Elaisa ole kamsahlak gun olewa dowes nug ole né marieg. ³¹ Yesus nug wagam kawa Tiwurdi Né dimlamurko olele morko Yerusalem mousdigri danah arit qe ole marieg. ³² Pita leikuí arit qe ole amlag kug morew nilag seg. Gam sén amlag fou mew ge, danah arit qe am Yesus ole aseksi kamsahlak gun ole qe owa deppeg piareg. ³³ Danah arit qe Yesus mundeksa atepes, Pita Yesus amegwa anan. “Danah naí, ig ewa dalom ge kena. Ig laklak kiam os sénig, os nasip am os Mosesri, am os Elaisari.” (Pita nug o pi mourak né qe anan.) ³⁴ Nug né qe anewew ge, fur os doko tonarew owa dessi olag faí. ³⁵ Tiwur fur owa anan, “Ene nir dasilnah. Da nug algu toqurin. Ag nug fag duessi dimlamdes.” ³⁶ Tiwur né qe anko malwew ge, ag Yesus nugé dewew peg. Am béгур ag sén qe keke peg qeri né ospi marieg, asilag dahmakwa ih dian.

Yesus Nir Os Koulli Nou Ole Sew Kena Man

³⁷ Deí qe dimba ge, Yesus am béгур kiam qe ole qoukuwari noppeg, danahas ameg naí uriyeksi Yesus ihwa peg. ³⁸ Am danah os danahas ameg naí qe olagwa urwan, “Duak marak danah, na da nal ene peripri nuqrina. Da nir danah usihnah enan ih. ³⁹ Koulli nou os nir qe owa now ge, gelelle ole usihri atko kauíko kawqelle sihru newew nie. Koulli nou qe nir ofer ospi parwe, am féru sew nounah me. ⁴⁰ Da na begpar koulli nou ene geurlagri nuqarin, gam ag sakri olele kawa.” ⁴¹ Géri Yesus anan, “Danahas geiri, ag olag mére mak ole kawa am olag ge mangu kawa. Sén gane da ag ole dettu olag mére mérigri amlag méril?” elle ge anan, “Nir nasip oka ere do,” eko anan.

⁴² Nir nag qe Yesus gumurko dowew ge, koulli nou qe tourew atko wanwa qeko kawqelle nian. Géri Yesus koulli nou qe nir qe parorigri gaí morko gerdan. Gerurko nir qe sew kena mew ge, buliko memeg moran. ⁴³ Géri danahas kunum Tiwurdi gagragsak qe peksi dorlag nan. Danahas qe Yesus keí keí kunum san qe peksi dorlag new seppeg, nug béгур anaran. ⁴⁴ “Né andil seina, ene dossi koutores! Danah os Danah Bega keger ewlagwa mérig,” eko anan. ⁴⁵ Gam béгур ag né qe olag pi mouran. Tiwur sew né digu qe larian, qeri ag olag ospi mouran. Am ag Yesus né qeri koímorakri faíeg.

Oun Nug Naí?

⁴⁶ Yesus béгур ag koílagwa ih oun nug naí asilag qeri kareg. ⁴⁷ Yesus dahmak asilag qe doko ge, nir nag os oko doko nug dianwa man. ⁴⁸ Meko ge, nug amlagwa anan. “Oun os nug da wénilwa nir nag ene sillah oko dahmore ge, nug da dahmíre. Keídi nug dasil o mére me qeri qere se. Am oun nug da wíre ge, nug Tiwur da anew uriyin qe o. Géri oun ag kallolagwa de qe, nug naí.” ⁴⁹ Yon anan, “Danah naí, ig danah os na wénimba koulli nou gerarew pektu anurhut minan. Keídi nug ig ole pi weitu.” ⁵⁰ Gam Yesus anaran, “Ag nug aw dagorweg. Oun nug ag keger pi mare ge, nug ag leilag,” eko anan.

Samaria Yesus Kawlagwa Nuakri Mineg

⁵¹ Yesus wan minko saw kappa attigri sén durmurew ge, Yesus o kunum morko ole Yerusalem attigri atan. ⁵² Am nug danah os mérearew anqeksi kaw os Samaria qewa keke dalagri am ke lelagri qe kunum bawarlagri ateg. ⁵³ Gam danah kaw qewari ag dueg ge nug Yerusalem attigri atan qeri Yesus uksi loulagwa atakri mineg. ⁵⁴ Yesus békuí Yems Yon ole, a né qe dueksa anes. “Naíinah, na ot niew pe, i kew saw karandi anhuí aíelle neko danah uni arardig!” eksa anes. ⁵⁵ Gam Yesus buliko arit qe gaí matan. ⁵⁶ Qe dimba ge, Yesus béгур ole kaw lawa ateg.

Yesus Dimlamdakri Kowol

⁵⁷ Ag ihwa ateksi ge, danah os Yesusri anan, “Na arewa attip ge, da na dimlamirwi ole atnit.” ⁵⁸ Yesus danah qe kořewa oko anan, “Qé déguř ag wan ořewa nisi am é ag teřlag ole. Gam Danah Bega nug ge niakri lo ole kawa.” ⁵⁹ Nug danah la os amegwa anan, “Na doka da dimlamir,” eko anan. Gam danah qe anan, “Nařinah, na minwe tatam ge da atko mem mousan suhumko am dimlamirdil,” eko anan. ⁶⁰ Yesus danah qe amegwa anan, “Danah mousak qe minwe agé agé mousak leilgar qe suhmares. Gam na atka Tiwurdi Kingdomri* Né kusu.” ⁶¹ Am danah la os Yesusri anan, “Nařinah, da na dimlamirdil. Gam tatam na minwe da louw atwi ke séktu léktu ewlag ořako am na dimlamirdil.” ⁶² Gam Yesus danah qe anoran, “Danah palangis digumeko tořelle am sansan nug buliko dimugwa amne ole qe, nug Tiwurdi Kingdom owa kekuakri olele kawa,” eko anan.

10

Yesus 72 Danah Nusgur Kekuak Marew Ateg

¹ Dimba ge, Nařinah nug Béguř 12 qe am danah la os ole kepráрко 72 danah qere anew awen are nug attigri ole qe kunumba ařit ařit nug noh uksi anqeksi ateg. ² Nug ere eko anaran, “Ke lep kuřum nie, gam ke lep qe tuqakri kuak danah kuřum kawa. Qeri ag dar memegri unuqorweg nug sew kekuak danah la os ateksi dar nusigwa ke lep tuqlag. ³ Ag ates! Da séwi ag sipsip nagur sillah qé déguř olagwa atsi. ⁴ Ag asilag qarég yanakri sogot am keke yanakri baran aw oweg, am félag gařa la os ole aw diarweg. Am ag ihagwa danahas piareksi ge, aw félag yeksi né marweg. ⁵ Ag danah os diarko lougwa now ge, ere tatam anares, “Tiwur o maror ag ole dalag.” ⁶ Am lo qe memeg o kenawa diarew pe, Tiwurdi kena sak lo qewa darig. Gam pi diarew pe, Tiwurdi kena sak lo qewa pi dew buliko agrowa durig. ⁷ Ag lo qewa ih deppeg keř marlag ge, lessi des. Kerđi kekuak danah nug kekuak nusig qe noh

urig olele. Ag lo oswari am oswa aw weiweg. ⁸ Ag taun oswa noweg, felqareksi diareksi am keř ke bawresi marlag ge, ag les. ⁹ Waře danah os taun qewa dalag ge, ag seweg waře pasaorar. Am ag Tiwurdi Kingdom* agrowa uřiyé unaka de qe anweg dues. ¹⁰ Gam ag taun oswa noweg fel pi qarweg ge, taun qeri ihwa aseksi dessi anes. ¹¹ ‘Ig féniğwa usuř asilag taunwari de, qe ag pelagri qeqalhut ne. Gam ag dahméksi koutores: Tiwur danahas nusgur dilag king delle gumardigri sén unaka de.’ ¹² Da ag amlagwa anina, Tiwurdi uhřibak deřwa geisah Tiwur Sodom kaw kug moran qe eřdak ag kug naři pelag. ¹³ Korasin am Betsaida ole ag olag duak! Ag geisah kug naři pelag. Kerđi da mirakel os agnéwa sein qe Tair Saidon ole selem ben, ag algu olag bulilo. Ag asilag hipunin qeri nouni dueksi neko aqarew am usuř luessi dessi olag bulilo. ¹⁴ Gam Tiwurdi uhřibak deřwa Tair Saidon ole kug olas qe eřdak ge ag olag. ¹⁵ Am Kapernaum, ag te os Tiwur ag binlag karan sumdig? Kawa. Ag ole Tiwur tourarew nuksi paral melag,” eko anan. ¹⁶ Am Yesus buliko anaran, “Oun os nug asilag né dorig ge, nug dasil né due. Am un os nug ag dimardig ge, nug da dimiře. Gam danah da dimiře ge, nug Tiwur anew da uřiyin qe dimore,” eko anan.

72 Keuak Danah Bulieksi Uřiyeg

¹⁷ 72 danah qe bulieksi uřiyeksi olag gamag asakwa aneg. “Nařinah, ig na wénimba anektu, koulli nou geřarhut né dueksi ateg.” ¹⁸ Géři Yesus kořlagwa oko anaran, “Da Satan saw karandi ampiř sillah usihri tolwewew pégin. ¹⁹ Ag dues. Da ag mat am kappiéř ole qarlagwa tapeksi ořollarlagri gagragsak marin. Am keger asilagri gagragsak kunum qe seweg kéwsi kawa méřigri gagragsak marin. Qeri ag kité ospi sarew nou meweg. ²⁰ Gam koulli nou ag kořlag dimlamdeg qeri ag aw olag gamag asew. Ag Tiwur saw kappa iřil wenlag yan qeri olag gamag asar.” ²¹ Sén qewa Koulli

* **9:60** 9:60 Tiwur danahas nusgur dilag king delle gumare. * **10:9** 10:9 Tiwur danahas nusgur dilag king delle gumare.

Gun nug sew Yesus o gamag asew anan, “Mem, na wan saw oleri Nařinah. Da binam sumina. Keřdi na keke ene duak danah dowegri sewe larian, gam danah nir nounu sillah ge ismaren. Meřenah, Mem na ere séripri ot nian ole qe sen. ²² Mem gagragsak am keke kunum ole da ewelwa man. Tiwur Bega ge oun qe ounté ospi due, gam Mem ih due. Am Mem ge oun qe ounté ospi due, gam Bega ge due. Am danah are da keprarko ismarin qe ag ole Mem dossi.” ²³ Géri Yesus buliko bégur ih dolagri anan, “Danah keke ag pesi ole qe pesi, qe ag olag gamag asdig. ²⁴ Da ere anarina keřdi ge, algu profet am king kuřum ole keke ag gei pesi ole qe pelagri seg, gam ag pi peg. Am né ag gei dossi ole qe dolagri seg, gam ag ospi dueg,” eko anan.

Samaria Danah Kenari Né Tonak

²⁵ Deř os Řo duak danah os asko Yesus sew perigri seko kořmoran. “Duak marak danah, da areg seko ge foumak sansan diakri uril?” ²⁶ Géri Yesus kořewa oko anan, “Mosesri Řo yakwa keř eko ane? Na dona ge areg?” ²⁷ Géri danah qe anan, “Řo ane: Nařinah nasip Tiwurdi ot mousew, ot kunum ole, kit-ton ole, gagragsak nasip kunum ole am dahmak nasip kunum ole Tiwur mor. Am na nagégé nasip ot mouse qe sillah liapri ole qere ot mousar.” ²⁸ Géri Yesus danah qe kořewa oko anan, “Na meře anam. Na qere seka ge, foumak owe Tiwur ole sansan dalas,” eko anan. ²⁹ Gam danah qe nug da mangu elle qeri Yesus kořmoran. “Am oun ge da lial?” eko kořmoran. ³⁰ Am Yesus amegwa anan, “Danah os Yerusalemri noko Yeriko atewew, yawsen danah ihwa orweksi féřu balla nusig kunum urdeksi keke nusig kunum kardeksi, mouřaweg ameg tařiew niewew ateg. ³¹ Niewew ge, pris† danah os ih qe dimlamurko noko nug danah qe peko ge, ih séku leis wanko nanřurko atan. ³² Qe sillah, Liwai‡ danah os ole qere noko peko, nug ole ih leis wanko nanřurko atan. ³³ Gam

Samaria danah os ih unari uriko danah qe nianwa doko qere peko ge, o duan. ³⁴ O dow ge, nug danah qe gumurko wanko isiwa gořen am wain ole gogřew now isi witan. Malako ge, danah qe sumew donki nusigwa tew oko řo lo oswa atko qewa meko guman. ³⁵ Kuagřew ge, qarég silwa ařit ipko řo lo gumak danah qe morko anan. ‘Na danah ene dahmoreppe da buliko uriko ge na qarég gane tourdip qe noh méřil,’ eko anan.” ³⁶ Am Yesus Řo duak danah qe kořmoran, “Danah kiam ene na dona ge danah are ge yawsen danah mouřweg ole qe lia?” eko kořmoran. ³⁷ Kořmored ge, nug kořewa oko anan, “Danah o dow kéhnuran ole qe.” Géri Yesus danah qe anoran, “Na ole atka qere ih se,” eko anoran.

Yesus Mata Maria Ole Piattig Atan

³⁸ Yesus bégur ole Yerusalem atlagri atessi kaw oswa waneg. Yesus kaw qewari as os wénih Mata qe lougwa atew, Mata felqoran. ³⁹ Nug mageg os wénih Maria, qe Nařinah féřwa delle né marian qe duelle dian. ⁴⁰ Gam Mata ge ke bawrakri sik nou qan. Géri nug doko Yesusri anan, “Nařinah, da magel ene minřew kekuak dagé seina, qe na areg dona? Na anwe nug ole da kéhniřar,” eko anan. ⁴¹ Gam Nařinah anoran, “O Mata, na keke kuřumrinah ot sik qew ot nou me. ⁴² Gam keke usihri qe na kutuk. Qeri Maria nug keke kenanah kepařko se. Am ounté os nug keke kepre qe pi kařdew,” eko anoran.

11

Yesus Bégur Unuqorakri Ismaran

¹ Deř os Yesus awen oswa unuqoran. Sén nug unuqorko malwew ge, nug bega os anoran. “Nařinah, Le Luarak danah Yon bégur unuqorakri ismaran sillah, ig ole ismig.” ² Géri Yesus anaran, “Sén ag unuqoressi ge, ere anes: ‘Ig Mémnig, na wéhnim gun ole karan sumnig. Na urika king denna danahas gumardip. ³ Na ig deř dorog ke mig. ⁴ Ig ole oun nouni

† 10:31 10:31 Tiwur am danahas ole gamlagwa Tiwurdi ofa mak danah ‡ 10:32 10:32 Pris kéhnurak danah am nug Liwai fuřuh

sige qe kusqektu dohut dounig katie qe sillah, hipunin isanig kusuqka mig. Am ig aw pa'rwigwe qepiakwa tolahun.' ”
⁵ Am Yesus bégur dilag anan. “Olagwa usih os tuqan tugamag lia lougwa atko qaqurko ko'murdig. ‘Lal, beret kiam os mir'dip olele te? ⁶ Ke'rdi da lial os weiko ur'iko loulwa dué. Gam da ke nug morakri ole kawa.’ ⁷ Géri danah lo owa ge andig, ‘Na da aw kekuak mir'wen. Ih'ram ir'il maném, am da nir dahlar ole niak awenwa nitu. Da asko keke mirakri olele kawa.’ ⁸ Da ag anarina. Nug lia qeri nug asko keke ospi morew. Gam nug pi fa'arak ko'murdig qeri nug asko keke qe murdig. ⁹ Qeri da ag amlagwa anina. Ag ko'meweg, Tiwur ag mardig. Mariweg ge, nug ismardig. Ag ih'ram qouqou orweg, nug ih'ram matuldig. ¹⁰ Qeri oun os Tiwur ko'murdig ge, nug urig. Oun os maririg ge, nug ismurew perig. Am oun os ih'ram qouqou orew ge, nug ih'ram matulko murdig. ¹¹ Oun os nug nir memeg ge, nir kaké murdigri ko'mew ge, mat nou os murdig te? ¹² Am maru owah murdigri ko'mew ge, kappiép os oko murdig te? ¹³ Qeri hipunin danah ag ole nir keke kena marlagri qe dueksi koutursi. Am Mem saw kappari danah are ko'mési ge me'renah Koulli Gun mew ur'irig,” eko anan.

Yesus Belsebul Ole

¹⁴ De' os Yesus danah os ko're kunum féruwa koulli nou qe sew ko're kunum daré qe ge'rdan. Ge'rdew atew ge, danah qe né buliko mariew danahas peksi dorlag nan. ¹⁵ Gam olagwa danah os ge aneg, “Nug koulli nou dilag kuri Belsebulri* gagragsakwa koulli nou ge'rare.” ¹⁶ Am olagwa danah la os Yesus mirakel os sérigri ko'moreg. Ke'rdi ag nug me'renah Tiwur dowari te ur'iyen qe pelagri ko'moreg. ¹⁷ Gam Yesus nug asilag dahmak qe doko ge, amlagwa anan. “Danah kaw usihwari ag kopatweg ar'it patew fan selag ge, geisah kaw qe paral mérig. Am danah os ag ater' usihwari ag kopatweg ar'it patew fan selag ge,

geisah ater' qe kawa mérig. ¹⁸ Am Satan leigur ole kopatweg ar'it patew fan selag ge, gagragsak nusig kawa mew ag paral melag. Ag ansi ge da Belsebulri gagragsakwa koulli nou ge'rarina, qeri da ere anina. ¹⁹ Da Belsebulri gagragsakwa koulli nou ge'rarwi pe, asilgar danah ge oundi gagragsakwa koulli nou ge'arsis? Qeri asilgar danah ih qewa ismigi ge ag darmési. ²⁰ Gam da me're Tiwurdi gagragsakwa koulli nou ge'rarwi pe, Tiwur danahas nusgur gamlagwa king delle gumardigri agrowa ur'iyen.” ²¹ Am Yesus né tonak os anaran. “Danah os gagragsak ole nug fan sakri keke bawarko loug ka'riah wite ge, keke nusig kunum kena dasi. ²² Gam danah gagragnah os beko fan seko éru'ko ge, fan sakri keke kunum gagrag qore qe urig. Am nug keke kunum urig qe danah la agop panirig. ²³ Oun nug da lial kawa ge, nug dasil keger'. Oun nug da pi kéhni'rew sipsip qaglar'ru ge, nug sipsip lamarew pih'raursi,” eko anaran.

Koulli Nou Buliko Uriye

²⁴ Yesus anaran, “Sén koulli nou danah os féruwari géru'weg doko atko ge, atu me'irakwa sik oko darigri awen mariko weiye. Am nug awen os pi peko ge, ane. ‘Da lo minko ur'iyen qewa buliko attil,’ eko ane. ²⁵ Géri nug buliko atko danah qe owa lo qe kinkak eka'ko bawarko koutorak pe. ²⁶ Peko ge, nug atko am koulli nou la nug érdak nounah 7 qere diarew ur'iyeksi qewa dasi. Géri danah qe tatam dian qe éru'ko ole nounah me,” eko anan. ²⁷ Yesus né qe anewew, as os danahas ameg na'ri qe olagwa ur'uko anoran, “As na mémnirko ouma mirelle begran ole qe nug o gamag ase.” ²⁸ Gam Yesus anan, “Danah areg Tiwurdi né dueksi dimlamursi ge, ag olag gamag asak na'riwa dalag,” eko anan.

Yesus Mirakel Sew Pelag Aneg

²⁹ Sén danahas ku'rum qaglessi omorweg ge, Yesus anaran, “Danahas geiri ag olagwa sak nouninah ambak. Ag da mirakel séwi pelagri ko'mési. Gam da mirakel usih ospi séwi peweg. Ag

* 11:15 11:15 Koulli nouri kuri am nug nou memeg Satan

profet Yona féruwa kowol nian qe sillah ih pelag. ³⁰ Niniwe danahas kowol Yona dowa ban qe peksi ge, Tiwur nug mew atan qe ag dueg. Qe sillah danahas geiri ag ole Danah Bega qere peksi ge ag dolag. ³¹ Dimba Tiwurdi uhribak derwa kenariwari kuin sirko danahas geiri ole aseksi dessi asilag sak nou qe ambo marko ismarew pelag. Keédi kuin qe wan atko patakware Solomonri duak kena qe dorigri ufiyan. Gam ag olagwa danah os Solomon erdak ge ewa de, am ag nusig né duak minsi. ³² Sén Tiwurdi uhribak derwa Niniwe danahas sireksi geiri danahas ole aseksi dessi geiri danahas dilag sak nou qe ambo melag. Keédi ag Yona né kuswew olag bulian. Gam gei ge danah os Yona erdak ge ewa de, am ag olag buliak minsi,” eko anaran.

Férundi Kamsahlak

³³ Yesus anan, “Danah os lam kamutko pi larium, am wawa pi tone. Kawa, nug karan eisew nie. Géri danah lo owa nuksi ge, lam afe qe pesi. ³⁴ Na amen ge na férundi lam sillah. Na amen kena dew ge, férun kunum ole kamsahlakwa darig. Gam na amen nou ge, férun kunum ole gattuwa darig. ³⁵ Qeri kamsahlak otwa de qe gattu tonewri na dahmeka koutor. ³⁶ Qeri na férun kunum kamsahlakwa darig am gattu nagur ospi férunwa darig ole ge, férun kunum kamsahlelle darig. Lam arko atko férunwa kamsahle qe sillah,” eko anan.

Yesus Farisi Am Ró Duak Danah Ole Alaran

³⁷ Yesus né mariko malwew ge, Farisi os nug lougwa atew ke lelasri anoran. Géri Yesus nug lougwa atko ninaqirko dian. ³⁸ Farisi qe Yesus eweg tatam pi isak ke lew peko ge, nug dorog nan. ³⁹ Géri Nařinah anan, “Farisi, ag asilag kap am plet ole dimdim ih issi, gam ag olagwa ge ameg qak am kowol nounah ole ambak. ⁴⁰ Ag né tapewnak danah! Tiwur férnig ih te kawian? Am onig owa ole pi te san? ⁴¹ Gam asilag kap am plet ole owa keř keř dassi qe o duak danah

kehnaressi mares. Ag qere selag ge, Tiwur amegwa ag olag isak perig. ⁴² Gam Farisi ag dahmes! Ag kug os pelag. Keédi ag danahas agop sak mangu ospi sési am Tiwurdi olag pi mouse. Ag qané, lombu am darari kes kowol kowol ge watiweg ameg 10 qere new ameg usih qe Tiwur mursi. Gam ag qere séssi am ole Tiwurdi olag mousewew am danahas agop sak mangu ses. ⁴³ Farisi ag dahmes! Ag kug os pelag. Keédi ag binag mak lowa danah wenlag ole dilag diak awen qewa ih dalagri séssi am ag qaglak awenwa felqareppeg ih weilagri olag nari de. ⁴⁴ Ag dahmes! Ag kug os pelag. Keédi ag matmat bala pi kehak qe sillah, danahas pi duak qaréwa tapeksi weisi,” eko anaran. ⁴⁵ Ró duak danah os anan, “Duak marak danah, na Farisi dilag né anna qe, na sewe ig ole urnig ne.” ⁴⁶ Qeri Yesus né noh meko anan, “Ró duak danah, ag ole dahmes! Ag kug os pelag. Ag Ró kug ole danahas qarlagwa mési, géri ag mawakri kug aqare. Gam ag mawakri kehnareksi ewlag ospi marsi. ⁴⁷ Ag dahmes! Ag kug os pelag. Keédi ag alalgar profet qe aqareg am ag profet dilag matmatwa bala kehareksi bawarsi. ⁴⁸ Kowol asilag qewa danah ismarsi ge, ag alalgar algu profet aqareg qe kowol kena seg essi ag matmatwa bala keharsi. ⁴⁹ Qeri Tiwurdi duak kena qewa nug iril anan, ‘Da profet† am aposel‡ ole anwi atlag. Ag os ge nouni sarlag am gurak marlag. Am la os ge ag aqarweg mouslag.’ ⁵⁰ Qeri kug algu wan digumakwa profet aqareppeg uřiyew gei patak qe noh danahas geiri ag olag. ⁵¹ Algu Abel qakwari uřiyew pris Sakaraia ge Tiwurdi doř manko morakri qaréw mourak am Tiwur Loug gamagwa ole qeg. Da meře anarina. Kug qe kunum noh qe danahas geiri ag olag. ⁵² Ró duak danah, ag dahmes! Ag kug os pelag. Keédi ag danahas Tiwur dowegri dagareg. Am ag agégé Tiwur duak mineksi ge danahas Tiwur dolagri seppeg ag dagareg,” eko anaran. ⁵³ Sén Yesus lo qe minko attig

† 11:49 11:49 Tiwurdi né oko mariak danah ‡ 11:49 11:49 Danah os Yesus nugégé toqarko anew kekuak nusig séksi ateg ole qe. Aposel ge Yesusri meř danah.

sew ge, Farisi am Ró duak danah ole uhřilag bew, kegeř moreksi digumėksi gurgur kořmored. ⁵⁴ Ag Yesus né nouni os anew dueksi ořalagri kařéordėw.

12

Né Darmak Kowolri Dahmes

¹ Sėn qewa ih danahas kuřumnah 1,000 eřdak ag Yesus pelagri qagleksi agėge nug tapeksi seppeg, Yesus bėgur dilag tatam anan. "Ag Farisi danah dilag yis* qeri dahmėksi koutores. Yis qe darmak gařlagwa ih Tiwur dimlamdak kowol. Qe sillah aw seweg. ² Ag keř keř lareksi tonak nie ge Tiwur sew ambo melag. Am keř laria kwa sėsi qe ole sew kunum pelag am dolag. ³ Qeri keř ag gattuwa lugmeksi agė marilag ge, dimba kėmunwa danahas kunum dolag. Am keř kutiptip kurugwa marisi ge, dimba tamniakwa mariew kunum dolag."

Tiwur Ih Fařdes

⁴ "Da leilar, ag anarina. Ag danah feřlag qelag seweg qeri aw fařarweg. Keřdi ag dimba kite la os pi seweg. ⁵ Gam da ag oun fařurlagri qe anwi dolag. Ag Tiwur ih fařdes. Nug ge koulli kařwarew mouslagri am ole dimba touřarew kew pi qouse olewa nolagri gagragsak ole. Meřenah, da buliko anarina, ag Tiwur ih fařdes. ⁶ Ag dossi, danah ag é reis anig tanig ole qarėg nagurnah usihwa irar mėsi. Gam Tiwur nug reis anig usih ospi doug katie. ⁷ Am meřenah Tiwur ag kurlag uřug kunum ge gane qe nug due. Qeri ag aw fařweg. Am nug asilag o nie ge, é nounou kuřum dilag dahme qe eřdak."

Yesusri Aw Uřlag New

⁸ "Da ag anarina. Oun os nug danahas amlagwa nug da dimlamřeri andig ge, Danah Bega Da ole geisah Tiwurdi doup amlagwa nug danah dasil eko andil. ⁹ Gam ountė os danahas amlagwa nug da dimiřew ge, da ole geisah Tiwurdi doup amlagwa nug danah dasil kawa eko andil. ¹⁰ Danah oun os pi duak Danah Begari nouni andig ge, Tiwur hipunin

nusig kusuqrig. Gam oun os nug duelle Koulli Gun oko oko qurdig ge, Tiwur hipunin nusig qe ospi kusqew. ¹¹ Ag da dimlamiřsi qeri danah os ag ořwareksi diareksi Yuda dilag binag mak lowa am kuri danah wagė wagė am danah kuakri wittak marak ole qe nolagwa atweg ge, keř né am areg anlagri aw dahmak kuřum oweg. ¹² Keřdi ag keř ěksi anlagri ge sėn qewa Koulli Gun ag ismardig," eko anan.

Danah Kėhu Oleri Né Tonak

¹³ Danah usih os danahas ameg naři qe olagwa nug Yesus amegwa anan, "Duak marak danah, na da awal amegwa anwe nug keke i memnitdi ge wasařko dasil sillah qe miřar." ¹⁴ Gam Yesus né qe noh meko anan, "Lal, oun da asilas ken watiko mattildi keřrak danah toqiran?" ¹⁵ Elle ge nug kunum amlagwa anan, "Ag dahmėksi koutores! Ag keke kunumdi aw amlag qew. Danah kėnih naři ole ge, kėnih qe sew nug kena ospi dew." ¹⁶ Am Yesus nug né tonak usih os amlagwa anan, "Danah kėhu ole os dar seko ke kehew mou kuřumnah nian. ¹⁷ Qewa ge, nug nugėge dahman, 'Da ke ene oko mew diakri awen olele kawa. Qeri da aregnah sėril?' ¹⁸ Am nug anan, 'Da ere sėril. Geisah da ke makri lo kunum logřarko am lo wagė wagė fuarko ge, ke kunum am keke dahlar kunum ole qewa mardil. ¹⁹ Am da dagėge dasil ere andil, da ke am keke la kunum qe makař kuřum uřwildigri olele qaglin. Aria, da sam delle ke lelle am ke naři selle gamal asakwa daril.' ²⁰ Gam Tiwur nug amegwa anan, 'Na né tapewnak danah! Gei tuřan ewa na mousdip. Am keke kunum bawren de ene ge geisah oun memeg mėrig?' ²¹ Gėri danah keke kuřumnah wan ewari nugė nusig qagle ole qe dow a qere bėrig, gam Tiwur nohwa ge nug keke kawa," eko anan.

Wan Kėnihri Dahmak Nařinah Aw Oweg

²² Yesus bėgur dilag anan, "Qeri da ag amlagwa anina. Ag wan enewa fou diakri aw dahmak kuřum oweg. Ag ke lessi

* **12:1** 12:1 Yis ge palawa ole kawlieksi palawa manweg titře.

fou dalagri am feřlag balari ole dahmak kuřum aw oweg. ²³ Ag fou dasi qe ke eřdak am ag feřlag qe feřlagri bala qe eřdak. ²⁴ Ag kalog dilag dahmes. Ag ke pi kęhsi am ke uksi qagleksi louw pi męsi, gam Tiwur ke mare. Tiwur ę dahmare qe eřdak ge ag dahmare. ²⁵ Ountę os olagwa dahmak kuřum ow fou darigri sęn deř usih yako terigri olele tę? ²⁶ Gęri ag keke nagur usih os sakri olele kawa ge, keřdi ag dahmak kuřumnah keke lari usi? ²⁷ Ag bala areg besi qe dahmores. Ag teret pi sęsi am lamen asilag pi sęsi. Gam da anarina. Bala qe asilag amnak ge king Solomon fęřu bala kenanah qe eřdak. ²⁸ Gisgař nug gei de am keřew ih danah kotařko kewba touřew ařdig. Gisgař sam qe Tiwur nug bala mare. Qeri Tiwur ag gumardig qe gisgař gumare eřdak gumardig. Ag danahas olag meře mak kutuk ole! ²⁹ Qeri ag keř ke am le ole lelagri aw dahmak kuřum oweg. ³⁰ Wan ewa danah Tiwur pi dosi ole ag keke qeri marieksi sik aqare. Gam ag ge, Memlag Tiwur ag keke qeri olag nie qe nug iřil doko malwe. ³¹ Qeri ag Tiwurdi Kingdom meweg anqew dimlamurweg ge, nug keke qe ole mardig.”

Keke Kena Saw Kappari Qaglakri Kowol

³² “Ag da beglar kuřum kawa, gam ag aw fařweg. Ag Memlag Tiwur nug o gamag asakwa Kingdom nusig mardig. ³³ Ag keke asilgar daren marweg qaręg uksi o duak danah mares. Qe ge saw kappa keke kena asilag qe qaglak darig. Am qaręg yanakri sogot saw kappari ge oře ole kawa. Asilag keke kena qe ospi kawa mew qe darig, yawsen danah ospi yawsen oweg am diruř ospi seweg nou mew. ³⁴ Asilag keke kenanah arewa de qewa ih ag olag am dahmak asilag kunum ole qewa darig,” eko anan.

Nařinah Uřirigra Bawrena Da

³⁵ Yesus anaran, “Ag lamen asilag kutuk mappieksi tageksi am lam kamutweg ařewew bawressi des. ³⁶ Ag kuak nir dilag danah naři danah as wakri mal-lenwa uřirigri ameg męksi dasi qe sillah

bawressi des. Gęri sęn nug uřiko ihřam qouqou orew ge, usihri ihřam nusig matleksi morlag. ³⁷ Kekuak nir are ag danah naři asilag uřirigri bawreksi us aw niweg ameg męksi deppeg buliko uřiko piarew ge, ag olag gamag asdig. Da meře anarina. Nug nugęgę lamen tagko sew ag daweg ke bawarko mardig. ³⁸ Nug tuřan tugamag tę kuagařdigri maru gelleppeg tę uřiko kuak nir ameg męksi deppeg piarew ge, ag olag gamag asdig. ³⁹ Am ag nę dasil ořwes: Lo memeg os yawsen danah nug lougwa uřirigri sęn qe iřil diewew ge, yawsen danah qe loug ospi logařko owa now. ⁴⁰ Qe sillah, ag ole sansan bawressi des. Keřdi ag Danah Bega da keř sęnwa buliko uřiril qe ag pi dosi,” eko anan.

Kekuak Nir Kenari Nę Tonak

⁴¹ Yesus nę qe anko malwew ge, Pita kořmoran. “Nařinah, na ig amnigwa ih te nę tonak ene marina, kawa danahas kunum ole amlagwa te marina?” ⁴² Nařinah kořewa oko anan, “Oun ge kekuak nir kena duak kena ole qe danah naři nusig nug toqorew kuak nir la qe gumarelle ke marak sęnwa ke wasařko mardig? ⁴³ Dimba danah naři nusig qe buliko uřiko am kuak nir qe kekuak mangu ih sewew perig ge, kuak nir qe nug o gamag asdig. ⁴⁴ Meřenah anarina, danah naři qe geisah sew kuak nir qe keke nusgur kunum ole gumardig. ⁴⁵ Gam kuak nir os ere dahmelo, ‘Danah naři dasil ofeř ospi buliko uřiyew,’ elle nug kuak nir am kuak as la qe digumeko mouřwarko ke naři seko lelle am le gagrag qe leko gar gelo. ⁴⁶ Danah naři qe deř kuak nir qe pi dahmurdig ole qewa am sęn os nug pi dorigwa uřiko kuak nir qere peko ge, nug kotřew new danah olag meře pi me dalag awen qewa touřew nurig. ⁴⁷ Kuak nir nug danah naři nusig keřdi o nie qe duelle pi bawarko dimlamdew pe, danah naři nusig sew nouninah qelag. ⁴⁸ Gam kuak nir nug danah naři nusig keřdi o nie qe pi duelle nouni sew pe, danah naři nusig naři pi qew. Tiwur danah are ag naři mare ge, ag naři morlag. Am danahas

are ag keke nañi gumlagri mare ge, nug ag nañi bulieksi morlagri kořmardig.”

Yesus Dimlamdakwa Danahas Watilag

⁴⁹ “Da wan ewa kew méril uñiyin, am da ol se ge kew qe írıl digumeko ařan. ⁵⁰ Am da le lourak oswa nuril. Qeri da kug nañi iwřewew atew sén qe durig. ⁵¹ Ag dahmési ge diak kena te darigri wan ewa uñiyin? Kawa. Da anarina, da danahas olagwa koptak bérigri uñiyin. ⁵² Gei digumak lo usihwa danahas tanig ole qe watieksi, kiam ge ařıt dilas olag usih ospi dew am ařıt ge kiam qe dilag olas usih ospi dew. ⁵³ Ag watieksi memeg nug nag ole olas usih ospi dew am nag nug memeg ole olas usih ospi dew. Anig ge ařeg ole olas usih ospi dew am ařeg nug anig ole olas usih ospi dew. Am anig nug aswa ole olas usih ospi dew am aswa nug anig ole olas usih ospi dew,” eko anan.

Sén Peksi Olag Mourar!

⁵⁴ Yesus danahas kuřum amlagwa anan, “Ag fur kem nuakwa qaglew peksi ge, ofeř ole ansi. ‘Gu nérigri se.’ Am qe meře, gu ne. ⁵⁵ Am sén ag ulas kenariwa yalew ge, ag ansi. ‘Geisah kem gagařdig.’ Am qe meře kem gagra. ⁵⁶ Ag darmak gařlagwa ih Tiwur dimlamdak danah! Ag wanwa am saw karan sén kitřu peko anakri ge dosi koutursi. Gam keřdi ag gei sén ewa keř keř beko ate qe peksi digu olag ospi moure? ⁵⁷ Keřdi ag agégé kowol mangu ih sakri ospi kepreksi dimlamursi? ⁵⁸ Na danah os na kitéri yagoř mirew pe, kugri né keprař lowa pi wanak ih umuwa né qe bawreksa olas usih melasri mena pe. Kawa ge, nug na keprař danah dowa wirko wanew ró danah ewlagwa meirew kalabuswa yanirlag. ⁵⁹ Da na anirina. Na kug noh qarég makri anak qe kunum mewe atew am nagurnah ospi meka malarip ge, na kalabuswari dimdim ospi downen,” eko anan.

13

Danah Os O Pi Bulirig Ge, Paral Mérig

¹ Danah os Yesus ole sén qewa dessi Yesus anoreg. Galili danah os doř manko

Tiwur morak qe seppeg, Pailot anew aqarweg mousweg karlag noko doř karag qe ole kawlian. ² Yesus anan, “Ag dosi ge, Galili danah mouseg ole qe hipunin asilag ge Galili danah la kunum dilag hipunin qe eřdak nouninah, qeri te ag kug qe og? ³ Kawa! Da ag anarina, ag olag pi buliew pe, ag ole qere ih paral melag. ⁴ Am danah 18 qere Siloam lo welah nañi karan uwa qiko aqarew mouseg qe, ag dosi ge, ag qe Yerusalem danahas la eřareksi hipunin nouninah te seg? ⁵ Kawanah! Da anarina, ag olag buliar. Kawa ge, ag ole qere ih paral melag,” eko anan.

Guřaw Mou Pi Nieri Né Tonak

⁶ Am Yesus né tonak ene amlagwa marian. “Danah os wain dar nusig owa guřaw ker os kehew dian. Géri dimba ge, guřaw qe mou niew perigri atan, gam mou usihnah ospi niew pian. ⁷ Géri nug dar gumak danah nusig qe anoran, ‘Da makař kiam qere guřaw ene mou niew perildi sén kuřum uřirém, gam mou usih ospi niew pégin. Qeri na kowe qiar. Keřdi nug awen oko delle wan kirag pi malwew.’ ⁸ Gam dar gumak danah qe kořewa oko anan, ‘Danah nañi, minwe makař usih la os ole dew. Am da diguwa wan kapatko mol morelle am kinkak ole diguwa méril. ⁹ Makař os uwa mou niew pe, qe kena. Gam mou ospi niew pe, kuwi qirig,’ ” eko anan.

Yesus Sabatwa As Os Sew Waře Pasaoraran

¹⁰ Sabat deřwa Yesus Yuda dilag binag mak lowa danahas Tiwurdi Néri duak maran. ¹¹ Am as os qewa dian ge koulli nou sew nug makař 18 qere gumi tupiak, géri nug gumi mangu morakri olele kawa daré. ¹² Sén Yesus as qe peko ge, urwurew dow anoran, “As, da waře nasip séwi pasaoré.” ¹³ Yesus qere anelle eweg as qe gumiwa mew, usihri asko mangu delle Tiwur binag suman. ¹⁴ Yesus Sabatwa as qe sew kena man, qeri kuri danah Yuda dilag binag mak lori qe Yesusri uhřibew danahas dilag anan, “Ag kekuak deř la qewa ge uřiyeksi anweg waře asilag sew pasaorar, gam Sabat deřwa uřiyeksi ge ag aw anweg waře asilag sew pasaorew,”

eko anan. ¹⁵ Géri Nařinah kuri danah qe anoran, “Ag darmak gařlagwa ih Tiwur dimlamdak danah! Ag Sabat derwa makau am donki ole asilgar le marlagri pi te kusqareksi diareksi atsi? ¹⁶ Qeri as Abraham fuřuh ene Satan wařewa dagorew makař 18 qere dian. Nug Sabatwa kusqak murdil ge nouni te?” ¹⁷ Sén Yesus qere anew ge, danah nug kegeř moreg qe ag uřlag nan. Gam danahas ge nug kuak kunum kenanah san qeri olag gamag asan.

Mastet Égri Né Tonak

¹⁸ Géri Yesus anaran, “Tiwurdi Kingdom ge kité sillah? Da qe kité sillah eko andil? ¹⁹ Qe ker os wénih mastet ég sillah qe danah os oko dar nusigwa kehan. Ker qe beko naři mew ewegwa é kuřum uřiyeksi sik uksi dasi,” eko anan. ²⁰ Am nug buliko anaran, “Da Tiwurdi Kingdom ge kité sillahnah eko andil? ²¹ Qe yis sillah. As os yis oko palawa nařiwa gogrew now kawlian. Yis qe sew palawa titirko naři me qe sillah,” eko anan.

Ihřam Nagurdi Né Tonak

²² Yesus Yerusalem attigri atelle taun am kaw eřaran ole qe danahas doulag patelle atan. ²³ Danah os kořmoran, “Nařinah, danah usih usih te foumak uksi sansan dalag?” Qere anew ge, Yesus anaran. ²⁴ “Ag ihřam nagur qewa nolagri gagrag mes. Da anarina, danahas kuřum ihřam qewa nolagri selag, gam ospi noweg. ²⁵ Sén lo memeg asko ihřam manew ge, ag dimdim aseksi dessi ihřam qouqou oressi anlag, ‘Danah naři, ihřam matulwe ig ole not,’ éksi anlag. Gam nug kořlagwa oko andig, ‘Da ag pi duarina am ag arewari uřiyéw.’ ²⁶ Qere anew ge, ag anlag, ‘Ig na ole ke am le ole let am na ig kawrigwa dounig paten ole qe,’ éksi anlag. ²⁷ Gam nug kořlagwa oko andig, ‘Da ag pi duarina am ag arewari uřiyéw. Ag kunum kowol nou sak danah, ag uwa wanes! ²⁸ Sén qewa ge Abraham, Aisak, Yakop am profet kunum saw kappa deppeg piarlag. Gam ag ge minarak dimdim dessi, qeri olag nou mew kuanessi élag gařmessi dalag.

²⁹ Geisah danahas kem bakwari, kem nuakwari, kenariwari am nanettiwari am wan atu kunumbari ole uřiyeksi awen asilag uksi saw kappa mallen naři qewa dalag. ³⁰ Meřenah, danahas gei ag wenlag kawa dasi ge Tiwurdi Kingdom owa ag wenlag ole dalag. Am danahas gei ag wenlag ole dasi ge ag wenlag kawa dalag,’ ” eko anan.

Yesus Yerusalemri Kuanan

³¹ Sén qewa ih Farisi os duksi Yesusri aneg, “Na awen ene minka awen oswa eit, kerđi king Herod Antipas na iwirdigri se.” ³² Géri nug kořlagwa oko anan, “Ag ateksi qé déguř qe ere anores, ‘Da gei keřew ole am atak ge danahas feřlagwa koulli nou geřardil am waře danah séwi waře pasaorlag. Am sén dasil uřiyew ge kekuak dasil malaril.’ ³³ Areg darig ge da gei, keřew, am éřul attil. Kerđi Tiwurdi profet ge Yerusalem ih aqarweg moussi! ³⁴ O Yerusalem, Yerusalem! Ag ih Tiwurdi profet agrowa uřiyeg ge, qar touřeg am aqarweg mouseg. Sén kuřum da maru anig nagur sougwa qaglarko tonare qe sillah, nir asilgar qaglardil sein, gam ag mineg. ³⁵ Ag qere dues! Gei Tiwur ag minarko loulag dimurdig. Da ag amlagwa anina. Ag da bulieksi ospi peirweg atew sén uřiyew ag ere anlag, ‘Ig Nařinah Tiwur wénihwa Danah uřirig qe binag ménig,’ éksi anlag,” eko Yesus anan.

14

Yesus Sabat Derwa Waře Danah Os Sew Kena Man

¹ Sabat deř oswa Yesus Farisi dilag naři os lougwa ke lakri atan. Atew ag nug kařeoreksi koutoreg. ² Qewa ge, nug nohwa aminko danah os waře féřu titřarak ole qe dewew pian. ³ Yesus Farisi am Řo duak danah ole kořmaran. “Sabatwa waře danah sew kena mak ge Řo dimlamdak te?” ⁴ Gam ag né kawa deg. Géri Yesus danah qe ořako sew kena mew ge anorew atan. ⁵ Atewew ge, Yesus kořmaran, “Ag eneri olagwa usih os nag te kawa makau nusig te os Sabat derwa moř ořewa tolako now pe, ag ofer pi te béřuweg bew?” ⁶ Am ag né ospi aneg.

Mallen Memeg Am Ŕo Danah Ole Dilag Né

⁷ Sén Yesus danah mallenwa ke lakri urieg qe danah wenlag ole dilag awen qewa dalagri seweg peko ge, né tonak ene anaran. ⁸ “Sén danah os ag nug wakri mallenwa atakri anew ateksi ge, ag danah wenlag ole dilag awen qewa aw daweg. Kerdi danah os wénih naŕi ole na erdak urwurweg uririg ge na pi dona. ⁹ Qere dew ge, mallen memeg a arié urwattig ole qe doko anirdig. ‘Na danah ene awen mor,’ eko anew uran newew atka danah wenlag kawa dasiwa darip. ¹⁰ Gam sén na anew atka ge, awen danah wenlag kawa dasi qewa deppe, mallen memeg doko anirdig, ‘Lal, na aska atka awen kena danah wenlag ole dasiwa da,’ eko anirdig. Qe ge danah mallen qewa urilag ole leipar qe nolagwa na wénim sumdig. ¹¹ Danah oun os nug nugégé wénih sumdig ge, Tiwur danah qe wénih qew nérig. Am danah oun os nug nugégé wénih pi sumdig ge, Tiwur nug wénih karan sumdig.” ¹² Géri Yesus mallen memeg qe amegwa anan, “Sén na ke naŕi os seka ge, na leipar, awnar kampar ole, nasipwari am leipar kehlag ole na mourirak dasi qe aw urwarwen. Na qere sérip ge, ag ke séksi noh méksi na urwirlag. ¹³ Gam na ke naŕi seka ge, o duak danah, danah ewlag félag nou ole am amlag gaŕu ole qe urwarwe ates. ¹⁴ Qere sérip ge, ag noh makri olele kawa. Gam sén danahas mangunah ag Tiwur nohwa sirlag ge, Tiwur na noh mirko wittak mirdig,” eko anan.

Mallen Naŕiri Né Tonak

¹⁵ Danah os ke lelle Yesusri né qe doko ge anan, “Danah os mallen naŕi Tiwurdi kingdom owa ke lérig ge, nug Tiwur wittak kena morew o gamag asdig.” ¹⁶ Yesus né qe noh meko anan, “Danah os mallen naŕi orwelle danah kuŕum urwaran. ¹⁷ Sén keke kunum bawarko malako ge kekuak nir anew atko danah urwaran qe anaran, ‘Keke kunum bawakra doweg atet,’ eko anaran. ¹⁸ Danah urwaran

ole qe kunum ole ag kekuak la ole, géri ospi atweg éksi aneg. Danah anqak qe anan, ‘Da wan fou os daren mein, géri minwe da atko wan qe kitalko peril,’ eko anan. ¹⁹ Os ge nug anan. ‘Da tuménah makau 10 qere daren marin. Géri ag areg kekolag qe seweg peril qeri da ospi attil,’ eko anan. ²⁰ Am la os ge anan, ‘Da tuménah as win, géri ospi attil,’ eko anan. ²¹ Kekuak nir qe buliko atko lo memeg qe amegwa anan. Anew ge, lo memeg qe uhribew kuak nir nusigri anan, ‘Ofernah atka taunwa ih naŕi am nounu olewa o duak danah, ewlag félag nou ole am amlag gaŕu ole qe diarka urí,’ eko anan. ²² Kekuak nir qe qere seko ge anan, ‘Danah naŕi, na aniram sillah sém, gam lo ospi ambé.’ ²³ Géri mallen memeg kekuak nir nusigri anan. ‘Na atka taun dimdim ih naŕiwa am nounuwa ole keigarwe uriweg da loul ambar. ²⁴ Da anarina, da danah tatam urwarwi mineg ole qe kunum mallen dasilwa ke nagurnah ospi leweg,’ eko anan,” Yesus qere anaran.

Yesus Dimlamdakri Kug

²⁵ Danahas ameg naŕi Yesus dimlamdepeg, nug buliko danahas qe anaran. ²⁶ “Oun os dagrowa durigri dew pe, nug dasil o naŕi mousar. Am nug memegri am anigri, wawri, nir nusgur dilag, awgur kamgur dilag, am kéwingur dilag am nugégé nusig o naŕi niew pe, nug da begal diakri olele kawa. ²⁷ Am oun os nug nugégé nusig ker mawanak ospi mouko am da pi dimlamirko pe, nug da begal diakri olele kawa*. ²⁸ Am ag olagwa danah usih os lo welah am karan os furigri ge, nug dako qarég gane touŕko lo fuko malarigri qe dahmeko peko am digumérig. ²⁹ Kerdi nug digumeko lo lagko am pi malarig ge, danah kunum lo qe peksi siwegkoleksi ere anlag. ³⁰ ‘Danah ene lo digumeko fuan gam nug malwakri olele kawa,’ éksi anorlag. ³¹ Am king os 10,000 fan danah ih ole nug king os 20,000 fan danah ole fan selasri ge, nug lia qe éurdigri ge delle

* **14:27** 14:27 Ker mawanak mouko dimlamdak digu ge, nugégé nusig sak am o mourak dimorko am kug mawelle Tiwur dimlamdakri kowol.

dahmeko koutorko peko digumeko fan sérig. ³² Nug olele kawa dew pe, king os qe lawar dewew danah os anarew ker ihwa olas usih melasri kořmorlagri atlag. ³³ Am ih qewa, ag oun os nug ker ker nusig qe kunum pi dimorko pe, nug da begal diakri olele kawa.”

Sol Mumda Kawa

³⁴ “Sol ge keke kena, gam nug mumda kawa mew ge, areg seweg am buliko mumda ole darig? Kawa. ³⁵ Sol mumda ole kawa qe nug ker os diguwa wanwa meko ker ke morakri kawa, nug kekuak ole kawa. Qeri sol qe tourweg ate. Oun os doug né duakri ole dew pe, né ene doko koutorar,” eko Yesus anaran.

15

Sipsip Lariakri Né Tonak

¹ Deř os takis wak danah am hipunin danahas ole qe ag Yesus né mariew dolagri uřiyeksi qagleg. ² Gam Farisi am Mosesri Ro duak danah ole né né marieksi aneg, “Danah ene hipunin danah ole liam pateksi ařie ke lési.” ³ Géri Yesus né tonak ene anaran. ⁴ “Ag olagwa danah os nug sipsip 100 qere ole darig am sipsip usih os lariew ge, nug areg sérig? Nug 99 qe minarew awen gisgar olewa deppeg am nug atko sipsip usih larie qe pi te mariko pew? ⁵ Am sén nug peko ge, o gamag asew sipsip qe sumko guqawa meko mouko louw ate. ⁶ Atko ge, nug leigur am nusigwari qe ole urwarew uřiyeksi qagulweg anare. ‘Ig onig gamag asar. Kerdi da sipsip dasil usih larian qe peko buliko wém.’ ⁷ Da anarina. Kowol qewa ih, hipunin danah os o buliew ge, saw kappa ole olag gamag asak narinah nie am danah mangu 99 olag buliakri olele kawa qe dilag olag gamag ase qe erdak.”

Qarég Lariakri Né Tonak

⁸ “Qe sillah, as os qarég silwa* ¹⁰ qere ole am usih os lariew pe, nug areg sérig? Nug lam kamutko louw kinkak ekřelle yamorko mariko mariko peko urig. ⁹ Am sén nug peko oko ge, leigur am nusigwari

qe ole urwarew uřiweg anare. ‘Ag da ole onig gamag asar, kerdi qarég silwa dasil larian qe peko buliko wém.’ ¹⁰ Da anarina. Kowol qewa ih, hipunin danah os o buliew ge, Tiwurdi doup qe ag ole olag gamag ase,” eko anan.

Nir Geř Memeg Munurko Atanri Né Tonak

¹¹ Yesus né ene buliko anaran, “Danah os békuř ařit ole daré. ¹² Géri nag dimbari ge memegri anan, ‘Mem, na keke wasarķa dasil sillah qe miř.’ Géri memeg keke kunum nakuř dilas wasarķo matan. ¹³ Wagam ole kawa, nag dimbari qe keke nusig kunum qaglew daren meg. Meweg qarég oko orwelle atu os una qewa atan. Atko qewa delle ge, nug o mourakwa ih nouwa qarég sew kawa man. ¹⁴ Kawa mew dimba ge, atu qewa laké naři nian. Niew ge, nug digumeko qagrakwa dian. ¹⁵ Géri nug atu qewari danah os dowa kekurigri atew ge, danah qe sew atko awen qewa fo nusig ke marelle gumardé. ¹⁶ Nug laké qew fo tounam gone mardé ole qe lérigri o naři daré, gam ounté kité ospi mordé. ¹⁷ Sén dahmak kena nugrowa uřiyew ge, nug nugégé anan, ‘Da memri kekuak nir ge ag ke olele, gam da ge ewa lakéri mousdil sein. ¹⁸ Da mem dowa buliko atko andil, ‘Mem, da Tiwur nohwa am na nomba ole hipunin sein. ¹⁹ Da na nam eka aniřdipri olele kawa, gam sewe da kekuak nir nasip de,’ ’ eko andil, eko anan. ²⁰ Géri nug asko buliko memeg dowa atan. Gam nug ih una uřiyewew memeg peko nusig o dow guko atko qagru orako gamnurko kis moran. ²¹ Géri nag memegri anan, ‘Mem, da Tiwur nohwa am na nomba ole hipunin sein. Da na nam diakri olele kawa.’ ²² Gam memeg kekuak nir nusgur dilag anan, ‘Ag ofer féřu bala kenanah qe uksi méksi mores. Eweg dořohwa ring oraweg now am féř gařa méksi mores. ²³ Am makau yu titřaknah qe qéksi ke naři seweg lettú onig gamag asar. ²⁴ Kerdi ig da nal ene mousko malwan qere dahmet, gam buliko uřiyé. Nug larian, gam buliko peko wém.’ Géri

* **15:8** 15:8 Silwa qarég ene drakma. Qe deř usihri kekuak noh.

ag olag gamag asakwa ke naŕi qe leg. ²⁵ S n qe, nag digam nug dara dian. Nug uŕiko lo mourko dolle ge, kasi seppeg uttulag duan. ²⁶ G ri nug kekuak nir os uŕwurew wanew ge, koŕmoran, ‘Uni keŕ sessi s si?’ ²⁷ Kekuak nir qe anan, ‘Na kamap ge buliko uŕiy . Am na memen makau yu titŕaknah qe qew ke naŕi sam. Keŕdi nug nag larian qe gurak ospi wan kena ih buliko uŕiyew o gamag asew s ,’ eko anan. ²⁸ Gam awag ge uhŕibew lo owa nuak minan. G ri memeg dimdim wanko lo owa nurigri sinanah koŕmoran. ²⁹ Gam nug memegri anan, ‘Na pe! Da makaŕ kuŕum nasip kekuak sam sein am n  nasip ospi tappi nan. Gam qeri na meme yu usih ospi miŕwe da leilar ole ke nag ospi s ktu let. ³⁰ S n na nam ene qar g nasip naŕi oko atko o mourakwa ih nouwa am ihwari as feŕlagwa sew kawa mew, am buliko louw uŕiyew ge, na makau yu titŕaknah qeka moŕam,’ eko anan. ³¹ G ri memeg anan, ‘Da nal, na sansan da ole daŕu. Am keke dasil kunum qe nasip. ³² Gam ig ke lettu onig gamag as , keŕdi na kamap ene mousan gam fouman. Nug larian gam buliko kappa uŕiyew ge, ig buliektu piam,’ eko anan,” Yesus qere anaran.

16

Kekuak Gumak Danah Duak Kena Ole

¹ Yesus b gur anaran, “S n os danah k hu oleri kuak nir dilag anq k danah keke nusig kunum gumard  ole qe dar . Deŕ os danah os atko danah k hu ole qe amegwa kekuak nir nusgur dilag anq k danah qe qar g nusig sew kawa mer  qeri anoran. ² G ri nug uŕwurew now koŕmoran, ‘Danah nasip marisi qe meŕe te? Keŕdi na kuak qewari malwirdil, na qar g areg gumen qe kunum ole yaka miŕ,’ eko anan. ³ G ri kekuak gumak danah qe nug g  anan, ‘Danah naŕi da gumŕe ge kuakwari g rildig, g ri da aregnah s ril? Da dar kekuakri gagragsak ole kawa am da nuq k uŕal ne. ⁴ S n da kekuak ewari malwiŕew ge, aregnah s wi danahas wiŕweg loulagwa danigri ge da duina,’ eko anan. ⁵ G ri nug n 

mew danah naŕi nusig qeri qar g noh makri danah qe usih usih uŕiyeg. Anuq ko uŕiyan qe koŕmoran, ‘Na keke gane bulika noh meka danah naŕi dasil murdip?’ ⁶ Danah qe n  noh meko anan, ‘Oliw goŕen sin  100 qere.’ Kuak gumak danah anoran, ‘Na pepa bulika noh makri ene oka ofer qere daka sin  50 ih qere ya,’ eko anoran. ⁷ Qe dimba am danah os dow koŕmoran, ‘Am na ge keke gane noh m rip?’ Danah qe koŕmak noh meko anan, ‘Reis bek 100 qere.’ Kuak gumak danah anoran, ‘Pepa bulika noh makri nasip enan da oka 80 bek ih qere ya.’ ⁸ Qeri danah naŕi qe kekuak gumak danah kena kawa qeri ‘Kena sam. Na duak kena ole,’ eko anoran. Keŕdi danah wan ewari ag keke gumarakri duak qe ag dosi koutursi, danah kamsahlak owari dilag duak qe eŕarak. ⁹ Da amlagwa anina. Keke wan ewariwa ag leilgar kehnare, geisah keke qe ole diakri s n olele morew, Tiwur ag sumarew saw kappa awen ole dalag. ¹⁰ Oun os nug keke nagur pesorko gumdig ge, nug keke naŕi ole pesorko gumdig. Am oun os nug keke nagur nouni gumdig ge, nug keke naŕi qe ole nouni gumdig. ¹¹ G ri wan k hu nouni gumarlag ge, oun nug saw kaw k hu meŕenah qe gumlagri mardig? ¹² Am ag danah osri keke nouni gumarlag ge, oun nug keke asilagnah qe mardig? Kawa. ¹³ Kekuak nir os danah naŕi aŕit dilas s n usihwa kekuakri olele kawa. Nug os ge dimorelle am osri ih o norig. Nug os ge dimlamdelle am os ge mindig. Qe sillah ag Tiwur m riwanessi am keke wan ewari ole m riwanakri olele kawa,” eko anan. ¹⁴ Qere anew ge, Farisi qar gri olag nir  ole qe dueksi Yesusri n  siwkolessi aneg. ¹⁵ N  siwkolessi anweg ge, nug anaran. “Ag ansi, ‘Danah amlagwa ig mangunah,’ gam Tiwur ge ag olag pe am due. Danah ag keŕ kekeri olag naŕi nie ole ge, Tiwur amegwa keke qe nouninah.”

Yesus N  Ene Ole Marian

¹⁶ “Mosesri R o am profet dilag n  kusweppeg uŕiyew Yonwa patan. Qe dimba ge, Tiwurdi Kingdomri n  kena qeri kusweppeg uŕiye. Am danahas

kunum qewa nolagri kekuak nafi sési. ¹⁷ Wan saw ole ge kawa mérigri kug kawa, gam Tiwurdi *Ro Yak* ge nagurnah ospi kawa mew. ¹⁸ Danah oun os waw munurko am as la urig ge, nug do' dilag kowol qe sérig. Am danah os as gému mundak urig qe ole nug do' dilag kowol qe sérig," eko anan.

Danah Kéhu Ole Am Lasarus Ole

¹⁹ Yesus né marielle am né ene ole anaran. "Danah os kéhu ole am nug féru bala kena kenanah meré. Nug de' dorog keke kunum olele daré. ²⁰ Nusig ka' ih'amba ge o duak danah os wénih Lasarus qe niré. Lasarus nug féru kunum isi olele morak. ²¹ Am nug danah kéhu ole qe lougwari ke le minak bi'ra os lelemba daré. Am o duak danah ge qé isi me'weppeg daré. ²² Sén dow o duak danah Lasarus mousew, Tiwurdi doup maweksi ateksi awen kena Abraham dianwa Abraham wa'utqorweg des. Danah kéhu ole qe ole mousew suhmeg. ²³ Nug kew pi qouse olewa gurak na'rinah olle delle amnew tew ge, Abraham unanah uwa pian. Lasarus ole wa'utqorak dewew pian. ²⁴ Géri nug Abraham ur'wuran, 'Mem Abraham, da nuqrina. Na dasil ot dow Lasarus anwe eweg gu' noh lewa meko lémrul oug mérigri mar. Kerdi da kew ewa gurak na'rinah wina,' eko anan. ²⁵ Gam Abraham noh meko anan, 'Nir dasil, na dahmor. Na wanwa keke kena ot nian ole qe kunum on, gam Lasarus ge keke nou qe diaran. Gam gei ge nug gamag asewew ewa de am na ge gurakwa dana. ²⁶ Am ole, ig gamnigwa kuha' na'rinah nie, géri oun ewari agrowa wanakri olele kawa am qewari ole igrowa ewa mata'ko duakri olele kawa.' ²⁷ Danah kéhu ole ge Abrahamri anan. 'Da nuqrina, mem! Lasarus anwe da memel lougwa atar. ²⁸ Kerdi da awlar kamlar tanig ole ena dasi. Nug gagrag anarew da gurak duina awen enewa ag aw ur'iweg,' eko anan. ²⁹ Abraham noh meko anan, 'Mosesri *Ro* am profet dilag né yak nie, géri minwe

ag qe dues.' ³⁰ Géri nug anan, 'Kawa, mem Abraham. Qe olele kawa. Danah os mousko am buliko asko atko amlagwa andig qe ih ge, ag dueksi olag bulirig.' ³¹ Abraham nug anoran, 'Ag Moses am profet ole dilag né dueksi pi dimlamurlag ge, danah mousko am sirko anarew qe ole ospi dueksi dimlamurweg,' " eko Yesus anan.

17

Yesus Hipuninri Anan

¹ Yesus bégur anaran, "Sak o kowol seweg danahas hipuninwa tolalagri qe ur'ilag, gam danah qe sérig ole ge nug kug os perig. ² Danah qe sew nir nagur ene os hipunin sew pe, nug fagwa qar na'ri eiseksi tou'weg iwba nurig olele-nah. ³ Qeri dahméksi koutores. Na liap nagrowa hipunin sew pe, ga'ra morwe buliko aw sew. Am nug o buliew kowol qe minko dimorew ge, hipunin noh nusig kusuqka dowe dout katiar. ⁴ Am nug de' usihwa nagrowa hipunin seko 7 qere patko am buliko sén 7 qere patak ur'iko 'Kowol qe nouni sém,' elle o buliew pe, hipunin nusig kusuqka dowe dout katiar," eko anaran.

O Me're Mak

⁵ Aposel* Na'rinah anoreg, "Na sewe ig nasip onig me're mak na'ri mar." ⁶ Nug noh meko anaran, "Ag olag me're mak nagurnah kapis ég sillah darig ge, ag ker na'ri gir'am eneri anlag, 'Na sirka atka iwba di'rin noka be,' éksi anweg nug dimlamurko qere sérig."

Kuak Nirdi Kowol

⁷ "Né os anwi dolag. Ag olagwa usih os nug kuak nir nusig wan kopattig am sipsip gumardig. Sén nug kuak awenwari ur'iyew ge, danah na'ri nusig 'Na ere daka ke le,' eko anurdig te? ⁸ Kawa. Nug ere andig, 'Na le loka bawarka ke dasil se. Na amel meka deppe da ke lewi tatam, am na ke le.' ⁹ Kuak nir nusig né dimlamurko keke kunum sérig, qeri danah nafi nusig 'Kena sam,' eko ospi anew. ¹⁰ Géri ag ole Tiwur ke' sakri ane qe kunum séksi

* **17:5** 17:5 Danah os Yesus nugégé toqarko me' arew kekuak nusig séksi ateg ole qe. Aposel ge Yesusri me' danah.

malweksi ge, ag anes, 'Ig kuak nir nasip sam. Ig kekuak migak qe sam,' éksi anes," eko anaran.

Yesus Lepira Danah 10 Qere Sew Pasaoreg

¹¹ Sén Yesus Yerusalem attigri atelle Samaria atu uriko patak qe dimlamurko atan. ¹² Nug atko kaw oswa nowew, danah 10 qere leprasi ole peksi unaka pi waneg lawar deg. ¹³ Dessi ge, ag urweksi anoreg. "O danah nari, Yesus! Na isanig ot duar!" ¹⁴ Sén nug piarko ge anaran, "Ag ateksi ferlag prist ismares." Ag atessi ge, ihwa ferlag pasaorew peg. ¹⁵ Danah 10 qe kunum ferlagwa leprasi pasaorew peg. Gam danah usih os sén féru pasaorew peko ge, fag nariwa qalko Tiwur binag sumelle buliko uriyen. ¹⁶ Nug atko Yesus nohwa ole férgwa gatewa yako duk noko "Kenanah sam," eko anoran. Am nug ge Samaria danah. ¹⁷ Yesus koorman, "Danah 10 qere séwi ferlag pasaoré. Am danah 9 qere ge arewa dasi?" ¹⁸ Aregri uriyak danah usih ene ih Tiwur binag mérigri buliko uriyé?" ¹⁹ Qere anelle Samariarer qeri anan, "Aska eit, na ot mére mak qewa Tiwur férun sew pasaoré," eko anoran.

Danah Bega Buliko Uriyewew Sén Areg Darig

²⁰ Der os Farisi danah Yesus koormoreg. "Ganeh Tiwur king beko danahas nusgur gumardig?" Yesus noh meko anaran, "Tiwurdi Kingdom digumeko berig ge ag amlagwa peppeg pi bew. ²¹ Danahas 'Enan de,' am 'Unan de,' éksi ospi anweg. Kerdi Tiwurdi Kingdom iril uriyen danahas gamlagwa de," eko anan. ²² Yesus begur dilag anan, "Sén qe uririg qewa ag da Danah Bega der usih os peirlagri selag, gam ag ospi peirweg. ²³ Danah anarlag, 'Mesaia† nug unan de,' am 'Nug enan de,' éksi anlag. Gam ag aw gueksi dimlamareksi atweg. ²⁴ Kerdi Danah Bega da uririldi derwa saw karan ampiir oko atu kunum olele more qe sillah peksi ge dolag. ²⁵ Gam tatam ge, da gurak

nari uril am geiri danahas dimirilag. ²⁶ Nuari sénwa danahas kowol nou seréw qe sillah Danah Begari uriyak sénwa ole qere ih selag. ²⁷ Danahas ke leg, le leg, danahas nug oppeg atew atew ole Nua kuh narinah qe owa nuan. Sén qewa gu nari neko le kue nari bew paral meg. ²⁸ Qe sillah Lotri sénwa ole qere seréw. Danahas ke lessi, le lessi, keke darendi maressi, keke fou daren maressi, ke keharessi am lo fuaressi daréw. ²⁹ Gam Lot Sodom minko atewew sén qewa ge, Tiwur sew kew am qar arelle saw karandi gu sillah neko afaresw kunum ole paral meg. ³⁰ Qe sillah danahas pi bawrak deppeg der qewa Danah Bega kamsahlak gun olewa uririg. ³¹ Der qewa danah os loug dimdim darig ge, lo owa keke nusgur diardigri pi now. Qe sillah danah os dara darig ge, lougwa keke diardigri buliko ospi atew. ³² Ker ihwa Lot waw paral man qe dahmores. ³³ Oun os nug nugégé kowol kunum nusig dimlamurko ge, foumak sansan diakri ospi ow. Gam oun os kowol kunum nusig dimorko da dimlamrelle mousdig ge foumak sansan diakri urig. ³⁴ Da anarina. Danah Bega uririg sén qewa danah arit os tuqan arié nieppes ge, os ge olle am os ge munurdig. ³⁵ As arit os arié ke sagraessa dalas ge, os ge olle am os ge munurdig." ³⁶ (Danah arit os arié dar usihwa dalas ge, os ge olle am os ge munurdig.) ³⁷ Yesus né mariko malwew, ag koormoreg. "Narinah, qe arewanah berig?" Nug koormak noh meko anaran. "Awen arewa doir mousak os niewew ge, tum qewa qagulsi. Qe sillah, da lugmak ospi uriwini ag dueppag uriril," eko anaran.

18

As Qehras Am Né Keprak Danah Ole Dilas Né Tonak

¹ Am Yesus nug Béгур 12 unuqorak pi minweg sansan unuqorlagri né tonak ene amlagwa anan. ² Nug anan, "Né keprak danah os taun oswa daré. Nug Tiwur pi farurdé am danah dilag ole pi dahmeré. ³ Am as qehras os taun qewa

† 17:14 17:14 Tiwur am danahas ole gamlagwa Tiwurdi ofa mak danah ‡ 17:23 17:23 Tiwur danahas nusgur buliko diardigri danah toqoran.

daré. Nug bulibuli né keprák danah qe dowa atko nuqurko andé. 'Kegeř dasil nouni siřan. Qeri na da dimulwa daka né dasil kepař,' eko anan. ⁴ Sén welah né keprák danah qe kité ospi san, gam dimba nug nugégé anan. 'Da Tiwur pi fárdina am danah dilag ole pi dahmeina. ⁵ Gam as ene bulibuli dagnéwa uriyew sériag iwře, géri né nusig kepařko mangu murdil. Keřdi nug sew da kéwsil kawa ospi mew!' eko anan." ⁶ Am Yesus anan, "Né keprák danah mangu kawa nug keř eko anan qe dues. ⁷ Am Tiwur nug danahas nusgur kepraran qe dilag kug tuřan kémun ole unuqorakwa mursi ge, asilag seko pi te mangu morko mare? Nug qere duelle te darig? Kawa. ⁸ Da anarina. Nug oferđi mangu morko mardig. Gam sén Danah Bega da wan ewa buliko uriko ge, o meře mak danah os piardil te?" eko kořmaran.

Farisi Danah Am Takis Wak Danah Ole Dilas Né Tonak

⁹ Danah os ag dueg ge ag mangu essi am la kunum ge sam sillah duardéw qeri Yesus né tonak ene anaran. ¹⁰ "Danah ařit os unuqorlasri Tiwur Lougwa ates. Os ge Farisi danah am os ge takis wak danah. ¹¹ Farisi danah qe asko lawař delle nug unuqoran. "Tiwur, da na kena sam eko anirina, keřdi da danah la kunum sillah kawa. Da yawsen danah kawa, sak nou sak danah kawa, danah la walgar diko weiyak danah kawa, am takis wak danah ene sillah kawa. ¹² Da kuha usihwa kurdako ařit patina am keke kunum wina ge watiwi ameg 10 qere new ameg usih qe na mirina,' elle unuqoran. ¹³ Gam takis wak danah ge lawař asko delle saw karan os ole pi amnan, gam eweg damkowa meko delle unuqoran, "Tiwur, da hipunin danah. Na dasil ot dow hipunin dasil kusuqka miř,' eko anan. ¹⁴ Da anarina. Takis wak danah qe Tiwur hipunin nusig noh kusqew Tiwur nohwa danah mangu delle lougwa atan. Gam Farisi danah ge qere kawa. Keřdi oun due nug wénih ole ge, Tiwur sew nug wénih kawa darig. Am oun nug due nug wénih kawa ge, Tiwur sew nug wénih ole darig," eko anan.

Yesus Nir Nounu Wittak Kena Maran

¹⁵ Danahas Yesus nir yu feřlagwa eweg meko wittak kena mardigri dieksi dog. Sén Yesus bégur ag piareksi ge, gařa mareg. ¹⁶ Gam Yesus nir nounu urwarew nugrowa doweg ge anan. "Nir nounu pařwarweg dagrowa dos. Ag aw da-garweg. Keřdi danahas nir nounu ene sillah qe Tiwurdi Kingdom ge asilag. ¹⁷ Da meřenah anarina. Danahas are nir nounu ene sillah ag Tiwur kallowa pi dalag ge, ag Tiwurdi Kingdom owa ospi noweg," eko anan.

Yuda Dilag Kuri Danah Kéhu Ole

¹⁸ Yuda dilag kuri danah os Yesus kořmoran, "Duak marak danah kena, da aregnah seko foumak sansan diakri uril?" ¹⁹ Yesus kořewa oko anan, "Na keřdi dasil kena eka anam? Ounte kena os kawa. Tiwur nug nugé ih kena. ²⁰ Na Tiwurdi Řo 10 dona: 'Na watnah dewew as la ole aw weiwes, danah aw dug kowen, yawsen aw sewen, né dar aw mewen, am anin memen ole kallolaswa denna kořlas dimlamur,' " eko anoran. ²¹ Anew kuri danah qe anan, "Řo qe kunum ole da nir nagurwa delle dimlamurwi uriyen," eko anan. ²² Sén Yesus né qe doko ge anoran, "Na ih usih os tuqren. Na kéhun kunum anwe daren meweg am qarég oka o duak danah marka ge, na saw kappari wittak kena qe urip. Qere seka ge, doka da dim-lamiř," eko anan. ²³ Gam nug danah kéhu naři ole géri, sén Yesus qere anew doko ge neko řan. ²⁴ Géri Yesus danah qe neko qew peko anan, "Danah kéhu ole os keke nusig kunum minko Tiwurdi kingdomwa nurigri ge kug ole. ²⁵ Meřenah, doř naři wénih kamel ge keke titiyakri nil ořewa nurigri ge kug ole, gam danah kéhu ole ge Tiwurdi kingdomwa nurigri ge kug qe eřdak." ²⁶ Danahas né qe dueksi Yesus kořmoreg, "Am oun ge foumak sansan diakri urig olele?" ²⁷ Yesus kořmak noh meko anaran, "Keř os danah sakri olele kawa ge, Tiwur ge sérig olele," eko anan. ²⁸ Anew Pita anoran, "Ig na dim-lamirniř keke isangar kunum minaret," eko anan. ²⁹ Anew Yesus anaran, "Da meřenah anarina. Danah os nug Tiwurdi kingdomri seko loug minko, waw minko

awgur kamgur minarko, anig memeg ole am nir nusgur minarko asdig ge, ³⁰ nug sén wan ewa dewew saw kappari wittak kena kuřum tatam moran qe erđak murdig am keřew né foumak sansan diakri ole murdig,” eko anaran.

Yesus Mousko Am Asdigri Buliko Anan

³¹ Yesus Béğur 12 qe urwarew wanweg agé dessi anaran, “Ig Yerusalem tehut ge, Danah Begari né profet yeg qe kunum mou bérig. ³² Danah ag Danah Bega uksi Yuda danahas kawa la qe ewlagwa melag. Meweg ag geisah nug siwegkolessi uksiuksi qoressi sunu qessi qisleksi am qeweg mousdig. ³³ Gam der kiamba ge nug buliko asdig,” eko anan. ³⁴ Nug Béğur ag né qe kunum dueg, gam olag ospinah mouran. Né digu lugman, géri ag nug keř eko marian ge sam sillah dueg.

Yesus Danah Ameg Gařwak Ole Sew Kena Man

³⁵ Yesus Yeriko wandigri wanewew, danah os ameg gařu ole ih dougwa nipiřko delle nuqran. ³⁶ Sén nug danahas ameg naři duksi erdeksi ateppeg uttulag doko kořman, “Areg sé?” ³⁷ Danah os anoreg, “Yesus Nasaretrer qe doko wane,” éksi anoreg. ³⁸ Anweg ge, nug uruko anan, “Yesus, Dewit fuřuh, na dasil ot dow pe kéhnir!” eko anan. ³⁹ Danah anqeksi waneg qe gařa moreksi, “Na torka da,” éksi anoreg. Gam nug qalko urwan, “Dewit fuřuh, na dasil ot duar!” eko anan. ⁴⁰ Yesus féğ yako delle nuqak danah qe omalko nugrowa dukri anan. Unaka dow Yesus kořmoran. ⁴¹ “Na da keř sérildi ot nie?” eko anan. Anew danah ameg gařu ge anan, “Nařinah, da amindil ol nie,” eko anan. ⁴² Anew Yesus anoran, “Na amin. Na ot meře mak qewa Tiwur sew kena mam.” ⁴³ Usihri nug ameg koptew ole Tiwur binag melle Yesus dimlamdan. Sén danah kunum qe peksi ge, ag ole Tiwur binag meg.

19

Sakias Takis Wak Danah

¹ Yesus Yeriko taun owa noko ih dimlamurko atan. ² Danah os wénih Sakias nug qewa dian. Nug takis wak danah qe dilag kuri am nug kéhu ole. ³ Nug Yesus ge oun qe perigrinah san gam olele kawa. Keřdi nug danah kutuk am danah kuřum am qataorak. ⁴ Géri nug anuqko guko atko guřaw ker naři os teko Yesus qere wanew perigri qewa ameg meko dian. ⁵ Sén Yesus awen qewa wanko amnew tew peko ge anoran, “Sakias, na ofer ne. Keřdi da gei ole na loutwa daril.” ⁶ Géri Sakias usihri neko gamag asakwa Yesus gamnurelle omlew lougwa ates. ⁷ Danahas kunum qere peksi Yesusri né né marieg, “Nug aregri hipunin danah enenah lougwa ró até,” éksi aneg. ⁸ Louw ge Sakias asko Nařinahri anan, “Nařinah, na né ene doka. Da keke dasil kunum gamagwa watiko leis ge o duak danah mardil. Am da oun os darmakwa qarég kařdin ge wařos patak noh meko murdil,” eko anan. ⁹ Yesus anoran, “Gei ole Tiwur na fénarwa ole dilag hipunin noh kusqé. Am danah ene ole Abraham fuřuh. ¹⁰ Qeri Danah Bega nug oun os gattu owa de qe mariko peko buliko ow Tiwurdi uřibak éřurdigri uřiyan,” eko anan.

Kekuak Nir 10 Dilag Né Tonak

¹¹ Yesus né qe mariew dueppeg, nug Yerusalem mourak nuan am danahas ag Tiwurdi Kingdom usihri wanwa bérig éksi dahmeg. Géri Yesus né tonak ene anaran. ¹² “Danah binlag ole qe fuřuh os atu una oswa atew king darigri wittak morew uřirigri atan. ¹³ Géri nug kekuak nir nusgur 10 qere anew noweg usih usih qarég gol mina* awen awen qere maran. Marko ge anan, ‘Qarég ene uksi kekuak moreppeg da buliko uřiril,’ eko anaran. ¹⁴ Gam danah nusgur os danah naři qeri olag pi nian ole qe danah la os nug dimugri meřarweg danah naři qe atanwa ateksi, ‘Ig danah ene king isanig diakri onig pi nie,’ ellagri ateg. ¹⁵ Gam nug king beko buliko kawagwa uřiyan. Uřiko ge, kekuak nir nusgur 10 qere qarég maran ole qe dilag né man. ‘Ag qarégwa kekuak areg seg?’ qe dorigri

* 19:13 19:13 Mina usih ge kalam kiam kekuakri noh olele.

kořmaran. ¹⁶ Kekuak nir anuqko duan qe anan. ‘Danah naři, qarég na miřen qe kekuak murwi qarég gol mina 10 la ole qařewa ban,’ eko anoran. ¹⁷ Anew king nusig doko ge anan, ‘Kena sen. Na kekuak nir dasil kena. Na qarég nagurwa kekuak kena sen, géri gei na taun ten qere gumardipri anina.’ ¹⁸ Am ařit patak qe doko anan, ‘King dasil, qarég nasip kekuak murwi qarég gol mina tanig ole la qařewa ban,’ eko anan. ¹⁹ Anew ge king nusig anoran, ‘Na taun tanig ole gumardip.’ ²⁰ Am kekuak nir kiam patak qe doko anan, ‘King dasil, qarég gol mina usih nasip na miřen ge enan. Da lamén qariwa saputko pesorko méwi dian. ²¹ Na danah gagran ole. Keř os na pi kehna qe na funa, am danah la os keke mési qe ole na ona. Qeri da na fařirko qere sein.’ ²² King nusig qe kořewa oko anoran, ‘Na kekuak nir nou am né nasip dimlamdak ge séwi noh urip. Na duen ge da danah gagral ole am danah la os keke mési qe da wina am danah la kéhsi qe ole da fuina. ²³ Na keřdi qarég dasil buliko uřiko qařewa noh la ole olem, gam na qarég lougwa pi men?’ eko anan. ²⁴ Anko ge, danah aseksi deg qe dilag anan, ‘Qarég nusig kařdeksi danah qarég gol mina 10 la qařewa sew ban ole qe mores.’ ²⁵ ‘King naři, nug qarég gol mina 10 ge iřil wé,’ éksi aneg. ²⁶ Anweg anaran, ‘Da anarina, oun os keř os pesorko gumdig ge, fou la ole urig. Gam oun os keř nagur ole am nouni gumdig ge, da nug qe kařurdil. ²⁷ Gam kegeř dasil da king asilag diakri mineg ole qe diareksi duksi da nolwa aqares,’ ” eko Yesus anaran.

Yesus Yerusalem Nuan

²⁸ Yesus qere anko ge, Yerusalem atigri anuqko atan. ²⁹ Yesus kaw ařit Betfage am Betani ole Oliw qouku éksi ansi qe sékuwa dasa qe mouratak wanan. Wanko ge, békuř ařit meř atew anqeksa ateppes anatan. ³⁰ “A kaw uniwa ateksa waneksa ge, donki os fou kena mak ounté os pi teko weiyen ole qe qagak dewew pelas. Peksa ge, kusqeksa oksa uřiyes. ³¹ Oun os a keřdi donki kusuqsa eko kořmew ge anores. ‘Nařinah kekuak

murdigri kusuqru,’ eksa anores,” eko anan. ³² Békuř ařit qe ateksa ge nug anan qe sillah ole pes. ³³ A donki fou kena mak qe kusqepes donki memeg kořmateg. “A keřdi donki kusuqsa?” éksi aneg. ³⁴ A kořmak noh meksa anes. “Nařinah kekuak murdigri,” eksa anares. ³⁵ Géri donki oksa Yesus dowa uřiyeksa ge, siot asilas qařewari qe uřeksa donki qařewa duqessa, Yesus eweg ořawes teko donki karan dian. ³⁶ Yesus donkiwa atewew, danahas siot asilag qařewari uřeksi ihwa duqareppeg nug qařewa atan. ³⁷ Sén nug Oliw qouku minko nuakri ih qewa dowew ge, nug bégur dimlamdeg qe kunum ole olag gamag asakwa diguméksi qaleksi Tiwur binag sumeg. Keřdi ag Yesus mirakel sew piareg. ³⁸ “King Tiwur Nařinah wénihwa uřiye ge nug wittak more. Saw kappa Tiwur ole maror nirig am Tiwur karannah nug binag karan sumnig.” ³⁹ Am Farisi la os danah ameg naři qe owa deg qe Yesusri aneg, “Duak marak danah, na begpar gařa marwe mines,” éksi aneg. ⁴⁰ Yesus noh meko anaran, “Da anarina. Danah ene torweg ge, qar kořlag koptew uřwessi binag sumlag,” eko anan.

Yesus Yerusalemri Kuanan

⁴¹ Sén Yesus atko unaka wanko Yerusalem taun naři qe peko ge, o dow kuanelle anan. ⁴² “Yerusalem danahas, ag olag duaknah! Ag Tiwurdi maror owa kena diakri qe dollewri kenanah. Gam ag amlag gařwé dasi. ⁴³ Sén qe uřiyew ge, kegeř asilag fanlag uřiyeksi kař asilag taliloreksi wan qagulweg tew, o mareksi dalag. ⁴⁴ Am taun asilag logréksi ag aqeksi keke kunum ole seweg nou mérig. Am qar usih os minweg lia qařewa ospi dew. Keřdi ag sén Tiwur agrowa uřiyan ge, peksi olag pi mouran,” elle kuanan.

Yesus Tiwur Lougwa Duak Maran

⁴⁵ Yesus Yerusalem noko Tiwur Lougri kař owa atko qewa danah keke irardi méksi deppeg nug piarko ge digumeko lamaran. ⁴⁶ Nug ere anelle lamaran, “Tiwurdi Né yak ere ane, ‘Da loul ge unuqorakri lo.’ Gam ag seweg yawesen danah dilag lariak awen sillah beko se,”

eko anan. ⁴⁷ Nug sansan Tiwur Lougri kař owa danahas doulag patté. Gam pris dilag anqak danah, Mosesri Ŕo duak danah am Yuda dilag kuri danah ole ag Yesus qeweg mousdigri ih mariréw. ⁴⁸ Gam ag ih ospi peg, keřdi danahas kunum né nusig dolagri seréw.

20

Kuri Danah Yesus Kuakri Wittak Sew Pelagri Kořmoreg

¹ Deř os Yesus Tiwur Lougri kař owa danahas duak marelle am Né Kena kuswewew, pris dilag anqak danah, Mosesri Ŕo duak danah am Yuda dilag kuri danah ole duksi anoreg. ² “Na anwe ig duet. Na kuakri wittak arwari oka Tiwur Lougwa kuak ene sena? Na oun kuakri wittak qe mirew sena?” ³ Nug kořlagwa oko anan, “Da ole ag kořmardil. ⁴ Ag anweg due, Yon le luaran ge kuakri wittak Tiwur dowari te, kawa danah dowari te oko san?” ⁵ Ag agégé marieksi aneg, “Saw kappari ektu annig ge nug kořmigdig. ‘Ag keřdi nusig kuak qeri olag meře pi man?’ ⁶ Am ig Yonri kuakri wittak danah agopri éktu annig ge danahas uni kunum qar uksi kuiglag, keřdi ag olag meře me ge Yon ge Tiwurdi profet.” ⁷ Géri ag Yesusri aneg, “Arewari té ge ig pi dotu.” ⁸ Qeri Yesus anan, “Da ole oun kuakri wittak miréw kekuina ge ospi anwi doweg,” eko anan.

Wain Dar Gumak Danah Nou Dilag Né Tonak

⁹ Am Yesus né tonak ene danahas amlagwa anan. “Sén danah os wain dar naři kehko am nug danah os wain dar nusig gumeksi morlagri mine marelle ge, nug atu una oswa atko wagam darigri atan. ¹⁰ Wain mou wegak sénwa nug sew kekuak nir nusig os wain dar gumak danah qe agop wain mou os morlagri atan. Gam wain dar gumak danah qe mouřweksi anweg eweg sam buliko atan. ¹¹ Nug kekuak nir la anew atan, gam qe ole mouřweksi nouni sorweg eweg sam am buliko atan. ¹² Wain dar memeg kiam patak kekuak nir os mew atew ge, mouřweksi karag moreksi keigorweg

dar dimdim atan. ¹³ Géri wain dar memeg anan. ‘Da aregnah séril? Da nir dasil ol mouse ole qe attig ge, né nusig dueksi dimlamurlag té,’ elle anew wain dar gumak danah qe agop atan. ¹⁴ Gam sén wain dar gumak danah dar memeg nag qe peksi ge, ag agégé né qageksi aneg. ‘Danah ene wain dar memeg mérig. Doweg qéhut mousew dar qe isanig darig,’ éksi aneg. ¹⁵ Géri keigoreksi beřweksi dar dimdim ateksi qeweg mousan. Qeri wain dar memeg ge aregnah sardig? ¹⁶ Nug uřiko wain dar gumak danah qe sew aqarweg mousweg am dar oko danah la gumlagri mardig,” eko anan. Sén danahas né tonak qe dueksi ge aneg, “Qere aw bew.” ¹⁷ Yesus kittarko delle kořman, “Qere ge Né yak ene digu areg? ‘Lo fuak danah wandor mineksi gerdeg ole qe lo memeg wandor qe oko gamagwa lagew delle lo mawe.’ ¹⁸ Danah wandor qe qařewa tolalag ole ge, kunum ole kaduřlag. Am wandor qe oun os qařewa tolarig ge, maduřew nounu nérig. Qe sillah, oun os nug da dimirdig ge nug paral mérig,” eko anan. ¹⁹ Mosesri Ŕo duak danah am pris dilag anqak danah ole ag dueg ge, né tonak qe asilag nou qe uřameko marian. Géri sén qewa ih ag ih os peksi ořalagri seg, gam ag danahas dilag fařeg.

Yuda Danahas Sisari Takis Melag Te?

²⁰ Mosesri Ŕo duak danah am pris dilag anqak danah ole ag Yesus kařéordéw. Géri ag danah os darmak danah anweg danah mangu sillah ateksi yawsen amneksi Yesus pelag ateg. Ag nug keř os nouni anew qewa ořweksi wan atu dilag kuri danah kuakri wittak morak am gagragsak ole qe ewegwa melagri ateg. ²¹ Géri yawsen annak danah qe Yesus kořmoreg. “Duak marak danah, ig dotu ge na né mangu ih marina, ismigna am na danah kunum nouni ospi sarna. Am na né meře Tiwur danahas areg dalagri o nie qe ismarna. ²² Na an, ig sétu sillah Sisari takis touřnig kena te, kawa te?” ²³ Yesus darmak dahmak asilag qe doko anaran. ²⁴ “Qaréğ silwa os seweg pewi. Oun dorogrog am wénih ole qewa de?” eko

kořmaran. ²⁵ Ag kořewa uksi aneg. “Sisa dorogrog am wénih ole.” Nug anaran, “Aria! Sisari ge Sisa mores, am Tiwurdi ge Tiwur mores,” eko anan. ²⁶ Ag Yesus né nouni os anew dolagri dahmeg, gam sén nug danahas ole dessi nug né nouni usih ospi anew dueg. Ag nug né noh man, qeri dorlag new ole toreksi deg.

Mousko Am Dimba Diakri Kořmak

²⁷ Sadusi* os danah mouseksi am bulieksi pi asweg éksi andéw ole qe uriyeksi Yesus kořmoreg. ²⁸ “Duak marak danah, Moses Ro isanig yan ge danah os mousko as nir kawa mundew ge, kamag as qe oko awagri nir os memandig. ²⁹ Sén os awag kamag 7 qere daréw, géri awlag digam as os wan, gam as qe nir kawa dewew gému qe mousan. ³⁰ Mousew am dimugwari qe wan, am qe ole as nir kawa dewew mousan. ³¹ Qe sillah kiam patak am atko 7 patak qe kunum ole as qe og, gam nir kawa dewew mouseg. ³² Qe dimba as qe ole mousan. ³³ Am buliko sirak sénwa as qe awag kamag 7 qe kunum og, géri as qe oun waw darig?” éksi kořmoreg. ³⁴ Yesus né qe noh meko anan, “Danahas wan ewa dasi ag nug usi. ³⁵ Gam Tiwur sew danahas mousak sireksi foumak olag ole qe nug wak ospi niew. ³⁶ Ag saw doup sillah dalag, géri ag ospi mousweg. Ag Tiwurdi nir dalag, keřdi ag Tiwur sew sireksi foumak olag. ³⁷ Am Moses ole ker nagur os arakri né yakwa ismige ge, mousak bulieksi sirlag. Qeri nug Nařinah Tiwurdi ere anan, ‘Abrahamri Tiwur, Aisakri Tiwur am Yakopri Tiwur ole,’ eko anan. ³⁸ Géri ig Mosesri né qewa dotu ge Abraham, Aisak am Yakop ge Tiwur ole fou dasi. Keřdi mousak danah Tiwur binag pi mési, gam danah fou dasi qe Tiwur binag mési. Keřdi nug nohwa danahas nusgur ge kunum fou dasi,” eko anan. ³⁹ Mosesri Ro duak danah os Yesusri aneg, “Duak marak danah, na né noh mangu anam.” ⁴⁰ Qeri ounté kořmak fou la ole ospi san.

Yesus Dewit Fuřuhri Kořman

* **20:27** 20:27 Sadusi pris ameg os danah mouseksi pi bulieksi assi qeri olag meře me. † **20:41** 20:41 Kristus ge Mesaia. Tiwur danahas nusgur buliko diardigri danah toqoran.

⁴¹ Am Yesus kuri danah qe kořmaran, “Aregri ere ansi Kristus† ge Dewit fuřuh? ⁴² King Dewitri Kasi Yakwa ere ane, ‘Nařinah Tiwur, Nařinah dasil Kristusri anan: Na ewel kenariwa deppe, ⁴³ da kegeř nasip taparko séwi nuksi na kallonwa dalag,’ eko ane. ⁴⁴ Dewit nug ‘Nařinah,’ eko anore, gam areg nug Dewit fuřuh darig?” eko kořmaran.

Yuda Kuri Danah Dilag Kowol Nou

⁴⁵ Danahas kunum duepppeg Yesus bégur dilag anan. ⁴⁶ “Ag Mosesri Ro duak danah dilag dahmes. Ag feřlag bala welah kena méksi maket awenwa weiyeppeg danahas piareksi felqarlagri sési. Am Yuda dilag binag mak lowa danah wenlag ole dasiwa dalagri sési. Am mallen sénwa danah wenlag ole dilag diak awenwa dalagri sési. ⁴⁷ Ag as qehřas dilag keke kunum darmak ihwa memeg mési am qe tonlagri dessi unuqorak welah welah sési. Danah qere ge sak nou noh asilag qe nouninah mardig,” eko anan.

21

As Qehřas Ofa Man

¹ Yesus Tiwur Lougwa delle danah keřlag ole Tiwurdi ofa mak awenwa qarég meppeg piaran. ² Am nug as qehřas os o duak ole qarég 10 toia arit ih ole mewew pian. ³ Peko ge nug anan. “Da meřenah anarina. As qehřas uni o duak, gam nug qarég ofa mé ge, danahas uni kunum erarak naři mé. ⁴ Danahas la kunum ge qarég asilag naři dewew am qarég siřin ge méw, gam as uni ge o duak as gam nug keř os oko lellori sillah ge qarég qe kunum ole mé,” eko anaran.

Tiwur Loug Qiko Nérig

⁵ Sén qewa nug bégur os aneg. “Tiwur Loug ene qar kena kenawa fueg am Tiwurdi ofa meg qewa bala moreksi koutoreg,” éksi aneg. Gam Yesus anan. ⁶ “Sén os uriyew ge, keke kunum pesi qe qiko neko kaddurđig am qar usih os lia qařewa ospi dewew peweg,” eko anan.

Yesus Kug Ufirig Qeri Anan

⁷ Ag kořmored, “Duak marak danah, na anam keke qe ganahnah bérig? Ig kernah pektu am donig ge qe bérigri sén unaka de?” ⁸ Yesus anan, “Geisah ag darmarwegra, dahméksi koutores. Geisah danah kuřum da wénilwa béksi ‘Da Kristus,’ am ‘Geiri kuagrak sén uřiko malwé,’ éksi anlag. Gam danah qe aw dimlamarweg. ⁹ Sén ag wan atu oswa fan neihwah am karak neihwah dueksi ge, ag aw farweg. Keke qe tatam belag, gam malwakri sén qe ofer ospi bew.” ¹⁰ Yesus buliko anaran, “Wan atu os asweg wan atu la ole fan selag am king os asew king la ole fan selas. ¹¹ Mim naři atu kuřumba nérig am atu kuřum laké naři niewew kousarlag am waře nouni ole belag. Am saw karan farakri keke am kowol wagé wagé ole béksi atlag. ¹² Gam keke qe kunum pi bak dewew, ag da dimlamirlag qeri orwareksi berwareksi Yuda dilag binag mak lo owa nolag am gurak maressi nouni saressi kalabuswa yanarlag. Am ag dieksi king am wan atu dilag kuri danah agop ole wanlag. ¹³ Sén qewa ag dasil olag meře me qe ag anarlagri sén darig. ¹⁴ Qeri ag olag meře mak gagrag diar. Ag keř éksi anarlagri tatam aw dahmeweg. ¹⁵ Da ag kegeř asilgar dilag né noh melagri né am dahmak kena ole mardil. Qeri ag kegeř asilgar né asilag ospi qeweg new am ospi kotarweg. ¹⁶ Sén qewa ag da dimlamirlag, qeri ag memelgar anilgar am awalgar kamalgar am leilgar ole kegeř marlag. Am geisah ag la os ge aqarweg mouslag. ¹⁷ Ag da dimlamirlag, qeri danahas kuřum asilag olag nou mew kegeř marlag. ¹⁸ Gam ag kurlag urug usihnah ospi lariewra, qeri ag aw farweg. ¹⁹ Ag da dahuhul dalag ge, ag foumak sansan diakri olag.”

Yerusalem Taun Logarđig

²⁰ “Sén ag fan danah uriyeksi Yerusalem o morweg peksi ge, ag dolag ge wagam kawa nug logarlag. ²¹ Sén qewa danahas Yuda dalag ge, kum oleksi qoukuwa ates. Am danahas taun qewa

dalag ge, taun qe mineksi kum ates. Am areg os taun dimdim dalag ge, aw bulieksi owa noweg. ²² Kerđi sén qe Tiwur Yerusalem danahas kug asilag qe noh mardig am Tiwurđi Né yakwa nie qe kunum ole mou bérig. ²³ Sén qewa ge, as olag ole am nir yu ole ge kug narinah pelag, kerđi ag kum atakri olele kawa. Kerđi kug narinah atu qewa bérig am Tiwurđi uřibak danahas qewari dilag qe noh meko mardig. ²⁴ Danahas os ge fan barinwa kotarlag. Am os ge orwareksi diareksi wan atu la kunumba kalabuswa atlag. Am Yerusalem taun ge Yuda danah kawa danah la qe tutuweg atew Tiwur sén moran qewa pattig,” eko anan.

Danah Bega Buliko Ufirig

²⁵ Yesus buliko anaran. “Sén qewa kowol os kamba kalamba am sořwéwa ole beweg piarlag. Wanwa danahas kunum iw kořkoř naři qelle urwag nérig qe dueksi olag farew am dahmak karwarew kité ospi seweg. ²⁶ Danahas kuřum wan ewa keř bérig qe peksi olag farew amlag taririg. Kerđi saw karan keke gagragsak naři ole qe kunum saharlag. ²⁷ Sén qe ge Danah Bega da lombigwa gagragsak naři ole am kamsahlak naři gun olewa uriyepi kunum peirlag. ²⁸ Sén keke qe kunum digumeko bewew ge, ag gagrag méksi aminweg karan tew des, kerđi Tiwur ag gattu owari buliko diarko kusqak mardigri sén unaka durig,” eko anan.

Guřaw Kerđi Né Tonak

²⁹ Yesus né tonak ene begur anaran. “Guřaw ker am ker la ole piores. ³⁰ Sén ker qere lounweg ge, ag agégé dolag qe kem sén durig malwe. ³¹ Qe sillah, da aném qere bew peksi ge ag dues. Wagam kawa ge Tiwurđi Kingdom bérig*. ³² Da meřenah anarina. Geiri danahas pi mousak deppeg keke aném qe kunum bérig. ³³ Wan saw ole ge qerořdig, gam né dasil ge nagurnah ospi kawa mew.”

Yesus Buliko Ufirigri Dahmessi Des

³⁴ “Dahmessi des! Ag ke lelle am le leko gar qakri aw dahmeweg. Ag wan ewa kena diakri naři aw dahmeweg. Ag

* **21:31** 21:31 Tiwur danahas nusgur dilag king delle gumardig.

kowol qere séssi dalag ge, da agrowa pi duepppeg uriril. Keŕdi dasil uriyak deŕ qe pelem sillah darig. ³⁵ Geisah wanwari danahas kunum kug qewa dessi pelag. ³⁶ Dahméksi koutoressi am bulibuli Tiwurdi unuqorweg gagrag qarar. Qewa ge, kug belag qe érdessi deppeg Danah Bega da uríwi nolwa sirlag,” eko anaran. ³⁷ Yesus kemunwa deŕ dorog Tiwur Lougwa duak mardé. Am tuqan ge nug atko Oliw qoukuwa daré. ³⁸ Danahas kunum furwanah Tiwur Lougwa Yesus duak mardigri qaguldéw.

22

Yudas Yesus Kegeŕ Ewlagwa Mérigri Ih Marian

¹ Yuda dilag mallen beret yis kawa oleri wénih Nanŕurak Deŕ* qe unaka duan. ² Am pris dilag anqak danah am Mosesri Ro duak danah ole ag danahas faŕareksi lareksi Yesus orweksi qeweg mousdigri ih marieg. ³ Sén qewa ge, nou memeg Satan, Yesus Béгур 12 qe olagwa usih os wénih Yudas Iskariotrer qe owa nuan. ⁴ Now ge Yudas atew pris dilag anqak danah am Tiwur Loug gumakri felag tutu dilag kuri danah ole Yesus areg ag ewlagwa mérigri né marieg. ⁵ Qeri ag olag gamag asew Yudas qarégwa daren morlagri né fag qeg. ⁶ Yudas ag aneg qeri o niew digumeko ih are os peko, danahas pi duepppeg Yesus ag ewlagwa mérigri ih marian.

Yesus Békuŕ Nanŕurak Deŕdi Ke Bawres

⁷ Yuda dilag mallen beret yis kawa oleri qe duan. Deŕ qewa ge Yuda danahas Nanŕurak Deŕdi sipsip yu aqeksi mallen qewa lelagri sén. ⁸ Yesus Pita Yon ole meŕatko anatan. “A ateksa Nanŕurak Deŕdi ke lakri isanig bawres,” eko anan. ⁹ Gam a koŕmores, “Naŕinah, i ke arewa bawarnit?” ¹⁰ Yesus anatan, “A Yerusalem taunwa noksa ge danah os le witko mouko wanew pelas. Peksa ge, dimlamurwes lo nug nurig ole qewa nos. ¹¹ Sén a lo qewa

noksa ge, lo memeg ere koŕmores. ‘Duak marak danah nasip ere ané: Da Beglar 12 qe ole kurug arewa Nanŕurak Deŕdi ke lenig?’ eksa anes. ¹² Lo memeg ge lo karan awen naŕi os tewol ole keke kunum bawrak ismattig. Qewa ge, ig Nanŕurak Deŕdi ke lenigri bawres,” eko anatan. ¹³ A ateksa ge, Yesus anan qe sillah keke kunum pes. Peksa ge, Nanŕurak Deŕdi ke qewa bawres.

Naŕinahri Ke

¹⁴ Sén Nanŕurak Deŕdi ke qe lakri dow ge, Yesus aposel† nusgur 12 qe ole lo qe karan ke bawres awen qewa tewol o moreksi ninaqifeksi deg. ¹⁵ Dessi ge, nug anan. “Da ol naŕi nie ge ag ole Nanŕurak Deŕdi ke ene léktu tatam am da gurak oko mousdil. ¹⁶ Da anarina. Da Nanŕurak Deŕdi ke fou la ospi léwin atew ole mallen ene digu ambo meko Tiwurdi Kingdomwa bérig,” eko anan. ¹⁷ Anko malako ge, Yesus wain kapwa qériak oko, Tiwurdi kena sam elle unuqorko Béгур dilag anan. “Ene uksi aŕié les. ¹⁸ Da anarina. Gei digumak da buliko wain ospi léwin atew sén uriyew Tiwur wan eneri King bérig,” eko anan. ¹⁹ Am Yesus beret os oko, Tiwurdi kena sam elle unuqorko temew nounu new marko anan. “Ene ge da féŕul. Da asilag seko mardil. Ag ere sesissi da dahmires,” eko anan. ²⁰ Ke léksi malweksi ge, Yesus kap wain ole os oko ge anaran. “Wain kap owa ene da karal. Qewa Tiwur titwanak fou danahas dilag sérig. Da karal qe asilag seko gogoŕdig. ²¹ Gam ag peksi! Danah da kegeŕ ewlagwa meiridig ole qe da ole tewol usihwa aŕié ke leŕu. ²² Danah Bega ge Tiwur ih man qewa mousdig. Gam danah oun nug kegeŕ ewlagwa mérig ole qe ge nug kug os perig,” eko anan. ²³ Sén Béгур ag né qe dueksi ge, ag agégé ounnah qere sérig essi koŕmeweg wane meweg duan.

Ag Olagwa Oun Naŕi Darig

²⁴ Yesus Béгур ag agégé oun asilag naŕi qeri néwa ih kareg. ²⁵ Karweg ge, Yesus anaran. “King wan eneri

* **22:1** 22:1 Nanŕurak Deŕ ge Yuda dilag mallen os. Sén Yuda danahas Isip darew qe, mousak nir danah anqakri nanŕaran qe dahmorakri sén. † **22:14** 22:14 Danah os Yesus nugégé toqarko anew kekuak nusig séksi ateg ole qe. Aposel ge Yesusri meŕ danah.

ge gagragsak asilagwa danahas gumarressi bilagwa qesi. Am wan ewa danah gagragsak ole qe ag danahas kehnaarak danah éksi anarlagri feřlag mési. ²⁶ Gam ag ge qere aw seweg. Oun os asilag naři de ge, nug danah sam sillah ag kallolagwa diar. Am danah oun ag gumardig ole ge nug asilag kekuak nir sillah diar. ²⁷ Qeri da kořmarina. Oun ge danah naři? Danah tewolwa sam dewew ke bawreksi morweg le ole qe te? Kawa, danah ke bawre ole qe te? Ag dosi ge danah tewolwa de qe ge danah naři. Gam da ge enan. Ag olagwa danah ke bawarko mare ole qe sillah deina. ²⁸ Ag da ole kug dasil kunumba datu. ²⁹ Géri Mem da king delle danahas gumardilri kekuakri gagragsak miřan. Qe sillah ag ole danahas gumarlagri kekuakri gagragsak marina. ³⁰ Qeri Kingdom dasil owa ag ole tewol dasilwa ařié dettu ke am le ole léksi am kingri sia awen awenwa dessi Israel ater 12 qe gumarlag,” eko anan.

Yesus Pita Nug Dimurdig Qeri Anan

³¹ Yesus Saimonri anan. “Saimon, Saimon, na doka. Reis ulaswa gogrepeg kéwsi am kar ole yalew ate qe sillah Satan o meře mak asilag qeperigri kořman. ³² Gam Saimon, da na ot meře mak pi tolwewri unuqurin. Géri sén na ot buliew dagnewa bulika doka ge, kuak usih leipar olag meře mak gagrag qor,” eko anan. ³³ Anew, Pita anoran. “Nařinah, da na dimlamirwi ole ařié kalabuswa atnit am mousnitri ole bawrém deina.” ³⁴ Yesus kořewa oko anan, “Pita, da anirina. Na keřew furwa maru pi gelak, na kiam patak da pi duiřna eka andip,” eko anoran.

Yesus Béгур Gagrag Dalag Anan

³⁵ Qe dimba Yesus Béгур dilag anan. “Sén tatam da kuak marwi ateg ge, ag qarég yanakri sogot, baram, am félag gařa aw oweg eko anin. Sén qewa ag kitéri os qagreg te?” “Kawa,” éksi aneg. ³⁶ Yesus anaran, “Gam gei ge oun os sogotwa qarég ole ge war am baram ole os. Am oun os fan barin kawa ole ge siot qařewari qe qarégri mew oweg am fan barin os daren mar. ³⁷ Tiwurdi Né yakwa

ane, ‘Danahas nug řo tapewnak danah sillah peg.’ Am Né yakwa dasil ane qe olele murdig am dasil Né yakwa ane qe sén mou bérigri qe unaka do,” eko anan. ³⁸ Anew nug Béгур aneg, “Nařinah, fan barin ařit enan,” éksi anweg am Yesus anan. “Malwew, qe olele,” eko anan.

Yesus Oliw Qoukuwa Unuqoran

³⁹ Yesus sansan seré sillah Oliw qoukuwa atewew Béгур ole dimlamurweg ařié ateg. ⁴⁰ Ateksi ge, Béгур anaran. “Ag qepiakwa pi tolaweg qeri Tiwurdi unuqores,” eko anan. ⁴¹ Nug Béгур minarko nagur lawar qar tourweg atko qe, qe sillah wanko ge gatewa yako delle unuqoran. ⁴² Unuqorko anan, “Mem, na ot niew pe, na kug nařinah wiřdig ene moutina miř. Gam da ol mourak aw dimlamurwen, na ot mourak qe dimlamur,” eko anan. ⁴³ Anew ge, saw kappari Tiwurdi doup os gumurko doko nug gagrag qoran. ⁴⁴ Yesus kug nařinah doko gagrag unuqoran. Unuqorewew ge séri qeko karag sillah katře katře wanwanan. ⁴⁵ Nug unuqorak malako asko ge, buliko Béгур agop wanan. Wanko ge, ag olag kug qew usniepeg piaran. ⁴⁶ Piarko ge anan, “Ag keřdi usnisi? Aseksi qepiak uřiyew tolawegra unuqores,” eko anan.

Yesus Ořweg

⁴⁷ Yesus né mariewew, danah ameg naři teg. Yesus Béгур qe olagwa usih os wénih Yudas qe omlarew teg. Nug Yuda koulagwa Yesus kiss murdigri unaka wanan. ⁴⁸ Wanew Yesus anoran, “Yudas, na Danah Bega da keger ewlagwa méiřdipri te kiss miřdip sena?” ⁴⁹ Sén Yesus Béгур ag kug bérig sew peksi ge, kořmoreg. “Nařinah, ig fan barinwa fan sénig te?” ⁵⁰ Béгур qe usih os fan barinwa pris dilag kuri danahri kekuak nir doug kenari qe seiyan. ⁵¹ Yesus qere peko ge anan, “Aw! Malwam genan,” elle doug oko meko lamsiew buliko duřduan. ⁵² Yesus pris dilag anqak danah, Tiwur Lougri felag tutu am Yuda dilag kuri danah ole nug ořalagri uřiyeg qe dilag anan. “Ag tapewnak danah te ořalagri fan barin am ker qetak ole kahweksi

uríyew? ⁵³ Da ag ole deí dorog Tiwur Lougwa daram, gam ag da ospi urwileg. Am gei ge asilag sén gatturi gagragsak ag gumare,” eko anaran.

Pita Yesus Pi Duina Eko Anan

⁵⁴ Anko malwew ge, Yesus orweksi omleksi pris dilag kuri danah qe lougwa ateg. Ateppeg ge, Pita nug dimqeko nagur lawar qere dimlamaran. ⁵⁵ Danah os kaí owa lo ihramba kew yaleksi urgessi deppeg, Pita ole wanew qere kew o moreksi deg. ⁵⁶ Lo qewari kekuak as os Pita kew urgelle dewew peko kitturko de de ge anan. “Danah ene ole Yesus dimlamdak weiréw,” eko anan. ⁵⁷ Gam Pita anan, “Kawa, da danah qe pi duina,” eko anan. ⁵⁸ Am wagam kawa danah os peko anan, “Na os ole enan,” eko anan. Anew Pita anan, “Kawa, da ole kawa.” ⁵⁹ Kem ameg usih keke qere atew ge, danah os gagrag anan. “Meřenah! Danah ene Galilirer, qeri nug Yesus ole weiréw,” eko anan. ⁶⁰ Anew Pita noh meko anan, “Na kitéri té marina ge da pi duina,” eko anewew ole maru gelan. ⁶¹ Sén qewa ole Nařinah buliko mangu ole Pita amegwa amnan. Pew ge Pita Nařinah ere anoran qe dahmoran. “Na kérew furwa maru pi gelak, na kiam patak na da pi duiřna eka andip,” eko anan qe dahmoran. ⁶² Pita dimdim wanko delle ge, owa qetko atew qalko kuanan.

Yesus Siwegkolessi Uksiuksi Qoressi Am Koreg

⁶³ Tiwur Lougri felag tutu Yesus gumessi deg qe nug diguméksi siwegkolessi am koreg. ⁶⁴ Ag Yesus lamenwa ameg qageksi koreksi am kořmoreg. “Na profet daka pe, anwe duet. Oun na kuiré?” ⁶⁵ Ag né nouni kowol kowol Yesusri aneg.

Yudari Kuri Danah Dilag Qaglakwa Yesus Kořmoreg

⁶⁶ Kuagrėw ge Yuda dilag kuri danah, pris dilag anqak danah am Mosesri Řo duak danah ole qagulweg ge, Yesus omleksi qaglak qewa waneg. ⁶⁷ Kuri danah

wagé wagé qe Yesus kořmoreg. “Na anwe duet. Na Kristus† qenan te?” éksi aneg. Yesus kořlagwa oko anan, “Da anwi ge, ag dasil olag meře ospi mew. ⁶⁸ Am da os ag kořmardil ge, ag né qe noh ospi meweg. ⁶⁹ Gam gei digumeko atak Danah Bega Da Tiwur gagragsak ole eweg kenariwa daril,” eko anan. ⁷⁰ Anew danah wagé wagé qe kunum bulieksi kořmoreg. “Qenan géri na Tiwur Bega te?” éksi anweg, nug anan. “Ag anéw ge da qenan.” ⁷¹ Qewa danah wagé wagé aneg, “Ig né gagrag qorakri né la ospi marihut. Ig igégé nou nusig qe nug kořewa duam qe olele,” éksi aneg.

23

Yesus Uksi Pailot Dowa Ateg

¹ Yudari kuri danah wagé wagé qe kunum qaglakwari aseksi Yesus omleksi Pailot* dowa ateg. ² Qewa ge nug diguméksi yagoř moreksi aneg. “Ig danah ene danahas isangar nouni om-lardig sew pet. Am Sisari takis pi tourwegri doulagwa nolle am ole nug ane, ‘Da Kristus am da king,’ eko anew orwektu uktu uríyam,” éksi aneg. ³ Géri Pailot Yesus kořmoran, “Meře te na Yuda danah dilag king?” Yesus né noh meko anan, “Na anam qenan.” ⁴ Pailot pris dilag anqak danah am danah ameg naři ole dilag anan. “Da danah ene piém ge nug kité nouni ospi san.” ⁵ Gam ag duessi bulibuli gagrag aneg. “Nug Yudia atu kunumba weiyelle né mariyelle danahas olag ye. Nug Galili tatam diguman am gei ge ewa uríyan se,” éksi aneg.

Yesus Uksi Herod Dowa Ateg

⁶ Sén Pailot qere doko ge nug kořmaran. “Danah ene Galilirer te?” ⁷ Ag kořewa uksi aneg, “Yo, nug Galilirer.” Pailot qe doko ge, ag Yesus uksi king Herod dowa ates eko anaran. Keřdi Herod nug Galili gumdé am sén qewa Herod nug ole Yerusalem dian. ⁸ Sén nug Yesus peko ge, o gamag naři asan. Keřdi nug Yesus neihwah mařiweg doko

† 22:67 22:67 Kristus ge Mesaia. Tiwur danahas nusgur buliko diardigri danah toqoran. * 23:1 23:1 Pailot nug Rom danah am Yudia wan atu qe gumdé.

sén welah perigri o nian. Am nug Yesus mirakel os sew piardigrinah dahmeré. ⁹ Qeri Herod Yesus kořkoř moran, gam Yesus kořewa ospi wan. ¹⁰ Pris dilag anqak danah am Mosesri Řo duak danah ole qewa dessi ge, Yesus gagragnah yagoř moreg. ¹¹ Qe dimba Herod fan danah nusgur ole Yesus uksiuksi qoressi siwegkolessi kingri bala kena urwurweg now uksi Pailot dowa bulieksi ateg. ¹² Tatam ge Herod am Pailot ole a olas usih pi daré, gam deř qewa ih ole a liam pates.

Pailot Yesus Ker Mawanakwa Katullag Anan

¹³ Pailot anew pris dilag anqak danah, danahas gumarak danah am danahas ole qagleg. ¹⁴ Qagulweg nug anaran, “Ag danah ene uksi dagnéwa uriyeksi anéw, ‘Nug danahas isangar nouni omlardigri olagwa ye,’ éksi anéw. Gam da ag nolagwa kořmorko piém ge, ag yagoř moreksi aneg sillah nug kité nouni ospi san. ¹⁵ Qeri Herod ole qere peko mew buliko ignéwa uriyé. Danah ene anwi qeweg mousdigri sillah kité nouni ospi san piém. ¹⁶ Qeri da anwi siwirwa qisleksi am pařoweg attig.” ¹⁷ (Pailot qere anan, keřdi sansan Nanřurak Deřwa kalabus danah usih os danahas ag nusig olag nie ole qe pařoweg doko dimdim ate.) ¹⁸ Gam danahas kunum urweksi aneg. “Danah qe qewe mousar! Barabas matulwe do migar!” ¹⁹ Barabas nug sew Yerusalem taun gumak danah Yuda dilag danahas ole karak naři seg am nug danah os ole qew mousan. Qeri nug kalabuswa yaneg. ²⁰ Pailot nug Yesus mundew attigri o dian, qeri buliko danahas kořmaran. ²¹ Gam danahas bulibuli urweksi aneg, “Ker mawanakwa katul! Ker mawanakwa katul!” ²² Pailot kiam patak danahas anaran, “Kitéri? Nug keř kugnah san, qeri anwi qeweg mousdig? Danah ene qeweg mousdigri sillah kité nouni ospi san piém. Géri qisleksi am pařoweg attig,” eko anan. ²³ Gam gagragnah urweksi Yesus ker mawanakwa katlakri aneksi Pailotri né qeweg nan. ²⁴ Géri Pailot minko ag aneg qe dimlamurko

Yesus qeweg mousdigri anan. ²⁵ Yuda aneg sillah, Pailot anew tapewnak danah Barabas nug sew Yerusalem taun gumak danah Yuda dilag danahas ole karak naři seg am nug danah os ole qew mousan, qeri kalabus dian qe matlew duan. Am Yuda olag nian sillah, Yesus ge qelagri Rom fan danah ewlagwa man.

Yesus Ker Mawanakwa Katleg

²⁶ Qewari ge ag Yesus uksi taun dimdim ateppeg danah os wénih Saimon Sairinirer qe uriko taun owa nurig sewew orweg. Orweksi keigoreksi ker mawanak sumeksi guqawa meweg mouko Yesus dimlamdan. ²⁷ Danahas ameg naři Yesus dimlamdeg. Qe olagwa as os Yesusri kunnessi dimlamareg. ²⁸ Yesus piarko anaran. “Yerusalem as, ag dasil aw kuanweg. Ag agégé asilag am nir nounou asilgar ole dilag kuanes. ²⁹ Keřdi geisah sén os uriyew danahas anlag, ‘As olagwa nir kawa, as nir pi memnak am as ouma asilag nir ospi lak ole qe ge kena.’ ³⁰ Sén qewa danahas qouku wagé wagé am nounu dilag ole anlag, ‘Ag néksi tonigweg mouset,’ éksi anlag. ³¹ Keřdi ag da kité nouni ospi séwi am qere sirlag ge, ag ge nouninah sarlag,” eko anan. ³² Sén qewa Rom fan danah tapewnak danah arit os Yesus ole arié ker mawanakwa katlarlagri diareksi ateg. ³³ Ateksi awen os wénih mousak danah kuri kéwsi éksi ansi qewa ge Yesus ker mawanakwa katleg. Am tapewnak danah arit qe os ge kenariwa katleksi am la os ge nanettiwa katleg. ³⁴ Yesus unuqorko anan, “O Mem, hipunin asilag kusuq. Keřdi danah ene duessi pi sési,” eko unuqoran. Danah ameg naři amneksi deppeg fan danah ag oun Yesus féřu bala qe urigri ker masawa namba yeksi touressi sagořweg. ³⁵ Am Yuda dilag kuri danah Yesusri né siwkolessi aneg. “Nug danahas la ge kehnarko kusqaran. Géri gei ge nug meřenah Kristus Tiwur toqoran dako pe, nug nugégé kusqak urig,” éksi aneg. ³⁶ Fan danah ole Yesusri né siwkolessi unaka waneksi wain qew morlagri seg. ³⁷ Qere séssi aneg, “Na Yuda dilag king daka pe, na nagégé kusqak o,” éksi aneg. ³⁸ Karan kuriwa ker

mawanakwa ker masa oswa né os ere yak qe dian. “Ene Yuda Dilag King.” ³⁹ Danah nou os arié ker mawanakwa katlareg ole qe Yesus okoko qorko anan. “Na Kristus meře Tiwur toqiran dew pe, na nagégé kusqak oka am i ole sewe kusqak or.” ⁴⁰ Gam tapewnak danah os ge lia gaıra morko anoran, “Na nug mousdig sillah ih usih qewa mousdip, qeri na Tiwur pi te fařurna? ⁴¹ I ge isanit sak nou qe ih noh mawekru mousnit, gam nug ge kité nouni ospi san,” eko anan. ⁴² Anko ge Yesusri anan, “Yesus na king beka ge, da dahmir.” ⁴³ Yesus kořewa oko anan, “Da meřenah anirina. Na gei da ole paradaiswa† danit,” eko anan.

Yesus Mousan

⁴⁴ Kémun kem ameg 12wa keke qere usihri atu qe kunumba gattu tonko niewew atko tueh kem ameg 3wa keke qere malwan. ⁴⁵ Kem ameg orwew gattu tonko niewew, Tiwur Lougwa gun awen owa lamén naři eisak nian ge gamagwa karilko neko arit patan. ⁴⁶ Géri Yesus gagrag uruko anan, “O Mem, da koullil na ewenwa meina,” elle ole mousan. ⁴⁷ Sén Rom fan danah dilag kuri qe kunum peko ge Tiwur binag meko anan, “Meřenah, danah ene mangunah,” eko anan. ⁴⁸ Am danahas kunum qe pelagri uriyeg ge peksi olagwa qetko atew bulieksi loulgarwa ateg. ⁴⁹ Gam danahas Yesus doréw qe kunum ole am as Galiliri dimlamdeksi uriyeg qe ole lawar assessi dessi keř keř beko atan qe kunum ole peg.

Yesus Uksi Ateksi Matmatwa Meg

⁵⁰ Danah os wénih Yosep nug Yudia atu owa taun Arimatearer am nug ole Yuda dilag kuri danah qaglak qewa delle kug keparde. Nug danah kena am danah mangu am nug Tiwur king delle danahas nusgur gumardigri sén qe ameg meré. ⁵¹ Nug ole Yuda dilag kuri danah qagleksi kug peréw qewa daré. Gam nug kuri danah la aneg am seg qeri o olele ospi dian. ⁵² Nug Pailot dowa atko Yesus gaıra oko suhumdigri kořmorew, Pailot mundew wan. ⁵³ Géri nug Yesus gaıra

ker mawanakwari oko neko lamén kena sagahwa saputko am oko atko matmat os qar ore kutlak qewa man. Matmat qe fou am danah gaıra la ospi mak ole. ⁵⁴ Deř qe Sabatri keke bawrak sén, am Sabat digumerigri sén unaka duan. ⁵⁵ As Yesus dimlamurweg Galiliri uriyeg qe Yosep dimlamurweg matmatwa ateg. Ag Yesus gaıra areg matmatwa meg qe pelagri ateg. ⁵⁶ Peksi ag bulieksi loulagwa ateksi ge, gořen murdig kena ole qe Yesus gaıra warwurlagri bawreg. Malaweg ge Sabat diguman. Géri Mosesri Ro dimlamdak ag sik og.

24

Yesus Mousko Am Buliko Asan

¹ Kuhawa furwanah as os gořen murdig kena ole bawreg qe uksi matmatwa ateg. ² Ateksi qewa ge, matmat koře megleg qar nari qe bitlew dougwa wanak dewew peg. ³ Peksi ole ag owa nog, gam Narinah Yesus gaıra qewa ospi peg. ⁴ Qeri ag katat aqarew aseksi deppeg ge, usihri danah arit bala ampir sonre sillah mak ole qerlagwa aseksa des. ⁵ As qe fareksi nou méksi duk nuksi gatlagwa yeksi wan kittureksi deppeg ge, danah arit qe anes. “Ag danah gei fou de ge keřdi mousak danah dilag awenwa marisi? ⁶ Nug ewa os kawa. Nug mousan gam buliko asan. Nug Galili dessi keř eko anaran qe dahmores. ⁷ Nug anan, ‘Danah Bega hipunin danah ewlagwa meweg ker mawanakwa katulweg mousdig, gam deř kiamba buliko asdig,’ eko anan.” ⁸ Qewa ge, ag Yesus anan ge bulieksi dahmoreg. ⁹⁻¹⁰ As qe Maria Makdalarer, Yoana am Maria Yems anig am as la os ole arié matmatwa ateg. Ag bulieksi matmatwari louw ateksi ge, Béğur 11 qe am danahas la Yesus dimlamurdéw ole qe kunum keř keř ban qe anweg dueg. ¹¹ Gam ag as né aneg qe ulas né essi olag meře ospi man. ¹² Gam sén Pita asko guko atko duk noko amnew matmat ore owa now ge, lamén sapteksi meg ole qe ih qewa niewew pian. Peko ge,

† 23:43 23:43 Saw kappa awen kenanah. O meře mak danah mouseksi ge qewa Yesus ole dasi.

keŕ keŕ ban qeri dahmew te mew newew buliko louw atan.

Danah Aŕit Emeus Atakri Ihwa Yesus Pes

¹³ Deŕ qewa ih Yesus dimlamdak danah aŕit os Emeus kappa atlasri ates. Yerusalemri Emeus atak ge 11 kilomita sillah. ¹⁴ A até até keŕ keŕ Yerusalem ban qe kunum mariessa ates. ¹⁵ A qeri mariessa suŕiessa atepes ge, Yesus nugégé dow ole aŕié ateg. ¹⁶ A pes, gam nug oun qe a olas ospi mouran. ¹⁷ Nug koŕmatan, “A kitérinah né mariessa atsa?” A olasnah dow kilas nou mew aseksa des. ¹⁸ Danah os ge wénih Kliopas qe asko koŕmoran. “Na Yerusalemri uŕina, gam na nagé té deŕ gane atan qewa keŕ keŕ ban qe ospi duen?” eko anan. ¹⁹ Anew ge, nug koŕmatan. “Keŕnah ban?” eko anew, a koŕewa oksa anes. “Nasaretrer Yesusri né mariŕu. Nug gagragsak naŕi ole né marian am keŕ keŕ san. Qewa ge, Tiwur amegwa am danahas amlagwa ole nug profet gagragsak ole. ²⁰ Gam pris dilag anqak danah am gumarak danah isanig ole oŕweksi ewlagwa meweg ker mawanakwa qeweg mousan. ²¹ Ig Israel nug ig kug owari buliko wigrigri onigwa niewew dahmoretu weiram. Gam qenan ih kawa, qeweg mousan am gei ole deŕ kiam ate, gam kité ospi be. ²² Am as isangar os gei furwanah matmat nusigwa ateksi am bulieksi uŕiyeksi seweg durnig new katat iqé. ²³ Ag Yesus gaŕa qewa ospi niewew piéw, gam Tiwurdi doup piatweg Yesus buliko asé eksa anap. ²⁴ Danah isanig os matmatwa ateksa ge, as anéw qe sillah ole Yesus gaŕa qewa ospi piap,” eksa anap. ²⁵ Géri Yesus anan, “A dahmak kutuk ole. Profet dilag né yak algurer nie, gam ag nagur olag meŕe ospi me. ²⁶ Ag pite dosi ge Kristus kug naŕi ene oko mousko tatam am buliko asko ge kamsahlak gun olewa darig?” eko anan. ²⁷ Am nug digumeko Mosesri am profet la kunum dilag Né yakwa nugégé nusig yeg qe kunum a dolasri nug digu kusuko ismatan. ²⁸ Ag kaw ateg ole qe mourak waneksi ge, Yesus nug kaw qe éŕurko attigri san. ²⁹ Gam danah aŕit qe gagrag meksa anes, “Na i

ole ninig, keŕdi ene gattu mane am kem noko malwé,” eksa anes. Géri nug a ole nilagri louw ateg. ³⁰ Ag ke lelagri aŕié dessi ge, Yesus beret os oko Tiwurdi kena sam elle unuqorko temko matan. ³¹ Qere sew ge, usihri a amlas fur kougwew peksa olas mouran ge nug Yesus. Gam a sén qewa nug ospi peppes ole qeroŕan. ³² A atété né marieksa anes. “Ig ihwa uŕiyettu nug Tiwurdi Né yak digu kusuko marié ge kuŕunit koré,” eksa anes. ³³ Géri a usihri aseksa ole Yerusalem bulieksa ates. Ateksa qewa ge Yesus Béguŕ 11 qe am leilgar la ole qagulweg piares. ³⁴ Qewa ge aneg, “Meŕe! Naŕinah buliko asan am ole Pita gumurko wanew nug pian,” éksi aneg. ³⁵ Am danah aŕit Emeusri qe a attowa keŕ keŕ ihwa san qe marieksa am beret temko matew ge peksa olas mouran qeri anes.

Yesus Peg

³⁶ Sén ag né qeri marieppeg, Yesus nugégé gumarko doko olagwa qere asko delle anan. “Tiwur o maror ag ole dalag.” ³⁷ Ag peksi ole dore piam essi olag faŕko nou man. ³⁸ Gam Yesus anan, “Ag keŕdi faŕessi am olag aŕit ole de? ³⁹ Da ewel féŕ ole duŕfal ene pes. Da enan! Úrwileksi pes, da dore os kawa. Keŕdi dore ge téhu am kéwsi ole kawa.” ⁴⁰ Nug qere anko ge eweg am fég ole ismaran. ⁴¹ Ag olag gamag asewew dahmak kuŕum og, qewa ag olag meŕe ospi man. Qeri Yesus koŕmaran, “Ag kité lakri ewa os de te?” eko anan. ⁴² Anew ge ag kaké aŕak os uksi moreg. ⁴³ Morweg ge, nug oko ag peppeg ole lan. ⁴⁴ Nug anaran, “Da ag ole dettu anarin. Mosesri Ŗo yakwa, profet dilag Né yakwa am Dewitri Kasi Yakwa dasil ane qe kunum meŕenah mou bérig,” eko anan. ⁴⁵ Anko ge, nug Tiwurdi Né yak olag mourdigri sew dahmak asilag matlan. ⁴⁶ Nug anaran, “Tiwurdi Né yakwa ane, ‘Kristus qe nug kug naŕi oko mousko am deŕ kiamba ge buliko asdig. ⁴⁷ Danahas olag buliew Tiwur dow doweg am hipunin asilag kusuqrigri né qe nug wénihwa danahas kunum agop ag Né Kena qe kusulag. Am qe Yerusalem

digumelag,' eko ane. ⁴⁸ Ag qe ih ke' ke' ban peg qe kunum ole mariweg dues. ⁴⁹ Da Mem né fagqan qe dimlamurko Koulli Gun méwi uririg. Am ag taun ewa ih daweg atew Tiwur gagragsak mardig," eko anan.

Yesus Saw Kappa Atan

⁵⁰ Qe dimba Yesus bégur omlarew taun parweksi Betani mourak ateksi eweg sumko wittak maran. ⁵¹ Nug wittak marewew Tiwur sumko oko tew minarko saw kappa atan. ⁵² Géri ag Yesus binag méksi am olag gamag asak na'riwa bulieksi Yerusalem ateg. ⁵³ Am ag Tiwur Lougwa dessi Tiwur binag sumdew.